

Zu hemen zaude. goiena



Gorka Idigoras
rallysprint pilotua,
Euskadiko txapeldun

Gorrek entzunarazi
egin dituzte
aldarrikapenak

**GOIENA
TELEBISTAN
UDAZKENEKO
PROGRAMAZIO
BERRIA**



GERTUKO IKUS-ENTZUNEZKOAK, ESKU-ESKURA

'Goiena nahieran' aplikazioarekin,
Goiena telebistako saiok tabletetan
eta smartphoneetan / 23

IMANOL SORIANO

Kooperatiben eredua ezagutzen Arrasaten

Bilbon egin den Gizarte Ekonomiaren Munduko Foroan parte hartu duten 300 lagunek interes handiz bisitatu dituzte hainbat enpresa / 2

**Euskara batuaren
iragana, oraina eta
etorkizuna aztertzen
ari da Arantzazun
Euskaltzaindia / 40**

SINADURAK



**gama altuko
2 mó progresibo
erreflexuen aurkako lenteekin**

229€

Beasain • Donostia • Eibar • Errenteria
Irun • Lasarte-Oria • Tolosa • Ordizia

Otalora Lizentziaduna, 18 • Tel.: 943 79 29 95
ARRASATE

Ibargarai, 16 • Tel.: 943 76 15 75
BERGARA

MULTIÓPTICAS
lehena zerbitzu optikoetan

Gure betaurreko guztiak bilduma berrietakoak dira

www.multioplicasgipuzkoa.com

Konsumatzaile irizpazu zure optikan konpainiaren eragarririk. Ezingo da beste eskaintza batzuetan erabili.

Eneko Azurmendi DEBAGOIENA

Gizarte Ekonomiaren Munduko Foroaren laugarren edizioa Bilbon egin dute asteon (Global Social Economy Forum, GSEF).

GSEF nazioarteko sarea da, eta gizarte ekonomiaren eta eredu kooperatiboaren garapena babesten duten tokiko gobernuak eta gizarte zibileko interes taldeak elkartzen dira sare horretan. Helburuari dagokionez, mugaz haraindiko elkarlanaren eta lankidetzaren bidez ikuspuntuak nahiz esperientziak partekatzeke gunea izatea gura du foroak.

Jardunaldi hauek jasotzearekin batera, "garapen jasangarri-rantz aurrera egiteko administrazio publikoen egitekoaren eta gizarte ekonomiaren etorkizunaren gaineko eztabaidarako munduko hiribururu" bihurtu da Bilbo egun hauetan, antolatzaileen esanetan.

Foro hau Bilbon egitearen arrazoi nagusienetako bat, ordea, Arrasateretik gertutasuna da. Izan ere, "Bilbok ekonomia sozialean ez du horrenbesteko esperientziarik, eta Arrasate erreferentzia da mundu mailan", Mikel Lezamiz esanetan. Arizmendiarraren Lagunak Elkarteko idazkaria da Lezamiz, eta gizarte ekonomian aditua. "Bartzelonarekin eta Parisekin lehiatu ostean, Bilbo hautatu zuten foroa jasotzeko", dio.

Hori dela eta, kongresuko 300 partaide inguru Arrasatera etorri dira eguaztenean eta egue-nean, hemengo gizarte ekonomia eredu ezagutzeko -1.000 pertsona inguru batu dira, guztira, foroan-. "Munduari hemen dagoen garapen sozioekonomikoa erakusteko aukera bikaina izan da", adierazi du Lezamiz.

Ander Etxeberriak, Mondragon Taldeko hedapen kooperatiboko arduradunak, adierazi du Mondragon esperientziak betidanik eduki duela oihartzuna nazioartean. "Jendeak beti gura izan du esperientzia hau gertutik ezagutu. Azalpenak emateaz arduratu zen lehen pertsona Arizmendiarrak bera izan zen, eta duela bi hamarkadaz geroztik, pertsona bat daukagu kanpoan gure jarduna ezagutarazteaz arduratzen dena. Orain, nik daukat ardura hori", dio.

Lau ibilbide Arrasaten

Aipatutako 300 pertsona horiek bi taldetan banatuta etorri dira:



Arrasaten egon diren 300 bat bisitarrietatik 55 inguruk ezagutu dute Goiena Komunikazio Taldearen egoitza eta eredu kooperatiboa, bi taldetan banatuta. Argazkian, lehen taldea. XABI URZELAI

Kooperatibismoa hauspotu guran

Arrasatek presentzia nabarmena izan du bukatu berri den Gizarte Ekonomiaren Munduko Foroan; mundu osotik etorritako hainbat ordezkari hemengo eredu kooperatiboa gertutik ezagutzeko aukera izan dute; Goiena bisitatzen ere izan dira

eguazten arratsaldean talde bat eta egun goizean beste bat, hain zuzen ere. Eta herriko hainbat enpresa eta eredu kooperatibo ezagutu aurretik, Kulturatego klausuroan prestatutako erakusketan egin die harrera Maria Ubarretxena Arrasateko alkateak. Erakusketa horretan, besteak beste, Arizmendiarraren historia, Arrasatek duen esperientzia kooperatiboa, Mondragon Taldea, Mondragon Unibertsitatea, Goiena Komunikazio Taldea eta ekonomia solidarioko beste elkartek batzuk ezagutzeko aukera izan dute -Caritas, Emaus, Gureak, eta abar-, panelen bitartez. Erakusketaren ostean, lehen eskutik ezagutu dituzte horietako hainbat gune, bisiten bidez. Azken hauek lau multzotan banatu dituzte antolatzaileek: ekonomia solidarioa; herria eta

"Pozik gaude foroak eman duenarekin"

MARIA UBARRETXENA
ARRASATEKO ALKATEA

Jardunaldien balorazio positiboa egin du alkateak, eta pozik azaldu da.

Zer moduz joan da foroak?

Hemen gauzak egiteko modu desberdin bat dugu, eta garrantzitsua da. Ekonomia egiteko beste modu batzuk existitzen dira eta baliagarriak dira. Hori ikusteko eta erakusteko oso aproposa izan da foro hau, eta mapan kokatzeko ere balio izan digu. Oso gustura gaude.



GOIENA

Arrasatek badu zeresana arlo honetan, ezta?

Noski. Arrasatek presentzia bat izango zuela bermatu nahi izan zuten antolatzaileek, zentzua ere ematen ziolako foroari, eta gu oso pozik gaude, jardunaldien ostean bisita batzuk bertara ekartzea lortu dugulako. Nazioarteko harreman batzuk egiteko aukera izan dugu, eta etorkizunari begira garrantzitsua da hori.

balioak; industria eta hezkuntza. Hala, partaideen interesaren arabera, bisita bat edo beste egiteko aukera izan dute.

Lehenengo taldekoek Emaus Taldea, Gureak eta Caritas bisitatu dituzte, ekonomia solidarioan oinarritutako enpresa edota erakunde gisa.

Arrasate eta haren balioak ezagutu gura izan dutenak herriko erdigunean ibili dira -Olarre, Zarugalde, Zurgin kantoia, San Juan Bataiatzailea parrokia eta J.M. Arizmendiarraren hilobia-, eta Goiena Komunikazio Taldearen egoitzara ere egin dute bisita.

Hirugarren taldea industria arloan zentratu da, eta hauek Fagor Arrasate ezagutu dute.

Azkenik, hezkuntza arloan sakondu nahi zutenek Gaztelupe-Edizak Ikastolara egin dute bisita, eta ondoren, Mondragon Unibertsitatara.

Goiena Komunikazio Taldea

Bisita horien guztien artean, esan moduan, Goiena Komunikazio Taldearen egoitza ere bisitatu dute munduko hainbat ordezkari. Izan ere, foro honekin bat egin du enpresa honek, eta hemengo jarduna ezagutarazi gura izan du kanpora begira. "Nahiz eta Mondragon Taldearen barruan ez egon, Mondragon esperientziarekin bat egiten du Goienak hasieratik, idealekin eta ereduarekin bat egiten dugulako. Mondragon esperientziak hainbat gauza



da munduko edozein txokotatik gurera etorri izana. Hori, guretzako, ona da, mapan kokatzen gaituelako".

Bisitariak erakarri dituen beste puntu bat izan da komunikazio arloan finkatutako kooperatiba ereduarena. "Ez zaie erraza egin ulertzeko komunikabide bat kooperatiba izatea. Mundu mailan ohituta gaude ikustera oso jende gutxiren menpeko hedabideak eta hori gero nabaritu egiten da editorialetan eta gainontzekoetan. Guretako zama handia da editoriali orekatua izatea, baina kooperatibak horretan ere laguntzen du, ez gaudelako gainontzeko eragin ekonomiko edo alderdikoen azpian. Eredu hori gustatu egin dela esango nuke", azpimarratu du zuzendariak.

Bisitariak, gustura

Arrasate bisitatzeko aukera izan duten 300 lagunetatik 55 lagun inguruk bisitatu dute Goienaren egoitza, eta, oro har, harridura nagusitu da haien erreazioetan. Izan ere, gauza "berria" izan da haientzat. "Ikusgarria da Goiena. Ekonomia soziala eta solidarioa edozein sektoretan aplikatu daitekeela erakusten duzue", azaldu du batek.

Beste batek dio garrantzitsuak direla horrelako proiektuak hizkuntzarentzat eta kulturarentzat. "Egun hauetan asko ikasi dugu mundu osoko proiektu ezberdinak ezagutzuz, eta gehien azpimarratuko nukeeneko bat zuen proiektua da".

"Zuen egoitzara etortzeak aukera eman dit daukazuen esperientzia kooperatibo zoragarri hau deskubritzeko. Oso urte gutxian egonkoritu den proiektua daukazue", azpimarratu gura izan du beste batek.

eman dizkigu; tartean, kooperatibismoak berak ematen dituenak", azaldu du Iban Arantzabalek, Goiena Komunikazio Taldeko zuzendariak.

Kooperatiba berezi bat da, Arantzabalen esanetan: "Publikotik eta pribatutik dauka. Berezia da, gurean erdigunean dagoena, benetako bezeroa, hizkuntza komunitatea da, eta ez gaude erakunde ekonomiko baten menpe. Horrek guztiorrek ikusmira bat eta jakiteko gogo bat sortzen du. Iruditu zait etorri diren bisitariak eredu moduan hartu gaituztela, eta harritzekoa

BILBON EGIN DUTE LAUGARREN FOROA, BAINA ARRASATE IZAN DA HIZPIDE NAGUSIENETAKO BAT

EUSKARALDIA, GERTU!

49
EGUN FALTA
DIRA

Euskaraldia herrira zabaltzeko modu polita

Aretxabaletako eta Eskoriatzako batzordekideek lau bideo grabatu dituzte, Huheziko ikus-entzunezko komunikazio ikasleekin batera, egunerokoan herriko komertzioetan gerta daitezkeen lau egoera posible irudikatuz; atzo kaleratu zuten azken bideoa

E.A. DEBAGOIENA

Lau bideo hauen bitartez lortu gura dutena zera da: "Euskaraldiaren mezua herritarrei helaraztea, egoera ezberdinak islatuz. Protagonistak herritarrak izatea gura izan dugu. Hala, askoz ere gertuagokoa da mezua, eta inpaktua ere handiagoa da. Modu honetan, eraginkorragoa izango dela uste dugu, herritarra identifikatuta sentitu daitekeelako, eta pausoa errazago eman".

Bi herriotako batzordekideak Huheziko Ikus-entzunezko Komunikazioko ikasleekin harremanetan jarri ziren eta proposamena egin zieten. Ikasleek onartu egin zuten, eta haiek grabatu zituzten lau bideoak, ekainean. Ondoren, publikatzen joan dira banan-banan, eta azken atzo bertan plazaratu zuten.

Leku ezberdinak aukeratu zituzten bideoetarako, "egunerokoan ohikoak izan daitezkeen lekuak edota horren ohikoak ez direnak: lehenengo bideoa Aretxabaletako Hankabeltz dendan da; bigarrena Eskoriatza Santa Ana gozotegian; hirugarrena Aretxabaletako taberna batean eta laugarrena, azkenik, gasolindegian, Eskoriatzan -argazkian ikusi daitezke azken bideoa



Huheziko ikasleak, azken bideoa grabatzen. HUHEZI

grabatzen ari zireneko une bat, gasolindegian-.

Beste ekintza batzuk

Aretxabaletan, San Migel jaiak aprobetxatuz, Euskaraldiaren proba pilotu bat egin zuten pasa den asteburuan, *ahobizi* eta *belarriprest* pegatinekin. "Herritar mordoak" hartu zuen parte, eta gustura ibili ziren parrandan", batzordekideen esanetan.

Izena emateko aukera ere badago, Arkupen, kiroldegian,

udaletxean eta Loramendi euskara elkartearen.

Bestalde, Oñatin ere San Migel jaiak aprobetxatu zituzten Euskaraldiaren berri emateko. Danborrada nagusian, adibidez, *ahobizi* eta *belarriprest* panpinak irten ziren dantzan, eta eskuorriak banatu zituzten Olaitturri elkartearen antzerkian. Gaurko bertso-saioan eta biharko herribazkarian ere banatuko dituzte eskuorriak, herritarrei informazioa emateko.



APROBETXATU WLTP ARAUDI BERRIA ETA LORTU
NISSAN X-TRAIL BAT LIKIDAZIO PREZIOAN. 50 DITUGU!
GAURSAN BAKARRIK.

GAURSA Gamarrako Atea, 46 - 01013 Gazteiz - Tel. 945 26 25 01

Consumo mixto: 4,9 - 6,4 l/100 km. Emisiones de CO₂: 129 - 149 g/km. Consumo homologado de acuerdo con la normativa europea.

Bazkide gehiagorekin ekin dio Goienagusik

2018-2019 ikasturteari hasiera eman dio Goienagusik elkarteak. Bergarako Seminarixoan egindako ekitaldian, batzorde berria aurkezteaz gainera, edizio honetarako antolatu dituzten hitzaldien eta gainerako ekintzen berri eman dute

Maialen Regueiro DEBAGOIENA

Goienagusik elkarteak 2018-2019 ikasturteari hasiera eman dio Bergarako Seminarixoan egindako aurkezpen ekitaldiarekin batera. Elkarteko lehendakari Matilde Sainzek egin du edizio honetako aurkezpena, bere kide Nati Etxaberekin eta Pili San Migelekin batera. Horrez gain, Enplegu eta Gizarte Politiketako zuzendari Emilio Solak, Elena Lete Bergarako alkateak eta Amaia Azpiazu Arrasateko Udaleko Ongizate Saileko zinegotziak hitz batzuk esateko aukera ere izan dute.



Ikasturte hasierako aurkezpena. MAIALEN REGUEIRO

161 bazkide

Arrasate, Bergara, Eskoriatza, Aretxabaleta, Aramaio, Antzuola eta Oñatiko herritarrek osatzen dute edizio honetako bazkide taldea; guztira, 161 lagun izango dira. Gehienak emakumeak izango badira ere, gizonzkoek ere izango dute beraien errepresentazioa elkartean. Azken hiru ikasturteetan, gainera, gora egin du bazkide kopuruak, Sainzek aditzera eman duenez.

Elkarteko bazkideak gogotsu daude dagoeneko ikasturte berriari hasiera eman eta batzordeak antolatu duen urte osoko egitarauaz gozatzeko.

Batzorde berria

Aurreko urtekoari erreleboa eman eta ikasturte berrirako, Goienagusiko batzordea aldatu egiten dute; hala, elkarteko ordezkariak sei lagunek osatuko dute. Horrez gain, bazkideetako bat elkarteko bloga elikatzen ariko da, ikasturtean zehar egiten dituzten ekintzen berri emanez eta plataforma mota desberdinetako edukiarekin elikatuz, besteak beste. Batzordeak, gainera, hiru komisioz osatuta dago: *Irteera kulturala* komisioa, *Musika* komisioa eta

Goienagusik etorkizunera begira komisioa.

Helburuak eta ikaskuntza

2001ean sortutako elkarteko sozio-kultural hau bailarako pertsona guztiei zuzenduta dago eta helburu batzuk ditu finkatuta egiten dituzten ekintzei begira. Antolatzen dituzten hitzaldi zein ekintzekin, arlo ezberdinetako ezagutza areagotzea eta gaitasun intelektualak trebatzea nahi dute. Era berean, ezinbestekotzat jotzen dute aisialdiaz gozatzeko eta beste ideia eta pentsatzeko

moduetara zabaltzea. Azkenik, gizartean partaidetza eta garapen aktiboa bultzatu nahi dutela adierazi du Sainzek. Ekitaldian azpimarratu dute, gainera, ikasteko gogoak adinik ez duela eta garrantzitsua dela norberak izan nahi duen hori izatea.

Ikaskuntzak norberari eman ahal diezaiokeenaz ere mintzatu dira aurkezpen ekitaldian. Izan ere, ikaste prozesuak ase egiten duela adierazi dute; zerbait berria ikastea edota ezagutzea erronka bat dela, alegia.

Jakintza gaiak

Hitzaldiak izan ohi dira protagonista nagusiak Goienagusik antolatzen duen egitarauan. Aurtengo hitzorduak Bergarako Seminarixoan eta Arrasateko Kulturaten izango dira astelehen eta asteazkenetan, goizeko hamarretan hasita. Hala ere, aurtun, Oñatira eta Arantzazura bisita gidatu bat antolatu dute, urriaren 24rako.

Guztira, 53 hitzaldiz gozatzeko aukera izango dute elkarteko bazkideek. Hitzaldietako gaiak aukeratzeko orduan, testuinguru desberdinetako gaiak jorratu nahi izaten dituzte. Aurtun, gizartea, literatura, politika, historia, zientzia, musika, erlijioa, osasuna, artea, zinea, filosofia eta etika, teknologia, zuzenbidea, astronomia eta fisika izango dira hitzaldietan jorratu dituzten gaiak.

Hitzaldi guztiak adituek eskaintakoak izaten saiatzen dira. Horretarako, hainbat aditurgana jotzen dute, eta horiekin data bat finkatu. Aditu batzuek urtetik urtera errepikatu egiten dute; izan ere, hitzaldi bakoitzaren ostean bazkideek galdegegi bat bete behar izaten dute hizlariaren komunikatzeko mo-

dua, hizkuntza, materiala eta gaia baloratzeko. Balorazio hori oso lagungarria izaten da elkarteko batzordearentzat, egitaraua osatzeko aldera.

Bestalde, Goienagusik harremanak ditu Euskal Herriko Unibertsitatearekin, Mondragon Unibertsitatearekin, Eusko Ikaskuntzarekin, Zumalakarregi museoarekin eta Euskaltzaindiarekin; harremanok oso garrantzitsuak izaten dira adituekin harremanetan jartzeko orduan.

Hiru hiru hilero

2018-2019 ikasturtea hiru hiru hilero antolatu du Goienagusik. Lehena urriaren 3tik abenduaren 19ra izango da; bigarrena, urtarrilaren 7tik martxoaren 27ra; eta hirugarrena, apirilaren 1etik maiatzaren 29ra. Hala, ikasturte honetan bi batzar nagusi egingo dituzte, lehen aotsailaren 25ean eta bigarrena maiatzaren 29an. Bi egun horietan, Arrasateko Etxaluzen elkarteko bazkide guztiak elkartuko dira, balorazioa egiteko.

Astelehenean lehen hitzaldia

Goienagusiko bazkideek lehen hitzordua izango dute astelehenean, Arrasateko Kulturaten, goizeko hamarretan hasita. Onintze Salazar EITBko eguraldia ataleko aurkezlea izango da hizlaria, eta *La predicción del tiempo no es cuestión de las temporadas* izango da lehen hitzordua horren jakintza-gaia.

HITZALDIEZ GAIN, ARANTZAZURA ETA OÑATIRA BISITA GIDATUA EGINGO DUTE URRIAREN 24AN

Bihar, Donostiara, etorkizuneko pentsioen alde egiteko asmoz

18:00etan hasiko da manifestazioa, Alderdi Ederren, eta aurretik elkarretaratzea egingo dute

Maialen Regueiro DEBAGOIENA

Urriaren 1ean Nazioarteko Pertsona Nagusien Eguna ospatzen da. Aurtengoa astelehena izan dela aprobetxatuz, pentsiodunak kalera irten dira, beste behin ere, zahartzaro duina eskatzeko.

Hala, Arrasaten, Bergaran eta Oñatin, esate baterako, elkarretaratze jendetsuak egin dituzte.

Etorkizuneko pentsioen alde egiteko deituta dago biharko manifestazioa Donostian. Urriaren 1ean Bilbon, Iruñean eta

Gasteizen egin dira. Gipuzkoako pentsiodunen hainbat taldek egin dute biharko deialdia. Hala, 18:00etan emango diote hasiera manifestazioari, Alderdi Ederren, nahiz eta aurretik elkarretaratzea egingo duten. Al-dunditik igaro ostean, Bulebarrean amaituko dute eta manifestua irakurriko dute. Antolatzailuek adin guztietako pertsonak espero dituzte; izan ere, egoera horren kaltetu nagusiak pentsiodunak badira ere, gazteei ere eragiten die.



Astelehenean Bergaran egindako manifestazioa. GOIENA



Agorrosin Kirol Guneko sarrera nagusia, artxiboko argazki baten. GOIENA

Bergararrek beste ordaintzea eskatzen dute

Azken hiru agintaldietan moduan, Antzuolako eta Elgetako alkateek Bergarakoari eskatu diote Agorrosin erabiltzearen Bergaran erroldatutakoek beste ordaindu dezatela; 2019ko ordenantza fiskaletan horixe bermatzea eskatu dute, besteak beste

Jokin Bereziartua BERGARA

Azken hiru agintaldietan hainbat alditan irten den debatea izan da Antzuolako eta Elgetako biztanleek Bergarako Agorrosin kiroldegia erabiltzeagatik tasa gehigarri bat ordaindu behar izatearena. Agorrosingo igerileku berriak egiteko, 2006an Bergarako Udalak 2.100.000 euro inguruko diru laguntza jaso zuen Diputaziotik, eta, Bergarako Udaleko Kirol Zerbitzuak azaldu dutenez, diru laguntza lerro hark jasotzen zuen Agorrosinek Bergaraz haragoko zerbitzua eskaini behar zuela; hala ere, diote "zehaztopen handirik gabe" dagoela jasota puntu hori.

2019ko ordenantza fiskalei begira Ordutik hona, agintaldi ezberdinetan, hainbat negoziazio izan dira. Orain, Bergarak 2019rako ordenantza fiskalak onartu aurretik, Elgetako alkate Iraitz Lazkano eta Antzuolako alkate Beñardo Kortabarria Bergarako alkate Elena Leterekin batzartu

ziren irailaren 12an. Lazkanok eta Kortabarriak uste dute "injustua" dela elgetarrek eta antzuolarrek bergararrek baino tasa altuagoak –"altuegiak", euren ustez– ordaindu behar izatea: "Hiru herrietako biztanleok oinarritzako kirol zerbitzuak baldintza beretan erabili beharoko genituzke, Bergarako Udalak Aldundiarekin sinatutako akordioaren arabera. Hainbat saikeraren ondoren, Aldundiari eskatu genion berma zezala akordioan ezarritakoa, eta erantzuna aldekoa izan da".

Hori horrela, Kortabarriak eta Lazkanok eskatzen dute 2019rako ordenantza fiskalak onartzean Bergarako Udalak berma dezala antzuolarrek eta elgetarrek

EGUN, BERGARARREK BAINO IA %30 GEHIAGO ORDAINTZEN DUTE ANTZUOLARREK ETA ELGETARREK

bergararrek baino gehiago ordaindu behar ez izatea "guztiontzat eraikitako" instalazioak erabiltzeagatik. Bergarako Udalak ez du akordioa horrela ulertzen, eta berriro batzartuko da Diputazioko ordezkariekin. Elena Lete alkateak ez du, oraingoz, gai horren inguruan adierazpenik egin nahi izan.

Bergararrek baino ia %30 gehiago

Bergarako Udalak bere garaian planteatu zion Antzuolari eta Elgetari erabiltzaileen arabera ko modu proportzionatu baten defizitarioa den zerbitzuari euren ere aurre egitea, eta orduan ezezkia izan zen erantzuna, bi udal horiek Agorrosingo kudeaketan ez dutelako parte hartzerik. Gaur-gaurkoz, ia %30 gehiago ordaintzen dute antzuolarrek eta elgetarrek bergararrekin alderatuta; Bergaran erroldatutako pertsona heldu batek 232 euro ordaintzen ditu urtean eta Bergaran ez erroldatutako batek, berriz, 302 euro.

Pinua hilzorian utzi duen onddoa "izugarri" hedatu da udaberrian

Basozainak "oso kezkatuta" daude, eta pinua bota ostean zer landatu ondo hausnartu behar dela diote

J.B. BERGARA

Bada, azkenaldian, pinu jabeak eta nekazaritza sektorea kezkatuta dituen izurrite bat: *Lecanosticta acicola* izeneko onddoa eragindakoa, hain justu. Azken asteetan nabarmena da Debagoieneko zein Euskal Herriko paisaia marroi koloreko banda, intsinis pinua erasotzen ari dena; egoera "kezkatzekoa" da, Fermin Lezeta basozainaren arabera: "Iazko udazkenerako Bergara aldean ikusi genuen kolore marroixka eta egun batzuk pasatu zirenerako izugarri zabaldu zen. Kanpanzartik eta Olabarta ingurutik ere sartzen ari da, eta baita Aramaio ingurutik ere; horrenbeste hedatu da udaberri honetan, esan dezakegu dena hartuta dagoela".

Espero baino hedapen azkarragoa

Basozainek bazekiten onddoa bazetorrela, baina ez zuten es-

pero horren azkar hedatuko zenik eta gogora ekarri dute pinu gazteenetan eragiten dutela kalte handiena: "Pinu jabeak oso kezkatuta daude egurraren salerosketari begira. Bestalde, ezin da ahaztu basogintzan ez dagoela belaunaldi aldaketarik eta berriro landatzeko eta behar den moduko jarraipena egiteko ez dagoela borondaterik. Ondo baloratu behar da zein zuhaitz sartu eta zein modutan jokatu behar den etorkizunean".

Pinua egoera sozioekonomiko zehatz baten testuinguruan hedatu zen Euskal Herrian eta Debagoienean, eta egoera hori aldatu egin da, Lezetak dioenez: "Ondo pentsatu eta hausnartu beharreko aldaketa esanguratsu baten aurrean gaude. Pinuaren amaiera denik ezin dut baieztatu, baina gaur egun dagoeneko beste espezie batzuk landatzea ari gara gomendatzen".




Lecanosticta acicola onddoa bazegoen iaz, baina aurtun "oso azkar" hedatu da. GOIENA

'Kamarada' hilaren 10ean aurkeztuko dute Arrasaten, Kulturaten

Urriaren 10ean, eguaztena, aurkeztuko dute *Kamarada* izeneko dokumentala, Arrasaten, Kulturaten (19:00). Lumiere Produktzioak ekoiztutako lan honek Julia Juaniz du zuzendari eta Intxorta 1937 Kultur Elkarte Juan Ramon Garaik idatzitako *Celestino Uriarte. Klandestinitatea eta erresistentzia komunista* izeneko biografian oinarritu

dira dokumentala egiteko. Celestino Uriarte (Arrasate 1909, Madril 1979) borrokalaria komunistaren bizitzarekin batera, erresistentzia antifrankistan aritu ziren hamasei pertsonaren bizipenak ere batzen ditu dokumentalak. Intxorta 1937 Kultur Elkarteak *crowdfunding*-a jarri du martxan eta horretarako kontu korrante zenbaki bat ireki dute: ES46 3035 0001 57 0010105700 (Laboral Kutxa). Dokumentalak ordu eta hamar minutu irauten du.



14. UDAKO ARGAZKIEN GOIENA LEHIAKETA *egin klik!*

2. SARIA



UR AZPIAN JENDETZA | Argazkia: Itziar Arrizabalaga
SARIA: Gure Ametsa jatetxean bi lagunendako afaria edo bazkaria

Beste behin ere, **Goienak** antolatzen duen **Udako Argazki Lehiaketak** aurreikuspenak gainditu ditu. Guztira, **430 argazki** jaso ditugu; eta, gainera, Publikoaren Saria aukeratzeko, **406 boto**. Horregatik guztiagatik, parte hartu duzuen debagoiendar guztiei **eskerrik asko!** Datorren urtean ere zuen argazkien zain egongo gara.

Urriaren 11ko GOIENA aldizkarian izango duzue irabazleak ezagutzeko aukera.

1. SARIA



ANTELOPE CANYON. ARIZONA | Argazkia: Iosune Kortabarria
SARIA: Redmi 5 Plus smartphonea, Eroski Arrasateri esker

PUBLIKOAREN SARIA



TURKIA | Argazkia: Maria Aginagalde Mendibil
SARIA: Zumaiaiko Zelai Talasoterapian bi pertsonarendako zirkuitu termala eta Zelai menua, Arrasate Bidaiei esker

ANTOLATZAILEA:

goiena
KOMUNIKAZIO TALDEA

LAGUNTZAILEAK:

EROSKI
ARRASATE

GURE AMETSA
JATETXEA

ARRASATE BIDAIAK

Beti egongo zarete gurekin

ITZIAR JAUREGI

CONSUELO ESCUDEROREN ETA ANTONIO VAZQUEZEN LAGUNEN IZENEAN
ARRASATE

Consuelo eta Antonio maiteak.

Zorte handia izan zen zuek ezagutzera. Zuekin Etxaluzen batzen ginen dantzatzeko, eta oso ondo pasatzen genuen.

Orain, zuen hutsunea gelditzen zaigu.

Ez zaituztegu inoiz ahaztuko.

Eskerrik asko, zuekin asko ikasi genuelako.

Baina beti egongo zarete gure bihotzetan.

Eskerrik asko.

Maitasunez.

Gainazaleko parte hartzeak

ENEKO FERNANDEZ

ARRASATE

Arrasateko Udal Gobernuaren azken arrakasta San Andresko jolas parke berria aukeratzeko parte hartze prozesua izan da. Enpresa batzuek aurkeztutako 8 proiektu aukeran eman zaizkie herritarrei. Baina proiektuek benetan asetzen al dituzte auzotarrek, ondoan dagoen eskolak, haur eta zaintzaileek dituzten beharrak?

Azkenaldian herrian berriztu diren parkeen oinarritzko ezaugarriak ondo aztertutako eta benetan modu parte hartzailean landuak izan diren zalantzan jartzen dut. Hau da, parkeek haurren garapenean zein ekarpen egingo duten, zein adin tarteri zuzenduta egongo diren, zein azalera eta formatu eman nahi zaien, estalkia edo itzala behar duten, familia osoarentzat erakargarriak eta erosoak izango diren, natur elementuetan oinarritzea posible den, ezintasun fisikoak eta bestelakoak dituztenentzat irisgarriak diren, ghetifikazioari aurre

egiteko haurren elkar ezagutza bultzatzeko balioko duten... Nire ustez, koloreak eta formak aukeratzea ez da nahikoa.

Arrasateko haur eta familiek dituzten beharrek erantzun landuagoak merezi dituzte, hauek hezkuntza formalean, ez formalean, gurasoen eta haurren artean bilatu beharko genituzke, ez bakarrik politikari eta hirigintza-obretako teknikari gutxi batzuen artean. Badira herrian hirigintzako esku hartzeetan modu hezitzailean eragiteko sortu diren ekimen oso interesgarriak, baita ekimen txikiagoak ere. Hain justu, Kurtze-txiki parkearen ondoan Bedoñabe eskola dago. Eskola honetako lagunek parte hartze bitartez –bilerak eginez, ez Internet bidezko bozkak– lan txukuna egin berri dute, patiorako proiektu bat diseinatu. Esango nuke Udalak Kurtze-txikirako aukeran eman dituen 8 parke horiek ez dutela inongo konexiorik eskolan modu paraleloan egin den lanketaz. Uste dut patioa eta parkea elkar osagarriak izan daitezkeela, baina horretarako lanketa oinarrian egin beharko litzateke, erabiltzaileekin. Horrelakorik egiten ez dela argi dago, parkeko eserlekuen gainean taula sintetiko batzuk jarri berri dituzte, eguzkiarekin izugarri berotzen direnak eta heldu gehienei hankak lurrera heltzea eragozten dizkietenak... izugarriak dira.

Auzo horrek eta parke horrek berdegunea, itzala eta plangintza erakargarri bat behar dituzte, ez gainazaleko parte hartze mediatikoak.

Eskerrik asko!

KRISTINA ZEIZAGA

MARI LUZ MENDIZABALEN ALABEN IZENEAN
ARRASATE

Gutun honen bidez Eskoriatzako eta Arrasateko

eguneko zentroetako eta garraio zerbitzuetako langileei eskertu nahi diegu azken urteetan gure amarekin izandako arreta eta emandako maitasuna. Honi esker, gure familia bizitza eta bizitza laborala uztartu ahal izan ditugu. Halaber, etxeko ospitalizazio zerbitzu-taldearen profesionaltasun eta gizatasuna goraiatu nahi dugu. Bide batez, gure amaren heriotzaren ondoren jaso ditugun elkartasun eta maitasun adierazpen guztiak eskertu nahi ditugu.

Bihotz-bihotzez esker mila denoi.

Alderdien harremanetik haziz

IÑAKI IDIGORAS IGARTUA

OÑATI

Alderdikeriaren mozkorrak utzitako biharamuna atzean utzi nahi, eta oinez abiatu naiz basoan barrena. Aire garbia arnastuta eta barneko har batek bultzatuta, Aramaiora joan naiz. Baso ilunetik irtetean, ez dut *nire* Udalaiztik ikusi. "Hor nonbait beharko luke, ba!". Aramaioar jator batekin topo egin eta galdetu diot. Eta berak: "Udalatz? Parez pareko horixe". "Udalaizt?", nik. "Bai, Udalatz", berak.

Urtu naiz jakitearen beroarekin. Kontatu diot zerk nenkarren, eta... bera izan apustua eutsi zidana! Orduan gainetik ipini zait: "Ikusten, nik zeukeat arrazoi! hiru tontorreko haitz puska zabala duk Udalatz!". Bere alde jatorra kikildu du bere alde autoritarioak; barne mekanismoren batek izoztu egin du lehen ur zena.

Ni urtzea ekarri duen fenomenoak daukat gogoan: ikuspuntua. Enpatia. Bere begiekin ikustea. B-egia. Bere egia onartu diot, eta apustuan jokatu eman ere. Ohartu naiz nola bat-batean, barne mekanismoak alde autoritarioa ezkutatu dion eta alde harroa –ez

harroputza– aurpegira ekarri. Egoera probestuz, Oñatirako gonbita luzatu diot.

Udanako begiralekura joan gara uztaileko iluntze argian. Ahozabalik daukat laguna. Hitzik egin gabe, sorbaldatik heldu diot, aurrean daukagunari so: Udalaizt eta Anboto, zeru gorria atzean dutela, zein baino zein edarrago. Izakiak eraikitako Gizako piramideak balira bezala, non, eta gure lurretan, izadiak berak jasoak. "Hemen arnastu ote zuten haiek?", otu zait.

Oñatiarron begi-puntuak erakusten digun Udalaizten aurpegiari so. Lagun aramaioarra ere, barne mekanismo baten eraginez, urtu da, eta gerri gainetik heldu nau. Bat egin dugu. Ikuspuntu desberdinek egia bat beraren alderdi bi erakusten zizkigutela ohartu berri da bera ere. Jokatutakoa bueltatu dit. Parra geratu gara, baina ez geunden lekuan.

Biok geunden tokitik mugitzeak inork ez genuen ikuspuntu osotuago bat eman digu, bioi. Ohartu gara gauzak ez direla norberak ikusten dituen bezalakoak soilik; bat eginik osoago ikusten ditugula.

Ikusiz ikasi dugu ur sentitze honen hazia gerturatzean eman dela, harremanean, hartu eta ematean. Hartu-emanak elikatzen gaituela, hazi. Harremanaren hazitik hazten baikara.

Bergarako Udalaren eta Seminarixoaren inguruan

AITOR ALDANONDO LABORDA

WHAT A BAND TALDEKO KIDEA
BERGARA

Ilusiño eta kuriosidadiakin hartu giñuan Seminarixoa bezelako areto bat herrixan zabaltzia. Musikia, antzerkixa, zinia, eta abar.

Ez zeban asko iraun ilusiñuak...

Kudeaketaren inguruan dudak zeren, normala dan

moduan, gauzak egitteko modu asko darelako.

Mahai inguru bat antolatuzan Irizar jauregixan horri buruz hausnartzeko.

Udaletxeko iñor ez zan agertu.

Kontua da Bergarako Udalak bakarrik kudeatzen dabela Seminarixoa, herriko beste edozein kultur eragile kontuan hartu barik. Eta horrek, klaro, eskeintza aniztasunian, bestiak beste, eragiña dauka. Hurrengo hiru hillabetietako egitaraua ikustia besterik ez dago.

Uda aurretik kontaktuan jarri giñan udaletxeko Kultura arduradunekin; WAB taldiak gure bigarren diskua grabau dogu eta pentsau giñuan, Gaztetxiak aparte, beste kontzertu bat Seminarixoan egittia ideia ona izango zala, gaztetxera inguratzen ez dan jendiari bideratuta.

Kontzertua egitteko prest zeren, hori bai, eurak jarritako baldintzetan. Udalak Goikorock-ekin daukan akordio bat baliauta, afari baten truke jotia zan eskaintza.

Gu prest gare urtian behin Goikorock-eko *jai* baten, debalde edo afari baten truke joteko –akordio hori betetzeko–, baiña ez disko bat aurkezteko.

Gure eskaintza hau izan zan; katxe baten truke jo edo sarreran ateratzen zan diruaren portzentaje bat adostu, banatzeko.

Erantzuna: afari baten truke edo ezer ez.

Ba ezer ez.

Ez gara musikatik bizi eta ez daukogu iñungo diru afanik, baiña uste dogu dirurik ez kobratziak desbirtuau egitten dabela musikuaren jardueria.

Espero dogu egunen baten konturatuko dala Bergarako Udala herrixarena dan areto bat herriko kultur eragillien laguntzaz kudeau bihar dala, herri guztiandako lanian, eta, gaiñera, asko eskatzia ez bada, baldintza duiñak eskaintzen herriko jendiari be bai, kanpokuei badakigu eskatutakua emoten dotzela eta.



ZABALIK

BEÑARDO KORTABARRIA

Benetan gertatu zena!

Iban Asenjo EH Bilduko kideak Aintzane Oiarbide Bide Azpiegituretako diputatuari ekainaren 7an Gipuzkoako Batzar Nagusietan idatziz egindako galdera: *Aste bukaera honetako euriteek zer-nolako eragina izan dute Antzuola-Bergara autobiarearen eraikuntza obrek Antzuolan pairatutako kalte materialetan?*

Uztailaren 11n diputatu andrearen erantzuna:

Antzuolak pairatutako kalte materialak aste bukaera honetako euriteengatik izan dira.

Irailean eman dit Iban Asenjok galdera-erantzunaren berri. Ez nau harritu, baina bai haserretu, berriro ere haserretu. Izan ere, ekaineko uholdeetan gertatu zenaren inguruan Aldunditik egiten ari diren kontakizunak efektu hori dauka antzuolarrongan: sutu egiten gaitu. Bihotzez sufritu eta begiz ikusi genuen

GUTXIETSI, NINGUNEATU, TONTOTZAT HARTZEN GAITUZTENEAN, BEROTU EGITEN GARA

hura, benetakoa ez dela esaten digutenean; gutxietsi, ninguneatu, tontotzat hartzen gaituztenean, berotu egiten gara.

Hala ere, hotz azalduko diot gertatutakoa entzun

nahi duenari.

Ekainaren 3ko euri-zaparrada ikaragarriak autobideko obran zegoen material asko eta asko mugiarazi zuen. Material horrek, lehenik, obrako hodi eta arketa asko eta asko trabatu zituen. Pasa ezinda, urak ezohiko bidea asmatu zuen, errepidea gurutzatu, eta obrako material asko eta asko ekarri zuen herrigunera, gure hoderia trabatu eta kalteak eragiteraino. Guk tonaka todouno atera genuen geure hoderiatik, eta, orduan, obrako hoderiatik ere makina bat tona atera dute.

Antzuolako denok dakigu kontatu dudana dela gertatu zena. Eta, kontrakoa sarri errepikatu arren, ez dugu bestelako bertsiorik onartuko.

Uholdeak ez ziren inoren errua izan, baina eragindako kalteen erantzukizunak norbaitena izan behar du, obrako materiala ez zelako berez iritsi Eztala inguru horretara, norbaitek ekarri zuen; eta ez zen euria izan.

MARRAZKIZ

ALEX UGALDE



HANDIK ETA HEMENDIK

Hego haizea

ONINTZA ENBEITA

HTTPS://LABUR.EUS/PQ7ZW
'BERRIA'-N ARGITARATUA

Eguna laburtu da jada, baina iluntze gozoak sor ditzake oraindik hego haizeak.

Haize epela izaten da hegotik datorrena: indabak eta piperrak lehertzeko bere bizikoa.

Udazkenaren ezaugarrietako bat izaten da hemen, hego haizeak hostoak nola dantzatzen dituen ikustea.

Naturaren beste elementu askoren moduan, eragina dauka guregan.

Hala esaten dute behintzat gaixotasun kronikoak dituztenek.

Nerbio sistemako edo buruko gaixotasunak dituztenak aztoratu egiten omen ditu.

Zientzian bakarrik fidatzen direnek nekez sinisten dituzte halakoak, baina gaitz horiekin bizitzen ikasi dutenek baietz esaten dute

Agian horregatik esango zaio andra haizea hego haizeari.

Ez daukat erantzun zehatzik, baina susmoa daukat ez ote diguten, disimuluan, historikoki, guri egotzi nahi izan burutik ondo ez egotea.

Txolintasunarekin lotuta bezala erabiltzen da askotan andra haizea.

Litekeena da hala ez izatea, eta emakumeak protagonista egiten gaituen arrazoi historiko ederrak izatea izen hori erabiltzeko.

Ez dakit baina zer esan: genero markarik gabeko gure hizkuntza hau sortu eta mantendu dugun lurretan gizonak izan dira jaun eta jabe.

Beraz, ariketa polita litzateke, halako esapideak nondik datozen aztertzea, ulertzea, jakitea.

Horrela, merezi ez dutenak ez ditugu inora eramango.

goiena

KOMUNIKAZIO TALDEA

www.goiena.eus

Sailletako arduradunak

Xabi Urtzelai (Kirola),
Aitziber Aranburuzabala (Kultura).

Maketazioa

Imanol Soriano, Aitor Lagoma.

Publizitatea

Amaia Mundiñano,
Ziortza Martin,
Imanol Elortza.

Administrazioa

Ane Berezibar, Iratxe Bengoa,
Nerea Artola.

HARPIDETZA

Arrasate 20500
Otalora Lizentziaduna 31
Tel.: 943 25 05 05
harpidetza@goiena.eus

PUBLIZITATEA

Arrasate 20500
Otalora Lizentziaduna 31
Tel.: 943 25 05 05
Faxa: 943 25 05 00
publi@goiena.eus

EGOITZA NAGUSIA

Arrasate 20500
Otalora Lizentziaduna 31
132 posta-kutxa
Tel.: 943 25 05 05
Telegram eta WhatsApp:
688 69 00 07
berriak@goiena.eus

Lege Gordailua: SS-965/2014
ISSN: 2174-369X
Tirada: 19.000 ale
Difusioa: 18.723 ale

Argitaratzailea

Goiena Komunikazio Taldea
Kooperatiba Elkarte
Otalora Lizentziaduna 31
20500 ARRASATE

Lehendakaria

Aitor Izagirre.
Zuzendari nagusia
Iban Arantxabal.

Eduki zuzendaria

Eneko Azkarate.

Erredakzio batzordea

Eneko Azkarate, Goiatz Arana,
Monika Belastegi, Mirari Altube.

Zuzendari komertziala

Mireia Larrañaga.

Administrazio zuzendaria

Agurtzane Gaintzarain.

Diseinu arduraduna

Iñaki Iturbe.

Hizkuntza arduraduna

Sergio Azkarate.

Harpidetza eta banaketa
arduraduna Igone Osinaga.

LAGUNTZAILEAK



Gipuzkoako Foru Aldundia



Arrasateko Udala



Bergarako Udala



Oñatiako Udala



Aretxabaletako Udala



Eskoriatzako Udala



Antzuolako Udala



Aramaioko Udala



Elgetako Udala



Leintz Gatzagako Udala



EUSKO JAURLARITZA GOBIERNO VASCO

KULTURA ETA HIZKUNTZA
POLITIKA SAILA

BERBAGAI

"Gizartea euskalduntzen duen eskola da publikoa"

ANTONIO REGAÑO KOLDOTXO GURASO ELKARTEKO LEHENDAKARIA

Eneko Azkarate BERGARA

Urriaren 20an ospatuko da, lehenengoz, Debagoieneko Eskola Publikoaren jaia. Eskoriatzako Luis Ezeiza eskolako Koldotxo Guraso Elkarte ari da lanean.

Zergatik jai hau?

Euskal Eskola Publikoak gure eskualdean egiten duen lana balioan jartzeko. Hemen, eskola publikoaren matrikulazio kopurua txikiagoa da beste eskualde batzuetan baino. Hori horrela, eskualdeko gurasoen elkarteok, Baikaarekin batera, egoki ikusi dugu jaia antolatzea, alde batera utzi barik ekainaren 2an Errenterian, *Makina bat taupada* lelopean, ospatuko den Euskal Eskola Publikoaren jaia.

Zergatik Eskoriatzan?

Eskoriatzan ikasleen %30 matrikulatzen dira eskola publikoan. Beste inon baino nabarmen gutxiago.

Jaiaz gain, aldarrikapen eguna ere izango da?



Antonio Regaño, Eskoriatzako Luis Ezeiza herri eskolaren aurrealdean. IMANOL BELOKI

Kaleko errealitatea aintzat hartuz heztea nahi dugu, ezelako bazterketarik gabe: izan arraza, genero edota ezgaitasun. Era berean, euskararen alde eskola publikoak egiten duen lana

balioan jarri nahi dugu. Gizartea euskalduntzen duen eskola gara; izan ere, inguruneagatik edo jatorriagatik, euskaratik urrun dauden haur gehien eskolaratzen dituen hezkuntza

eredua da Euskal Eskola Publikoarena.

Kolokan ikusten duzue euskarazko eta kalitatezko eskola publiko doanekoaren iraupena?

Eskoriatzan bai. Herri txikia da gurea, jaiotza-tasa murrizten doa eta, ondorioz, ikasle kopurua ere gero eta txikiagoa da. Eta bi ikastetxe daude. Hortaz, zera galdetu beharko genioke geure buruari: zein hezkuntza eredu nahi dugu? Guk argi daukagu: hezkuntza sistema publiko, euskaldun eta kalitatezkoa.

Arlo guztietatik eredu honen alde apustu egitea nahi dugu.

Zeintzuk dira Euskal Eskola Publikoaren zailtasun handienak eta erronka nagusiak?

Gure erronka da gure seme-alaben hezkuntzaren alde herritik eta herriaren alde lanean segitzea. Guretako oztoporik nagusia izan liteke erakundeek ez apustu egitea hezkuntza publikoaren alde.

Egun osoko egitaraua prest duzue. Zer nabarmenduko zenuke?

Ze Mays taldearen emanaldia nabarmenduko nuke, baina beste hainbat ekitaldik ere piztuko dute jendearen arreta. Denetik izango da urriko hirugarren zapatuan. Jai eta aldarrikapen egun polita izango da.

HAU BE BADOGU!

Beginadak, San Mamesko derbian



Athleticek eta Realak jokalariek joan-etorrien polemikaz betetako derbia jokatuko dute gaur, eta sare sozialetan bolo-bolo ibili da gaia azken astean.

@arranobeltza: "Penagarria iruditzen zaizkit Errealaren eta Athleticen arteko pike horiek. Lehenengo, futbola baino ez da, eta bigarrenik euskaldunak gara, ez espainiarrak, beraz ez dugu haiek bezala jokatu behar, derbia disfrutatzen eta gozatzeko da, ez aurkariak haserretzeko".

Klimaren aldeko Alternatiba itzulia

Aldaketa klimatikoaren aurkako bizikleta martxa antolatu dute, eta egunotan Euskal Herrian zehar ibili da. Horrela, *#touralternatiba trending topic* izan da erabiltzaileen artean.

@IxoneRekalde: "5.000 km egin ostean Donostiara iritsiko da. Hartu bizikleta eta eman ongietorria itzuliari. Ekonomia zirkularra, kontsumo arduratsua, ekonomia sozial eraldatzailea soluzio ona dira klima aldaketari aurre egiteko".

'Trending topic' izan da '#GSEF2018'

Gizarte ekonomiaren inguruan Bilbok eta Arrasatek elkarlanean hartu duten mundu mailako foroa hizpide izan da sare sozialetan:

@GSEF2018: "Hiru egunetan zehar lan bikaina burutu da gizarte ekonomiaren etorkizunaren inguruan".

@ibonantero: "#GSEF2018 itxiera: 1.700 pertsona, 80 herrialde, 11 hizkuntza eta 11 kolore. Laboral Kutxako Txomin Garcia, ekonomia soziala balioan jartzen".

ITURRI ONETIK

Garagardo Azokarik ez Eskoriatzan

Garagardo Azoka solidarioa egin ohi da Eskoriatzan sasoi honetan, Jose Arana zaharren egoitzaren alde sosa batzeko. Aurten ez da egingo, ordea. Batetik, zaharren egoitzaren egoera ekonomikoa egonkortuta dagoelako eta, bestetik, lan eta inbertsio handia eskatzen duelako eta mozkinak ez direlako horren handiak. Dena den, askotariko garagardoak edateko eta Alemaniako jakiak eta oilasko izterrak jateko aukera eskaini duen azoka berreskuratu egin nahiko luke herriko talde batek datorren urtean.

ALBISTE IZAN ZEN



2005-10-02

Kilometroak euripean, Leintz bailaran

Milurteko lehen Kilometroak jaia Leintz bailaran ospatu zen, 2005ean; gerora etorri ziren Bergarakoak, 2007an eta 2016an eta Oñatikoa, 2017an. 2005eko urriaren 2an, hasiera ekitaldia – argazkian– Aretxabaletan egin zen. 100.000 lagun espero zituzten, baina eguraldiak ez zuen lagundu eta aurreikuspenak ez ziren bete. Hala ere, antolatzaileek "oso balorazio positiboa" egin zuten. Domekan da Kilometroak, Urretxu-Zumarragan.

Txikito-zaleen patroi, hemen da Maritxu Kajoi

40 urte baino gehiago pasa dira lehen alditik, eta baliteke gaur egun marrubizko tekila gehiago edatea Errioxako ardoa baino. Baina Maritxuk ez du lagunak mahai inguruan batzeko gaitasuna galdu, ezta urteko gaurik dotoreenaren izendapena ere

Xabi Gorostidi ARRASATE

Jendartea aldatu egin den bezala, gauza bera egin du Maritxu Kajoi urteen joan-etorria-rekin.

Izebaren edo osabaren jantzi zaharra erabiltzetik, Internet bidez astebete lehenago eskutatako jantzia estreinatuz; miraririk ez izatetik, urtero egitea; edo arratsaldean hasten den jaia izatetik goizetik goizera lutzatzen den festa izatera.

"Lehen, arratsaldeko jai bat zen; lanetik irten eta txikiteo orduan hasten zena. Poteoa, miraria eta afaria egitea zen hasieran ohikoena. Baina egia da gaur egun goizeko txikiteotik hasten dela jaia", azaldu du Maritxu Kajoi jaiaren sortzaileen artean dagoen Agustin Ibarluzea Txispas-ek.

Baliteke, ordea, bazkariet in-darra hartzearen *errua* hasierako antolatzaileena izatea, jende guztiak afaria egiten zue-nean eurek bazkaria egiten zuten eta. "Goizean irteten ginen, auto elegantekin, motorrekin, zaldi gurdiekin... Arratsaldean lan ugari egin behar izaten genuenez, bazkaria egiten genuen. Batzuetan, bazkaria eta afaria

egiten genuen, baina mirariagatik edo bestelako zereginagatik, askotan, afaltzeko tarterik gabe geratzen ginen".

Komisiñuak, aurten, bi keinu

Urtero legez, jai handia badatorrela iragartzeko *nobenaiuxa* egin zuten Maritxu aurreko barikuan. Aurten, Besaide Mendizale Elkarteko kideek jaso dute Komisiñuaren aitortza irudikatzen duen inbutu prezia-tua. "Besaidek urte mordoxka daramatza herrigintzan isilpean lanean. Komisiñoko partaideok badakigu zelako lan nekeza den hori. Oso proiektu interesgarriak egin dituzte herriarentzako. Kurtzetxiki, adibidez: lehen, narra bakarrik zen, eta orain, herritar mordoa joaten da. Berdina Anporretarekin. Etxezarretako proiektua ere hor dago... Oso lan interesgarriak egin dituzte", azaldu du Komisiñoko kide Onintze Gorospek.

Baina, Komisiñoko kideek eskapularioa ere baliatu dute herrian aktibo dagoen beste kolektibo bati keinua egiteko. Izan ere, aurtengoak 1.080 zenbakia eta pentsiodunen argazkia izango ditu atzealdean. Herriko

pentsiodunek atseginez hartu dute aitortza, Musakolako jaietan jaso zutenean bezalaxe.

'Photocall'-a

Aurten ere *photocall*-a jarriko du Goienak Herriko Plazan. Hain zuzen, 12:00etatik 15:00etara eta 17:00etatik 19:30era egongo da udaletxe aurrean.

Maritxu Kajoi egitaraua

- **08:00** Etxafuegoak, "sare sozialei jaten emateko".
- **12:00** Meza santua, herriko harategien alde.
- **17:30ean** Potx eta Lotx pailazoekin *Izar berriak* haurrentzako ikuskizuna, Seber Altube plazan.
- **18:00** Brazzet MV Brass Band taldearen eskutik Jazz Fussion ikuskizun paregabea, Herriko Plazatik hasita.
- **18:30** Kilikiak eta erraldoiak herrian zehar.
- **19:00** Oria txaranga beterranoa, Herriko Plaza inguruan.
- **20:30** Maritxuri lore eskaintza eta miraria Herriko Plazako iturrian.
- **21:00** Txosnagunean flashmob-lipdub-fotoa, *Tabu basoik ez suduraundixen eskubideen alde* lelopean.
- **00:00** Luhartz taldearen dantzaldia, Herriko Plazan.
- **03:00** Arbolapetako zuhaitzari ardoa botatzea.
- **06:00** Ur jolasak gaztetxean, bertako "ittufin ugarixek aprobeatzea".
- **08:00** Gaupaseroen sinposioa.

Oharrak:

- Eskapularioa jantzi.
- Maritxuk ez du eraso sexistarik onartuko.
- Gogoratu Maritxuk eskertu egiten duela loreak jasotzea.



2017ko mirariaren une bizi bat. IMANOL SORIANO

EZ DUGU FAMILIA ASMATU,
BAINA BAI HURA ERAMATEKO AUTOA.



Gora
Maritxu!

CITROËN BERLINGO BERRIA
BERLINGOREN SORTZAILEEK EGINA



2 neurri, 5 eta 7 plazakoak
19 gidatze-laguntza
4 konektibitate-teknologia
Maletategiaren edukiera: 1.050 litro baino
3 eserleku individual ezkutagarri
28 leku berezi objektuak gordetzeko
Modutop[®] barne
Atzeko luneta zabaldu egin daiteke

14.990€⁽¹⁾



**INSPIRED
BY YOU**

CITROËN aukeratu du TOTAL

(1) Solvunt geroendakua, pentsiodun eta balorizator, Berlingo Berrria -16 neurri-
Bilatze IDI 75 IEEI aukerentzat, 14.990 euro *eragik, geroendak eta Sustapen
Operazio berrak; trukea Citroën auto bat erosten duteen bezero partikularentzat,
gutxienez hiru hilabetez erabiltzeko baldintza, gutxienez 6.000 euroko kapitala
frentzatu PSA Financial Services Spain DFC S.A.ekin, 36 hilabeteko gutxienez
ita-penkeragapenarekin. Erabaki berrak frentzatuarekin lotutako gaiturak
-rekortuarekin eta Interneten; webgune horietan kontsulta daitezke:
<http://www.citroen.es/configurador.html>. Edukierak balagarriak baino. Teki 30es
egindako edukiarekin eta 2018ko urtarrilaren 31 baino lehen erabiltzeko. Solvunt
geroendakua frentzatuarekin egongo ez dute balorizator: 15.790 euro. Laguntza
dagoen moduko: Citroën Berlingo Berrria -16 neurri- 50-80E, XTR paketa eta
gintza metalizatuarekin, 17.300 eurotik aurrera. Autonomia Citroën Esparta SA,
Doctor Esquedo kalea 52, 28007, Madrid, IFC: A-62944473.

BERRIA, BERLINGO Gama: bater besteko kontsumoa²
(L/100Km): 4 - 6. CO₂ isurketak (g/Km): 108 - 130
²Berlin-bekineko daturak, homologazioaren zain

DEBAGOIENENKO CITROËN ZERBITZU OFIZIALA:
TALLERES CHAPIME S.C.L. San Andres 5 Tel.: 943 79 45 22 - ARRASATE

Ausortu: sormena erreferenteegandik gertu

Txatxilipurdik eta Ttak!-ek diseinatu berri duten sormen laborategiak 15 eta 19 urte bitarteko gazteak hainbat diziplina artistikotara hurbiltzeko asmoa du. Horretarako, diziplina bakoitzeko artistak ekarriko dituzte; adibidez, Izaro Andres eta Kepa Errasti

Xabi Gorostidi ARRASATE

"15 eta 19 urte bitarteko gazteen eskaintzan hutsunea ikusten genuen. Hori estaltzera dator Ausortu; betiere, euskaratik, eta artista garrantzitsuekin elkarlanean", adierazi dute Txatxilipurdiko eta Ttak!-eko antolatzaileek.

Lau diziplina, lau saio

Lehen hitzordua urriaren 20an izango da eta arte plastikoak landuko dira, Helena Azkarragaurizarrekin eta Joana Manzidorrekin; pintura eta marrazketa saio bat izango da. Bigarren, ikus-entzunezkoetan adituak diren Ekaitz Filar-



Txatxilipurdiko eta Ttak!-eko kideak ekimenaren aurkezpenean. MAIALEN REGUEIRO

mendi eta Itziar Bastarrika arituko dira, urriaren 27an; kasu horretan, argazkigintzan murgilduko dira. Arte eszenikoak landuko dituzte hirugarrenean, eta Kepa Errasti izango da gazteekin arituko dena; antzerkiaren mundura gerturatzeko aukera egongo da azaroaren 10ean. Azkenik, Izaro Andres izango da musika diziplinaren ordezkaria, azaroaren 24an.

Izen ematea

15 eta 19 urte bitarteko gazteei zuzenduta dagoen ekimena da eta hitzordu bakoitzean parte hartzeko aurrez izena ematea komeni da. Izena emateko azken eguna saioa baino astebete lehenago izango da: urriak 12, urriak 19, azaroak 2 eta azaroak 16, hurrenez hurren. Izena emateko moduak honako hauek dira: Txatxilipurdi (943 79 54 46) eta AED (943 77 12 28). Saio bakarrean parte hartu nahi duenak 15 euro ordaindu beharko ditu eta denetan parte hartu nahi dutenek, aldiz, 50. Arrasaten erroldatutakoek izango dute lehentasuna, baina bailara osoko gazteei zuzenduta dago.

Jaiki talde politikoa ez da aurkeztuko hauteskundeetara

Talde politikoen sorreraren berri eman dute. Bertan azaltzen dutenez, "alderdi politikoetatik at herrigintza borrokalaria bultzatzeko" asmoz jaio den taldea da. Herriko gazte batzuk –eta hain gazte ez direnak ere– daude ekimenaren atzean, eta "independentzia, sozialismoa, feminismoa eta euskaltzaletasuna" izango dituzte ardatz.

OHARRA

Inaugurazioa

Ezker Anitza IUK egoitza berria du Aldai kaleko 9. zenbakian eta astelehenean inauguratuko dute, 18:30ean. Eskualdeko pertsona ezkeriarrentzako topagunea, "ikuspuntu feminista, ekologista, errepublikano eta sozialistatik elkarbanatu, hausnartu, eztabaidatu eta lantzeko gunea" izan gura du.

ALDEDI

Ondo ibili Maritxutan!

Biteri 8 • ARRASATE • Tel.: 943 79 13 05 • Faxa: 943 79 13 84

Ikurren parekidetasuna lortzeko akordio zabala

Guztiek bat egin dute gai horren inguruan, eta besteak beste, osoko bilkura aretoan emakumezkoen eta gizonezkoen erretratuen kopurua berdina izatea adostu dute. Horrez gain, 2019rako ordenantza fiskalak onartu dituzte, oposizioak botatu gabe

Xabi Gorostidi ARRASATE

Urriko osoko bilkuran akordio zabala lortu da herriko ikurren parekidetasuna lortzeko. Gai mozio bidez jarri zuen mahai gainean Baleikek, eta adierazpen instituzional gisa onartua izan zen, beste alderdiekin testu bateratu bat adostu ostean.

Alderdi moreak osoko areto bilkura jartzen zuen parekidetasun faltaren adibide gisa. Bertan, Arrasateri ekarpenak egin dizkioten hiru gizonezkoren erretratuak daude gaur egun; Esteban Garibai, Pedro Biteri eta Maisu Arano. Horrez gain, Arizmendiarrietaren Lagunak elkartekoek hitza hartu zuten urriko osoko bilkuran, "herrian arrasto sakona utzi zuen abade markinarraren erretratu gela horretan jartzea" eskatzeko.

Baleikekoek bazekiten eskari horren berri, eta prentsa oharra bidali zuten gaiari buruz egiten zuten planteamendua azaltzeko. Ostean, gainontzeko alderdien onespina lortu zuten, hauen ekarpenak kontuan hartu ostean -EAJrenak eta EH Bildurenak-. Hala, ondorengo sei neurriak hartuko ditu Udalak: aditu talde bat eratuko da aitortza mezezi duten Arrasateko emakumeen zerrenda bat egiteko, eta ostean, herritarrek horien artean



Udalbatzako zinegotziak eta aretoan dauden hiru erretratuak. XABI GOROSTIDI

gustukoena botatuko dute. Aitortzak ez dira soilik norbanakoenak izango, baita kolektiboak ere. Diagnostiko bat egingo da, genero ikuspegitik, espazioaren memoria eta aitortza erabilaren inguruan. Berrikusketak feministak, besteak beste, kaleak, estatuak, plazak eta eraikin publikoak hartuko ditu kontuan. Lanak egiteko baliabide ekonomikoak 2019rako aurrekontuan sartuko dira. Eta, azkenik, osoko bilkura aretoan emakumezkoen eta gizonezkoen erretratu kopuru bera egongo da.

Polemika ordenantza fiskalekin
Oposizioak salatu zuen euren proposamenak ez direla kontuan hartu; batez ere, progresibitateari lotuta. Jarraian, puntua botatu aurretik, eserlekutik altxatu, eta osoko bilkuratik atera ziren oposizioko zinegotzi guztiak, "protesta seinale gisa". EAJren eta PSE-EEren botoekin onartu ziren ordenantzak, eta biek oposizioaren jarrera kritikatu zuten. Ordenantzetan ez dago tasa eta zerga igoerarik, eta *Goiena.eus* dago horiei buruzko informazioa.



Etkez etxeko zerbitzuaren gaineko eguazteneko manifestazioa. TXOMIN MADINA

Kooperatiba sortzeko aukera ez dute gustuko etxez etxekoek

Gatazka konponbidean jartzeko Udalaren proposamena ez dute "oraingoz konponbidetzat ikusten" langileek

X.G. ARRASATE

Hiru hilabete baino gehiago greban daroaten Arrasateko etxez etxeko langileek manifestazioa egin zuten eguaztenean, *Arrasateko Udala, konponbidea orain!* lelopean. Langileez gain, hainbat elkarte eta kolektibotako kideak batu ziren bertan, baita EH Bilduko, Baleikeko eta Irabaziko udal ordezkariak ere.

Langileen esanetan, "hitzarmen propio duin" bat lortzea izan zen mobilizazioaren helburua, eta Udalari eta Maria Ubarretxena alkateari zuzendu zitzaizkien manifestazioan zehar egingadako aldarrietan.

Kooperatiba sortu

Hain zuzen ere, Arrasateko Udalak prentsa-ohar bat kaleratu du etxez etxeko langileen gatazkaren inguruan egungo egoeraren berri emateko.

Bertan, azaltzen dute gaur egun Aurrerantz kooperatiba

dela etxez etxeko zerbitzua emateko Udalak azpikontratatu daukan enpresa, eta dagoeneko amaitu dela CLECE enpresarekin zuen kontratu, lotura eta harremana. Udalak gaineratzen du lehiaketa publikorako pleguak elkarlanean jorrazteko aukera eskaini diela etxez etxeko langileei.

Plegu berria lantzeko mahaia

Horren arabera, langileek hiru pertsonaz osatutako talde ordezkari bat osatuko lukete udalarekin plegu berria lantzeko. Langileak ados agertu dira puntu honekin. Baina ez Udalak egiten duen beste proposamen batekin. Izan ere, Udalak kooperatiba bat eratzeko aukera jarri die mahai gainean etxez etxeko langileei, eta, horretarako, Enplegu Sailaren erabateko laguntza eskaini die. Langileek diote hori ez dutela oraingoz konponbidetzat ikusten.

arbolapeta

arrasate

beinke

Sili Sili

Martxa eta estilo handiko arropa

Iturriotz, 9 • ARRASATE • Tel.: 943 79 81 82

Slurp

Olarte 8 - 943 77 30 89

Egunero pintxoak. Eta aste bukaeran errazioak ere bai!

Asteleheneetik ostiralera 10:00etatik aurrera zabalik Zapaletan eta domeketan 12:00etatik aurrera zabalik

"Beste lau urte gehiago egiteko eskatu didate"

JUAN LUIS MERINO IRABAZIKO ZINEGOTZIA

Maiatzeko hauteskunderi begira Irabaziko zinegotziak kargua utziko zuela iragarri zuen. Alderdiak, baina, geratzeko eskatu dio, eta ikusteko dago zer egingo duen

Xabi Gorostidi ARRASATE

Eskoriatzan hasi zuen ibilbide politikoa, eta azken urteak Arrasateko zinegotzi egin ditu.

Zein balorazio egiten duzu EAJK eta PSE-EEk agintean egin duten lanari buruz?

Txarra. Kudeaketa ona edo txarra egin dezakezu, eta, gure ustez, txarra izan da. Adreilua kudeatzera mugatu dira. Euren proiektu faraonikoak lehenetsi dituzte pertsonen gainetik.

Zer neurri hartuko genituzke, agintaldi hasieran boterean egonez gero?

Gure lehentasun nagusia enplegua izango litzateke. Horrez gain, zerbitzu sozialak indartu egingo genituzke, eta Iturbide egoitzako funtzionamendua aldatu. Fiskalitate progresibo bat ezarriko genuke, aberastasuna hobeto banatzeko.

Zein da agintaldi honetan Irabazik lortu duen ekarpenik handiena?

Gobernua kontrolatzea izan da gure eginkizun garrantzitsua, eta uste dut helburu hori lortu egin dugula. Batzordeetan gogor egin dugu lan, eta gure iritzia kontuan hartua izan da.

Mozioak izan dira zuen mezua helarazteko erabili duzun estrategia

bat. Aurkeztu dituzuenen artean, zeintzuk izan dira eraginkorrenak?

Bat aukeratu beharko bagenu, frankismoko krimenen aurkakoa aukeratu nuke. Guk egun genuen trakzio lana, baina azpimarratu nahiko nuke alderdi guztiok babestu dugun zerbait izan dela. EAJren eta PSE-EEren gobernua komenentziako ezkontza bat izan da, eta behin berriz aplikatu digu *11 vs 10 arrabola*. Hala, nahiz eta ez diren onartuak izan, guretzat, hiru mozio hauek oso garrantzitsuak ziren: auzotako hauteskunde sistemarena, kontratazioen ikuskaritzarena eta Udalaren laikotasunari buruzkoa. Azken hau onartua izan zen, baina duela gutxi Arantzazun ikusi ahal izan dugu ez dutela bete.

Jakina da ez zarela hurrengo hauteskundeetara aurkeztuko. Zer egingo du Irabazik?

Hala zen, baina Ezker Anitza-IUtik errepikatze erregutu didate, beste lau urte gehiago egiteko; beraz, oraindik ikusteko dago egongo naizen edo ez. Horrez gain, Irabazi hil egingo da, eta Ezker Anitza-IUtik izango da Arrasaterako hautagaiak aurkeztuko dituen.



Juan Luis Merino. GOIENA

OHARRAK

Euskaraldia, umoretik azalduta

AEDk *Ttak!* izeneko antzerkia antolatu du urriaren 12rako. Beatriz Egizabalek antzeztuko du, Kulturaten, 19:00etan.

Herriko zazpi gune asfaltatuko dituzte laster

Besteak beste, San Andresen eta Musakolan izango dira.

Bizikletak garbitzeko gunea

Arruena parkean asteen hasi dituzte gunea egokitzeko lanak.

Auzoko ekimeneko izen ematea, zabalik

943 79 83 70 edo 651 70 79 36 telefono zenbakietara dei dezakete, edo Ekinen lokalera joan.

Debagoieneko GREMIOAK



ARROZTEGIAK

AZKARATE AROZTEGIA

BERGARA

- Ateak, leihoak, horma-armairuak, tarimak, parket flotatzailak, sukaldeak.
- K-21

Telleria 19 B02-B03

Tel.: 943 76 47 19 / 610 88 40 20

blogak.goiena.net/azkarate

HONDEAKETAK

EXCAVACIONES Y CONTRATAS ARRASATE SL

ARRASATE

Meatzerreka 30

Tel.: 943 77 12 26 / 646 29 59 87

e.arrasate@gmail.com

ITURGINTZA

EGIA ITURGINTZA

ARRASATE

Gipuzkoa etorbidea 39, behea

Tel.: 943 77 01 85

OYANGUREN ITURGINTZA

ESKORIATZA

- Iturgintza eta gasa
- Berogailuak eta petrolio-produktuak
- Klimatizazioa

Aranburuzabala 15

Tel.: 943 71 47 14 / 606 00 73 69

f.oyanguren@ctv.es

URKO MANTENIMIENTO SL

ARETXABALETA

- Instalazioen mantentze-lan guztiak
- Berokuntza eta gasa
- Aire girotua eta haizeztatzea

Basabe industrialdea B-3

Tel.: 943 77 19 88

Faxa: 943 79 59 97

LEIHOAK

ARGI-PLASTIK

ARRASATE

Zigarrola kalea 1, 8 pab

Tel.: 943 77 11 30

LOREZAINZA

MAKAI KOOP. ELKARTEA

ARETXABALETA

- Barruko zein kanpoko lorezaintza
- Ureztatze sistemak
- Lorentzi-euskarriak eta balkonerak

Basabe poligonoa D-2-1

Tel.: 943 79 78 45 / 616 96 57 98

Faxa: 943 79 78 45

Irargaria jami nahi baduzu,
deitu 943 25 05 05 zenbakira.



Pasa den eguenean aurkeztu zuen denboraldia ARTk. ISEI BARBERO

100 jokalarik inguru izango ditu aurten ARTk

Arrasate Errugbi Taldeak pasa den eguenean aurkeztu zuen 2018-2019 denboraldian izango duen kirol egitura. "Aspaldiko partez", klubak ia-ia kategoria guztietan talde propioa izango du aurten -16 urtez azpikoena izango da salbuespen bakarra-

Eneko Azurmendi ARRASATE

"Gogotsu eta ilusioz" ekin dio Arrasate Errugbi Taldeak denboraldi berriari. Pasa den eguenean egin zuten aurkezpena, Seber Altube plazan.

Jokalarikopuruari dagokionez, "azken urteetako ekitaldirik onena" izango da aurtengoa Arrasate Errugbi Taldearentzat, "aspaldiko partez" klubak ia-ia

kategoria guztietan talde propioa izango du eta -16 urtez azpikoena izango da salbuespen bakarra-. Gainontzeko kategorietan, eta aurreko urteetan ez bezala, arrasatearrek ez dute beste klub batzuekin taldea partekatze beharrik izango.

Hala, ia 100 jokalarik jantziko dute denboraldi honetan elastiko zuri-morea.

Senior mailako taldeak Euskal Ligako Lehen Mailan lehiatuko du eta Igor Iasik 25 jokalarik izango ditu; 18 urtez azpikoetan ere 25 jokalarik izango dira; 16 urtez azpikoetan, lau jokalarik besterik ez; infantil mailan, 20 jokalarik eta Errugbi Eskolan 25 neska-mutiko: 12 urtez azpikoetan hamabost eta 10 urtez azpikoetan hamar.

"Azken denboraldia izango dut hau, buruak atsedena eskatzen dit"

IGOR ISASI KANPANZAR ART-KO ENTRENATZAILEA

Kanpanzar ARTko entrenatzaileak aitortu du "gutxienez urtebeteko" atsedena behar duela eta, ondorioz, bere azken denboraldia izango dela aurtengoa. Kirol arloan, lehen jardunaldian galdu ostean, partidu garrantzitsua dute domekan arrasatearrek, Gernikaren aurka.

Mojategin izango da, 13:00etan.

Zein izango da taldearen helburua aurten?

Orain arte moduan, partiduz partidu joango gara, aurreko partiduetatik gauzak ikasi eta datorrenari aurre eginez. Gura duguna da lehiakorrak izan eta ahalik eta ondoen pasatu.

Mailari eutsi gurako diozue, ezta?

Hori da. Begiz jota ditugu talde batzuk, gutxi gorabehera, gure maila berekoak direnak, eta horien kontrako partiduak izango dira garrantzitsuenak. Ahal bada, irabazi, eta, bestela, puntuak lortu. Gernika aurkari horietako bat da. Guk gure lana ondo egiten badugu eta astean landutakoa



GOIENA

zelaian erakusten badugu, aukera asko izango ditugu irabazteko.

Etxeko partiduak garrantzitsuak izango dira.

Bai, eta, gure kasuan, are garrantzitsuagoak, belar artifiziala daukagu eta. Puntu gehienak etxean lortzea izango da normalena.

Diferentzia handia dago belar naturalekin artifizialera?

Bai. Jokoa askoz ere geldoagoa da belar naturalean, eta, gure taldeak dituen ezaugarriak kontuan hartuta, joko azkarragoa hobeto datorrigu, jokalarik arinagoak ditugulako.

Ordiziaren eskaintzari ezetz esan diozu uda honetan. Asko pentsatu behar izan duzu?

Bi aukerak mahai gainean jarri eta gutzia hartu behar izan dut kontuan, baldintza ekonomikoak zein kirol arlokoak. Bestalde, orain arteko hamar urteetan oso gustura egon naiz Arrasaten, eta Eibartik ere Arrasate gertuago daukat Ordizia baino. Gainera, azken urtea izango da hau; beraz, ondo bukatu gura dut hemen.

Hamaikagarren urtea duzu hemen. Azkena, zergatik?

Buruak atsedena pixka bat eskatzen dit. Errugbian jokatzen hasi nintzenetik, ez dut atsedetik hartu eta errugbiari denbora luzea eskaini diot. Beste gauza batzuei ere eskaini nahiko nieke denbora; beraz, urtebeteko atsedena hartuko dut eta gero ikusiko dut hau faltan igartzen dudana edo ez. Baina lehenik, ea mailari eusten diogun aurten. Datorren urtean, gainera, 18 urtez azpikoetan taldeak izango dira jokalariek eta jende gehiago egongo da taldean.

"Ez nago ohituta, baina gauza polita da tituluak irabaztea"

Mikel Gonzalez 'Gontxa'-k Txipreko Superkopa irabazi du AEK Larnaca taldearekin; bere bigarren titulua da

E.A. ARRASATE

Pasa den zapatuan jokatu zuten Txipreko Superkopa iazko Liga txapeldunak -Apoel Nikosia- eta kopa txapeldunak -AEK Larnaca-. Azken hau izan zen irabazteko, penaltietan. Hala, bere ibil-

bide profesionaleko bigarren titulua eskuratu zuen Gontxa-k. "Ez nago ohituta, baina gauza polita da titulu bat irabazi, kopa jaso, eta lagunekin ospatzea. Gainera, taldeak ez du sekula titulu hau irabazi, eta horrek

are politago egiten du lorpen hau", adierazi du arrasatearrek.

Partiduan bana berdindu ostean, penaltietan irabazi zuen AEK Larnacak.

Dinamika onean

Denboraldia dinamika onean hasi dutela azpimarratu du Gontxa-k. "Europa Leaguerako sailkatzea lortu dugu, eta liga hasiera ona egin dugu, partidu bat irabazi eta bestea berdinduta". Era berean, adierazi du azken urteetan AEK Larnaca moduko



Gontxa, seme-alabekin. AEK LARNACA

taldeak indartzen ari direla pixkanaka, eta herrialdeko talderik indartsuena den Apoel Nikosia-rekin mailara gerturatzen.

Txipren, "oso pozik"

Bizitzen ari den esperientziari dagokionez, "oso pozik" dagoela nabarmendu du. "Klubak eskaintzen didan tratua oso ona da, emaitzak laguntzen ari dira, hiria gustatzen zait, eta familia ere gustura dago hemen. Banuen horrelako esperientzia bat bizitzeko gogoia", azaldu du.

Aspanogiren aldeko lehiaketa martxan dago

Artgazki elkarteak laugarrenez antolatu du 'Udazkena Euskal Herrian' argazki lehiaketa, eta parte-hartzaileek azaroaren 21era arte aurkeztu ahal izango dituzte euren lanak; gero, koadroak salgai jarriko dira, Aspanogi elkarteari laguntzeko

Eneko Azurmendi ARRASATE

Azken urteetako ohiturari eutsiz, Artgazki elkarteak *Udazkena Euskal Herrian* argazki lehiaketa jarri du martxan.

Izenak dioen moduan, Euskal Herriko udazkena da lehiaketaren gaia, eta "aurkeztutako lanek erakutsi behar dute Euskal Herriko basoak, errekek, itsasoa, herriak, baserriak, eta abar nola dauden urteko sasoi honetan", taldeko kideen esanetan.

Parte-hartzea librea eta doakoa izango da, betiere, elkarteak kide izanez gero. Parte-hartzaile bakoitzak, gehienez, hiru argazki aurkeztu ahal izango ditu, helbide honetara bidaliz: lehiaketak@artgazki.org.

Aurkeztutako argazkiak ondorengo datuak eduki beharko ditu: argazkilaria izena eta abizenak, helbide elektronikoa, telefono zenbaki bat, argazkiaren titulua eta argazkia non aterata dagoen. Era berean, "argazkiak ezin izango du eraman inprimatuta ez egilearen izenik, ezta inolako anagramarik ere".

Debekatuta

Debekatuta daude fotomuntaketa bidez egindako irudiak eta

argazki bat baino gehiagorekin osatutakoak, eta epaimahaiak baztertu ahal izango ditu, bere iritziz, manipulatu dauden argazkiak, hala nola "irudiaren elementu bisualak erantsi, kendu edo lekuz aldatuz osatutakoak". Eta ez dira onartuko argazkiaren jatorrizko formatua aldatzen dituzten mozketak.

Aspanogiri laguntzeko

Azaroaren 21a izango da lanak aurkezteko azken eguna, eta 25ean jakinaraziko dituzte argazki sarituen izenak. Epaimahaiak aukeratutako argazkiri onenak Arrasateko hainbat establezimendutan erakutsiko dira, eta, ondoren, Kulturatego erakusketa aretoan. Lanak salgai jarriko dituzte, eta jasotako dirua Aspanogi Gipuzkoako Haur Minbizidunen Gurasoen Elkarteari laguntzeko erabiliko dute.

Sariei dagokienez, irabazleak 300 euro eta garaikurra jasoko ditu; bigarrenak, 200 euro eta garaikurra; eta hirugarrenak, 100 euro eta garaikurra. Publikoaren saria ere egongo da: mendiko materiala.

Informazio gehiago, *Artgazki.org* webgunean.



Pasa den edizioako sari banaketa, Kulturaten. GOIENA

Maila handiko bi kontzertu izango dira urrian Taupa tabernan

Lehena datorren egunean izango da, urriaren 11: Donna Dunne eta Phillip Doyle bikote irlandarrak osatutako Craic 'N' Roll taldearen emanaldia, 19:00etan. Urriaren 20an, bestalde, Ganberock jaialdiaren bosgarren edizioa izango da. Rotten XIII punk-rock talde tafallarrak eskainiko du kontzertua Taupa tabernan, 20:00etan.

Cigüeña taldeak eskainiko du Kooltur Ostegunetako bigarrena

90eko hamarkadako indie eta hardcore-punk melodikoaren korranteetan murgiltzen den bikote valentziar bat izango da datorren egunean gaztetxean: Cigüeña. Unai Lilly gitarra-jole eta abeslariak eta Martin Arles bateria-joleak osatzen dute bikote indartsu hori. Kontzertua urriaren 11n izango da, 22:00etan. Sarrera bost euro da.

Sustapena baliozkoa da Euskadiko EROSKI hipermerkatuetan eta Donostiako eta Gasteizko EROSKI supermerkatuetan.

Bazkide: alaitasunez salto egizu!

urriak 6 larunbata

50€ -raino

oparituko dizugu deskontu-txarteletan

Bazkideentzat soilik

EROSKI Supermerkatu eta Hipermerkatuetan, eskuratu:

- 10 €-ko bost txartel, 250 €-tik gorako erosketak egiteagatik
- 10 €-ko bi txartel, 150 €-tik gorako erosketak egiteagatik
- 10 €-ko txartel bat, 75 €-tik gorako erosketak egiteagatik
- 5 €-ko txartel bat, 40 €-tik gorako erosketak egiteagatik

Sustapena baliozkoa da Euskadiko EROSKI hipermerkatuetan eta Donostiako eta Gasteizko EROSKI supermerkatuetan. Dendako artikulu guztiak hartuko dute parte promozioan, hauak izan ezik: testu-liburuak, esperientzio-poteleak, E-poy txartelak (cuoreordainketa-txartelak), erreibeltu digitala eta fidelizazio-promozioetako produktuak.

Txartelen erabilera:
2018ko urriaren 8tik azaroaren 9ra arte erabili daitezke.
EROSKI Supermerkatuetan, 5 €-ko eta 10 €-ko txartelak 15 €-tik eta 25 €-tik gorako erosketetan erabili ahal izango dira, humenez hurren.
EROSKI Hipermerkatuetan, 5 €-ko eta 10 €-ko txartelak 20 €-tik eta 30 €-tik gorako erosketetan erabili ahal izango dira, humenez hurren.
Txartelak ezin dira erabili EROSKI Bidaiek eta Gasolindagietan.
Kontsultatu gainerako baldintzak zure saltokian.

EROSKI
ARRASATE

Musakola z/g ARRASATE
Tel.: 943 71 10 30



Neska-mutikoak, Arantxa Iza eta Matilde Sainz irakasleekin, Herriko Plazako eskaileretan. JON ANTIXIA



Hainbat neska-mutiko zelai batean jolasean. MATILDE SAINZ

Lehen ikastolari esker onez

Loramendi Ikastola sortu zela 50 urte bete dira aurten. Eta hori gogoan, ospakizun xume baina goxoa gertatu dute, biharko, lehen bi promozioetako ikasleek. Sasoi hartan, Aretxabaletan, euskal hezkuntzaren alde lan egin zutenak eskertu gura dituzte

Mirari Altube ARETXABALETAKO

Loramendi Ikastolak 50 urte beteko lituzkeela izango dute gogoan askok bihar, urriak 6. Ilusio handiarekin gertatutako ospakizun ekitaldi xumea egingo dute; izan ere, ikasleak, irakasleak, gurasoak eta sasoi hartan ikastolaren lehen oinarriak lantzen jardun zuten guztiak elkartu gura dituzte; besteak beste, lau irakasleak: Matilde Sainz, Kristina Gomez, Edurne Gallastegi eta, Arantxa Iza zenaren izenean, haren ahizpa Ixabel.

Herriko Plazan elkartuko dira, 12:30 bueltan, eta Arkupe kultur etxera joko dute, ikastolaren ibilbidea jaso duen ikus-entzuzko ikustera. Ondoren, udaletxe zaharrean jarraituko du ospakizunak, eta ezustekoz beteta datorrela jakinarazi dute antolatzaileek.

Gurasoak babes bila

Ikastolaren sustatzaileetako batek, Jabier San Migelek, gogoan du orain dela 50 urte baino lehenago hasi zirela lehenengo mugimenduak Euskal Herrian: "Urtebete lehenago, Arrasateko ikastola jarri zen abian. Eta gure herriko gurasoen aldetik bazegoen halako ardura bat; hala, talde bat sortu zen eta, denborarik galdu gabe, aurrera egiteko gogoia agertu zuen". Halaxe, babes juridiko ofizial baten bila hasi ziren, eta Elizarengana jo zuten; Escuela Parroquial La Asuncion izan zen ikastolaren

BABES JURIDIKOA ELIZAK EMAN ZION ETA ESCUELA PARROQUIAL LA ASUNCION IZAN ZEN LEHEN IZENA

lehenengo izena: "Don Angel Garmendia parrokoak gogo onez eman zion babesa", dio San Migelek.

Abian jartzeko, irakasle ofizial baten beharra ere bazegoen: "Irakasle lanik ez egin arren Dolores Arregi arrasatearrak bazuela titulua eta harengana jo genuen. Eta hark eman zigun".

Lekuari dagokionez, ostera, Durana kalean kokatutako udaletxe zaharraren egoitza utzi zion Udalak. Urte gutxi batzuk egin zituzten han ikasleak; izan ere, laster geratu zen txiki. "Egoitza handiagoa behar zen, eta Construcciones Elorzak Nafarroa kalean zuen lokal bat eman zigun baldintza ezin hobeeekin", dio San Migelek. Errosteke, baina, dirua behar zuten; baita asmatu ere norengana jo: Juan Arregi enpresa-gizon aretxabaletarrarengana: "Hari eskatu eta handik

Ikasleen aitortza eta esker ona

Loramendi Ikastola desagertu egin zen, baina orduan lanean jardun zutenek zutabe sendoak eraiki zituzten, eta arrasto sakona utzi du askorengan apal-apal baina ilusio handiarekin udaletxe zaharrean egoitza izan zuen lehen ikastola hark. "60ko hamarkadan loraldi garrantzitsua izan zen Euskal Herrian, orokorrean, eta baldintza guztiak eman ziren gurean ere ikastola abian jartzeko. Guraso askoren inplikazio zuzena behar izan zen horretarako, baina herritar norbanako askok ere parte hartu zuten. Eta, gainera, domino efektuarekin, bata bestearen ostean etorri ziren beste hainbat", dio Martxi Perezek, ikastolako lehen promozioiko ikasleak, eta gaineratu du: "Nire kasuan, gurasoak erdaldunak izanik, ikastolari esker euskaldundu nintzen. Hortaz, garena hari esker da". 50 urte pasatu ondoren aitortza egiteko ordua dela uste du: "Gogoan nuen data, eta orduko guraso, sustatzaile eta andereñoek esker ona adierazteko eta gorazarre txiki bat eskaintzeko unea da".



Nuria eta Martxi ikasleak. M.A.

Handikeriarik gabe ekitaldi xumea, gertuko eta kuttuna egin gura izan dutela dio Nuria Fernandez de Arroiabek: "Eskerrak emango dizkiegu haiei guztiei, gure borondaterik onenarekin". Lehen bi promozioetako ikasleen burutazioa izan da, baina ekitaldia edonori dago zabalik: "Ikastolan jardun zutenei zeresanik ez, eta gainerako herritarrei ere bai".

egun gutxi batzuetara dokumentua gertu zeukan guk sinatzeko. Milioi erdi pezeta eman zizkigun". Arregierekin batera Juan Antonio Garmendia botikaria ere gogoan dute ikastolaren sustatzaileek, eskertu ezinezko laguntza eskaini zuelako.

Lokal berriaren erosketaren ondoren, kooperatiba bihurtu zen ikastola, 1973an, eta izen eta titularitate aldaketak ere etorri ziren; aurrerantzean Loramendi Ikastola izango zen eskolaren izena eta jabe berria Loramendi Gurasoen Kooperatiba.

Pedagogia berriak ikasten

Gasteizen irakasle-eskolan zegoela deitu zioten Matilde Sainz arrasatearrari hainbat gurasok: "Ikasketak bukatzerakoan urtebeteko trebakuntza eskaini zidaten Donostian, andereñoen erresidentzia batean. Besteak beste, euskal kultura eta pedagogia berriak ikasten egon nintzen, praktikak eginez", dio Sainzek. Urtebete egin zuen udaletxe zaharrean irakasle, eta gero, Nafarroa kaleko lokalera joan zen neska-mutikoekin batera. "Hasiera hura esperientzia

"Juan Arregiri omenalditxo egin genion laguntza eskertzeko"

JABIER SAN MIGEL SUSTATZAILEA

Ikastolaren sorreran beste hainbatekin batera lanean jardun zuen.


Jose Mari Sarasuak zeresan handia izan zuen, ezta?

Jose Mari izan zen, nire ustez, lan gehien egin zuenetakoa.

Eta zu alboan...

Niregana jo zuen hark, eta nik esan nion egunero ezingo nintzela egon, baina edozer behar izanez gero gertu nengoela laguntzeko. Halaxe, kontu pare batean haren alboan ibili nintzen.

Juan Arregiren laguntza ere garrantzitsua izan zen, ala?



M.A.

Enpresa-gizon famatua zen Gasteiz aldean eta borondate onez hartu gintuen. 500.000 pezeta eman zizkigun, %5eko interesarekin. Politika

kontuengatik kreditu horrek erantzule batzuk behar zituela esan zigun, eta Jose Mari Sarasua, Joxe Olabe eta ni neu egin ginen horren arduradun. Handik urte pare batera deitu egin zigun, eta dokumentua geure aurrean apurtu zuen, kredituarekin ahazteko esanaz; a ze lasaitua hartu genuen! Eskertzeko omenalditxo egin genion; *Burgalesenean* afaldu genuen. Benetan gustura geratu zen.

Atzera begiratuta, pozik egindakoarekin?

Zalantza barik. Baina, gainera, uste dut eskola publikoan ikasketak euskaraz ematen hasi ziren lehenengoetakoa izan zela Aretxabaeta. Hori oso garrantzitsua izan zen, eta horrek benetan pozten nau.

"Jarraipen estua egiten ziguten gurasoek, eta ulertzekoa da"

MATILDE SAINZ IRAKASLEA

Arantxa Iza izan zen lehenengo irakaslea eta bigarren urtean Matilde Sainz iritsi zen.

Gurasoak joan ziren zure bila...

Bai, Gasteizen ikasten nengoela. Ikasketak gazteleaz ziren orduan, eta horiek bukatutakoan euskal kultura, pedagogia berriak eta beste hainbat kontu ikastera joan nintzen Donostiara, hango eta hemengo beste hainbatekin batera.

Pedagogia berritzaileen alde egin zenuten, ezta?

Ni eskola frankistan ikasita nengoen: kopiaketa zen oinarria,



M.A.

buruz ikastea, diziplina zorrotza... Eta beste pedagogia batzuk ezagutu eta aztertu genituen hona ekartzeko. Benetan esperientzia aberasgarria izan zen.

Zelako harremana zenuten gurasoekin?

Harreman estua zegoen, eta, era berean, jarraipen estua egiten ziguten: zer egiten genuen klasean, zein pedagogia erabiltzen genuen... Orduan, gazteagoa izanik, ez nuen hain gustukoa gertuko jarraipen hori, baina, gerora, oso ondo ulertu dut euren kezka; izan ere, gure esku utzi zituzten euren seme-alabak eta lehengoarekiko apurtzailea zen pedagogia erabiltzen genuen. Hortaz, ulertzekoa da ardura.

Pedagogia apurtzailea, adibidez?

Erligioarekin, esaterako; guk ez genuen irakatsi nahi eta gurasoei proposatu genien hezkuntza humanitarioa bultzatzea, eta onartu egin ziguten.

bitala izan zen niretzako, ez bakarrik irakasle moduan, baita pertsona moduan ere", dio, eta gaineratu du: "Gurasoek eskura jarri ziguten gura izan genuen guztia; Bordelera joan ginen, esaterako, Freinet pedagogia ezagutzera. Hori ekarri genuen hona, material berritzaileak behar genituelako". Hiru urte egin zituen Loramendi Ikastolan: "Eduerne Gallastegi eta biok umeekin Almenera joan ginen gero. Gure umeek ez zuten eskola txartelik, ikastola legez-tatu barik zegoelako, eta Alme-

nek txartela eman zigun nagusiendako. Eta orduan, Almen ere euskalduntzen hasi zen".

Oroitzapen asko

Ikastolaren lehen promozioan hiru adinetako umeak elkartu ziren: 1963 eta 1965 bitartean jaiotakoak, hain zuzen. Horien artean zegoen Martxi Perez: "Gogoan dut Ana Mari Errotabarrikoarekin oinez etortzen ginela neska-mutikook. Umeak eraman eta ekarri, egunero lau kilometro egiten zituela dio hark. Baina oroitzapenak baino gehiago, sen-

tsazioak ditut, oso sentsazio onak". Nuria Fernandez de Arroiabe, ostera, 1966an jaiotakoa izanik, urtebete geroago hasi zen eta hango kontu asko ditu gogoan: "Udaletxe zaharreko atartean jolasean jarduten genuen. Ekin-tza asko eta asko egiten genituen: ogia egin, hostoak jaso, kantuak ikasi, suge bat ekarri gelara eta tripak atera...".

Azken hilabeteotan, orduko argazki asko jaso dituzte, eta haiei begira milaka kontu, istorio eta pasarte darabilte esku artean.



Umeak, oinetakoak josten dagoen artisauari begira, azokan. AITOR AGIRIANO



Afaldu bitartean kantuan. A.A.



Dantzan Herriko Plazan. M.A.



Hainbat dantzari abesbatzak habanerak kantatu bitartean dantzan. IMANOL SORIANO

Jendetza elkartu da euskal giroaren bueltan, sanmigeletan

Kantu afariak, azokak eta Aretxabaeta Abesbatzaren emanaldiek arrakasta izan dute, beste behin

M.A. ARETXABAETA

San Migel jaiak etorri orduko joan dira, baina aho zapore gozoa utzita. Jende asko elkartu zen antolatutako ekitaldietan zein kale bazterretan, eta, aparte eguraldia lagun, balorazio ezin hobea egin dute askok, Joxe Migel Uribarren Kultura zinegotziak, esaterako: "Pozik gaude jaiak eman dutenarekin. Jende asko elkartu da eta giro jatorra sortu kalean". Eta "arrakasta handiena" izan duten ekitaldiak aipatu ditu: "Kantu afarian Herriko Plaza beteta; azoka eta haren bueltako kontuetan ere jendetza: taloak, animalien gunea,

bertsolariak... Beinke-Loramendi dantzak ere jende asko elkartu zuen, eta, zeresanik ez, Aretxabaeta Abesbatzaren emanaldia". Ezustekoei dagokien ez zela apartekorik egon nabarmendu du, "farolaren bat bota badute ere ibai alboan".

Ekitaldi horiekin batera, bolo txapelketak ere sortu zuen ikusmina; Josu Aranak irabazi zuen urdaiazpikoa. Doke txapelketan UDA izan zen nagusi, eta haren atzetik geratu ziren Basotxo eta Udala. Eta herri kirolei dagokien, gertutik jarraitu zituzten askok Alex Txikonon eta *Bihurri*-ren erakustaldiak.

Antzezlanek beteko da Arkupe, domekan hasita

Antzerki Hilabetea antolatu du Udaleko Kultura Sailak, eta adin guztietara egokitutako bederatzi lan eroango ditu urriaren 27an Zaraia aretoko oholtzara. Horiatarako sarrerak dagoeneko salgai dituzte kultura etxeko harreran.

Mirari Altube ARETXABALETAKO

Antzerkiari egin gura izan diote lekua Arkupen, urriaren. Hala, zinemaren etorrera azarora atzeratu, eta bederatzi antzezlan ikusteko aukera izango da domekan hasi eta hilaren 28a bitartean. Horiatarako sarrerak, gainera, dagoeneko salgai dituzte Arkupeko harreran.

Antzerkigintza indartu

"Antzerkigintza indartzea erabaki dugu, eta hilabete osoa eskaini horri", jakinarazi du Joxe Migel Uribarrenek, Kultura zinegotziak. Hala, Udalak balioan jarri gura du "antzerkigintza alorrean inguruan gartzatzen den talentua". Adin guztietara egokitutako lanak ekarri gura izan dituzte: "Helduendako, familiendako eta umeendako; horiek, gainera, euren diren hiru emanaldi izango dituzte". Astelehenetik eguaztenera hain zuzen ere, ikasleak izango dira Arkupeko gonbidatuak eta ikusiko dituzte eskarmentu handiko hiru talderen lanak: Teatro Paraiso, Tdiferencia eta Markeliñe.

Tomaxen Abenturak domekan

Familia giroan ikusteko antzezlanarekin ekingo diote hilabeteari. Tomaxen Abenturak bi-



Ander Lipus eta Patricia Urrutia *Hozkailua* antzezlanaren une batean. ARTEDRAMA

koteak *Hamar urte* eskainiko die, domekan, 4 urtetik gorakoei; urtebetetze festa baten bueltako kontuekin ondo pasatzeko aukera izango dute horiek.

Eguenean, hilaren 11n, ostera, helduek gozatuko dute Unai Iturriagak idatzitako eta Manex Fuchek zuzendutako *Hozkailua* lanarekin. *Hozkailua* baten barruan Londrestik lagunaren hilotza dakarren bikotearen gorabeherak izango dira oholtza gainean, luxuzko aktoreekin, gainera: Ander Lipus eta Patricia Urrutia.

Herritarrendako emanaldien egitaraua

Urriak 7, domeka

- 17:00 Tomaxen Abenturak: *Hamar urte*.

Urriak 11, eguena

- 22:00 Artedrama: *Hozkailua*. 12 urtetik gora.

Urriak 14, domeka

- 17:00/19:00 Xake produkzioak: *Lur*.

Urriak 21, domeka

- 19:00 Ausarta taldea: *Las chicas del balneario*.

Urriak 26, egubakoitza

- 22:00 Javier Liñera: *Tendríamos que haber empezado de otra manera*. 12 urtetik gora.

Urriak 28, domeka

- 19:00 Diego Perez: *San Jose, hecho un Cristo*. 12 urtetik gora.

'Margotutako hormak' erakusketa zabalduko du Murgoitio gaur

Aretxabaleko 27 pintaketaren eta muralen argazkiak ere jaso ditu, eta urriaren 30era arte egongo da zabalik

M.A. ARETXABALETAKO

Josune Murgoitio artista arrasatearraren *Margotutako hormak* erakusketaren irekiera ekitaldia izango da gaur, 18:30ean, Arkupen.

Euskal Herriko horretan egin-dako aldarririk pintaden-grafiti politikoak eta sozialak-eta muralen esanahia, balioa eta erabilera sinbolikoa aztertzen jardun du Murgoitio: "Giza eta kultura antropologiaren perspektibatik ere bai, bake kulturari, memoriari eta giza eskubideei lotutako espazio publikoetan oinarrituta", dio.

Aretxabalean bertan jasotako pintaketaren eta muralen argazkiak ere jaso ditu: "27 argazki berri sartu ditut, 17 paneletan banatuta. Eta erakusketaren diseinu grafikoak aldatu egin dut apur bat; Arkupeko sarreran hasiko da bisita, ez aretoan."

Erakusketa urriaren 30a bitartean izango da zabalik: astelehenetik egubakoitzera, 11:00-13:00 eta 18:00-20:00 eta zapatuetan, 11:00-13:00. Bisita gidatu bi ere eskainiko ditu: urriaren 9an, astelehena (18:30), eta urriaren 20an, zapatua (12:00).



M.A.

Kataluniako kontuak gogoan

Kataluniako erreferenduma egin zela urtebete da —urriaren 1ean—, eta Aretxabaleko Gure Esku Dagok gogoan izan zituen orduan bizi izandakoak. Hala, hainbat udal ordezkari eta herritar elkartu ziren, *Gernikatik munduari* lelopean, Herriko Plazan, GEDk irailaren 29an, Gernikan, egin zuen ekitaldiari keinu eginez.

Paco Etxeberriak hitzaldia egingo du martitzenean

Auzitegi mediku, antropologo eta ikertzaile entzutetsu Paco Etxeberriak (Beasain, 1957) *Memoria historica* hitzaldia egingo du martitzenean, urriaren 9an, 19:00etan, Arkupen. Memoria historikoa berreskuratzen azken urteotan egindako lanen gaineko argibideak emango ditu, eta herritarren galderak erantzuteko gertu izango da.

Mobiliario
ARENAZA

ALTZARIAK
DISEINUA
APAINKETA

Bizkaia 1 - Tel.: 943 79 08 07
ARETXABALETAKO

Ikasleendako emanaldiak

Umeendako eta gaztetxoendako bereziki izango diren antzezlanak.

Urriak 8, astelehena

- 09:15/ 10:15/ 11:15 Teatro Paraiso: *Lorategian*. 4-5 urte bitartekoak.

Urriak 9, martitzena

- 09:00/ 11:00 Tdiferencia: *Jolastokia*. 8-10 urte bitartekoak.

Urriak 10, eguaztana

- 09:00/ 10:30 Markeliñe: *Hareazko ipuinak*. 11-12 urte bitartekoak.



Apotzaga auzoan egindako 4x4 trial erakustaldia. IMANOL SORIANO

4x4 trial erakustaldia, zapatuan, Torrebason

Esteibar baserriaren eta argi-transformadorearen arteko lur-zatian egingo da hamaikagarren 4x4 trial erakustaldia. Azken urteetan baino eremu txikiagoa izango da aurtengoa, eta, guztira, hogeitauko dira erakustaldia egiten

Imanol Beloki ESKORIATZA

Trialzaleek hitzordu garrantzitsua izango dute bihar, zapatua. Izan ere, Eskomotor taldeak antolatuta, Eskoriatzako hamaikagarren 4x4 triala izango da; aurten, Torrebasoko poligonoan egingo da, arratsaldeko hiruretan hasita.

Azken urteetan, Apotzaga aldean egin izan dute erakustaldia, baina aurten, Torrebason batuko dira 4x4 autoak, Esteibar baserriaren eta argi-transformadorearen arteko lur-sailean. Beste urte batzuetan egin diren lekuekin alderatuz, hogeitauko muga jarri dute erakustaldia eskaintzeko, eremu txikiagoan egingo dute eta. Honela adierazi du Xabi Oñederrak, Eskomotor taldeko kideak: "4x4 trialarekin hasi ginenean, Bolibarren egin genuen erakustaldia, eta urte askoan Apotzaga auzoan egin izan dugu. Leku ederra dugu han ibilbidea nahi dugun erara prestatzeko, baina lanak egiten ari dira, lurra ekartzen..."

Beraz, eskatu dugun arren, ez digute baimenik eman. Hala, arrozoi beragatik, iaz ez genuen antolatu. Oraingoan, eremu txikiagoan egingo dugu erakustaldia, ez dugulako beste aukera edo proposamenik jaso, eta parte-hartzaile kopuru muga jarri behar izan dugu".

Bi modalitatetako ibilgailuak

Egubakoitzean atonduko dute Torrebasoko eremua, eta zailtasun askotariko eremuak jarriko dituzte bertan; 4 edo 5 izango direla aurreikusten dute antolatzaileek, parte hartuko duten ibilgailu guztiek egiteko modukoak, hain zuzen ere. Hala, hainbat gunetan zehar, maldan gora eta behera bi motatako

ERAKUSTALDIA EREMU TXIKIAGOAN EGINGO DUTENEZ, HOGEI AUTOKO MUGA JARRI DUTE ANTOLATZAILEEK

ibilgailuak arituko dira errubera erraldoiekin. Batetik, errepidean ibili daitezkeenak direnak; eta, bestetik, aldaketa handiak dituzten ibilgailuak, hibridoak direnak.

Sarrera bi euro da eta bertaraten diren pertsona guztiak sartuko dira zozketan.

Leku baten beharrean

Aurten, leku aldaketa da berrietasuna 4x4 trialean, eta, antolatzaileak pozik agertu diren arren, aurrera begira eremu finkoa izatea gustatuko litzaiekeela adierazi dute. "Aurtengo erakustaldirako badugu eremua. Ez da oso handia, baina eskertuta gaude lur-jabeak utzi izanaz. Edozelan ere, terrenoa duen edonor edo proposamenen bat egin nahi diguna eskuak zabalik hartuko dugu, eta etorri dila guregana, ongiatorria izango da. Horrekin batera, zapatuan trialera etortzeko gonbidapena egin nahi dugu, erakustaldi ederra izango da".

EUSKARALDIA

Udalbatzak bat egin du Euskaraldia ekimenarekin

Udal barruan ez ezik, udalerrian ere sustatzaile lana egingo dute, herritarrak Euskaraldia ekimenara animatuz

I.B. ESKORIATZA

Iraileko ezohiko osoko bilkuran, Eskoriatzako udalbatzako kideek Euskaraldia ekimenarekin konprometitzen diren adierazpen instituzionala onartu zuten. Aho batez onartuta, talde argazkia atera zuten, osoko bilkura amaitzean.

Eskoriatzako datuak hobetzeraz

Azken neurketetan baieztatu da euskararen ulermena eta ezagutza zabaltzen ari dela Euskal Herrian. Eskoriatzan, 2 urte edo gehiagoko biztanleriaren %62,58 euskalduna da eta biztanleen %76,43k euskara ulertzen dute. Eskoriatzako Udalarari dagokionez, ordezkari politikoen %100ek ulertzen dute euskara, eta udal langileen %88k. Ezagutza datuak Eskoriatzan horiek izan arren, kale erabilera %37,5ekoa da; beraz, datu horiek hobetzeko Euskaraldia ekimen garrantzi-

tsua dela uste dute udalbatzako kideek.

Onartutako adierazpena

Eskoriatzako udalbatzak bat egingo du Euskaraldiarekin eta ekimenaren sustatzaile izango da. Horrenbestez, erantzukizunez eta eredugarritasunez jokatzeko konpromisoa hartzen du. Ordezkari politikoen egiteko nagusia izango da Euskaraldiaren markoan eta bereziki udal barrura begira ekimena zabaltzea. Horrenbestez, ekimen honetan ahalik eta *ahobizi* eta *belarriprest* gehien aktibatzeko urratsak egingo dituzte, arduradun politikoak izan nahiz langileak izan. Udal barruan ez ezik udalerrian ere, ekimenaren sustatzaile gisa, herritarrak gonbidatuko ditu Euskaraldiko ekimenean parte har dezaten, eta izena emateko bideak erraztuko ditu, besteak beste.



Udalbatzak osoko bilkura aretoan ateratako talde argazkia. IMANOL BELOKI



Dena prest dago Eskola Publikoaren jairako

Debagoieneko Eskola Publikoaren lehenengo jaia urriaren 20an izango da, Eskoriatzan, eta, lau gunetan banatuta, egitarau oparoa prestatu dute: dantzak, kontzertuak, tailerrak, herri bazkaria, antzerkiak eta kirola izango dira nagusi

Imanol Beloki ESKORIATZA

Aurten ospatuko da, lehen aldiz, Eskoriatzako Koldotxo Guraso Elkarteak eta Baikorak (Gipuzkoako Guraso Elkarten Federazioa) bultzatuta, Debagoieneko Eskola Publikoaren jaia, eta, hain zuzen ere, Eskoriatzan izango da. Helburua eskola publikoa bultzatzea da.

Egitarau zabala prestatu dute, eta, eguna hasteko, harrera ekitaldia egingo zaie bisitariei. Horretarako, ikasle bat, guraso bat, Antonio Regaño Koldotxo Guraso Elkartearen presidentea eta Joserra Zubizarreta Eskoriatzako alkatea izango dira.

'Flashmob'-a prestatzen

Eguna girotzeko, *Hezi eta hazi* abestia dantzatzeko dute, eta horretarako hainbat entsegu egin dituzte. Hurrengo urriaren 17an egingo dute, 18:00etan, eskolako patioan. Hala ere, dantza ikasi nahi duenak aukera izango du horretarako, *Luisseizalhi.hezkuntza.net* webgunean. Izan ere, bertan, koreografiaren bideoa dago ikusgai. Dantzak amaitzean, kalejira izango da, trikitilariak lagunduta, eta pankartak jarriko dituzte eskola aurrean.

Bailarako eskoletako bisita

Jaiarekin bat egiteko, bailarako eskoletakoak ere izango dira Eskoriatzan, bakoitza bere eskolako kamisetarekin: Kurtzebarri, Ipintza, Arrasate Herri Eskola, San Martin, Errekalde, Elgetako Herri Eskola, Antzuolako Herri Eskola eta Arrasate eta Bergarako institutukoak.

Aretxabaletako Kurtzebarri eskolatik batukada irtengo da Eskoriatzara bidean. Kirola ere izango da; izan ere, Gorosarri plazan, capoeira eta kenpo erakustaldia izango da. Luis Ezeizan, berriz, eslaloma bizikletekin eta saskibaloia eta hockey txapelketak izango dira, eta txikienentzat, aldiz, txapak egiteko eta aurpegiak



Luis Ezeiza Herri Eskolako jaietan dantza egiten, Fernando Eskoriatza plazan. GOIENA

Urriaren 20ko egitaraua gunez gune

- **10:30** Harrera ekitaldia, plazan.
- **11:00** *Flashmob* erraldoia, plazan.
- **11:30** Tailerrak, Gernika plazan eta Jose Arana kalean.
- **11:30** Kirol txapelketak, Luis Ezeizan.
- **11:30** Kirol erakustaldiak, Gorosarri plazan.
- **12:30** Potx eta Lotx pailazoak, plazan.
- **13:00** Txerrikumeak eta Deskarga taldeen kontzertuak, gaztetxean.
- **14:00** Herri bazkaria, Santa Marina plazan.
- **15:30** Umeentzako antzerkia, Zaldibarren.
- **16:00** BocaBeats Comedia, plazan
- **17:15** DJ Moto, plazan.
- **19:00** Zea Mays, Luis Ezeizan.

margotzeko tailerrak izango dira, Jose Aranan.

600 pertsona bazkaritarako

Herri bazkaria 600 pertsonarendako izango da, Santa Marina plazan, eta paella mistoa izango da bazkaritarako. Txartelak eskolen bitartez ari dira saltzen, eta Eskoriatzan, Benta Motz Berri tabernan ere lortu ahalko dira, zortzi eurotan.

Gonbidapen mezuak

Luis Ezeizako haur, guraso eta irakasleek urriaren 20an egingo den jairako gonbidapen bideoa egin dute, hizkuntza ezberdinetan. Horrez gain, BocaBeats Comediakoek, Potx eta Lotx pailazoak eta Ameli Barquin Huheziko Kultura Arteko Hezkuntza irakasleak ere bat egin dute jaiarekin, eta hauen gonbidapen bideoak ere ikusgai daude Koldotxo Guraso Elkartearen Facebook orrialdean.

Horrekin lotuta, Jose Arana kalea itxita egongo da egun osoan, eta eguraldi txarra egiten badu plazan egiteko antolatuta dituzten ekintzak pilotalekuan egingo direla ere jakinarazi dute antolatzaileek.



IMANOL SORIANO

Erretiratuei omenaldi beroa

Eskoriatzako udal ordezkariak omenaldia eskaini zieten herriko erretiratuei. Joseba Iñurrategi pilotalekuan 190 pertsona inguru batu ziren bazkaritarako, eta ostean, 96 urteko Elena San Vicentek eta 100 urteko Pablo Ganboak omenaldi berezia jaso zuten –bazkarira joan ziren nagusienak–. Horrez gain, opari eta oroigarri batzuk ere zozketatu zituzten.

Dagoeneko eman daiteke izena buztzingintza ikasteko

Buztinatek, buztzingintza eta zeramika elkarteak, martxan jarri du ikasturtea, eta, iaz moduan, haurren saioak 16:45etik 17:45ak arte izango dira eta helduenak, berriz, 18:00etatik 20:00etara bitartean, Zubiaren.

Aurten, helduentzako zeramika ikastarorako izen-ematea handitzeko helburuarekin hasi dute ikasturtea. Honela adiera-

zi du Olatz Pagaldayk, elkartearen kideak: "Haurren ikastaroan taldetxo handia sortzen da urtero; helduenean, berriz, lan konutuak direla-eta saio guztietara jarraian ezin dira joan asko. Hori horrela, gonbidapena egin nahi diegu herriko helduei klaseetara etorri eta zer egiten dugun ikus dezaten".

Hileroko kuota 50 euro da, eta ikasturte osorako materiala, irakaslea, tornua, buztina, pintura eta labearen erabilera sartzen dira, besteak beste.

GORA ETA BEHERA



NURIA MARTINEZ

Atxorrotzeko maketa apurtzen saiatu dira

Duela aste batez bukatu zuten Nuria Martinez eta Mikel Isasmendik Atxorrotzeko ermitako maketaren konponketa lanak. Jarri eta egun gutxira, apurtzen saiatu direla jakinarazi dute.

Berdintasunik eza izan dute hizpide kafe-tertulian

Pasa den domekan, genero berdintasunaz eta feminismoaz hitz egiteko batu ziren hainbat lagun kultura etxean. Gai honen bueltan dauden estereotipoez, gezurrez... mintzatu ziren; ondorioak jaso zituzten Eskoriatzako errealitatea hobeto ezagutzeko

Imanol Beloki ESKORIATZA

Feminismoarekin kezkatuta dauden Eskoriatzako emakume batzuek kafe-tertulia irekia antolatu zuten pasa den domekarako, irailaren 30erako, kultura etxean. Adin guztietako emakumeei eta gizonezkoiei zuzendutako ekintza izan zen, eta, hala, antolatzaileak pozik geratu dira egitasmoak eman zuenarekin.

Helburua zen feminismoaren gainean hitz egitea, iritzi ezberdinak partekatzea eta informazioa helaraztea, kafea edo tea hartuz eta pasta batzuk janez. "Oinarriko helburua zen genero desberdintasunei buruz inguru atseginean hitz egitea, eta helburua bete genuen; izan ere, parte-hartzaileak gustura irten ziren bertatik. Beste helburuetako bat zen genero ezberdintasunaren gaia Eskoriatzan nola ikusten den jakitea, eta horretaz ere mintzatu ginen", adierazi dute antolatzaileek.



Kultura etxean egindako kafe-tertulian batu zirenak talde argazkian. GOIENA

Balorazio positiboa

Guztira, 20 pertsona batu ziren tertulian; horien artean, bi gizon, adingabe bat eta 60 urte inguruko beste bi pertsona. "Halako deialdietan ematen du jende gehiagok hartuko duela parte, baina pozik gaude ekimenak eman zuenarekin eta gerturatu zirenekin. Guztiok hartu genuen parte, eta, hain zuzen, ondorioak atera izan genituen; hori horrela, ber-

tara etorri zirenei eskerrak eman nahi dizkiegu".

Tertulian egindakoak

Hitz egin behar zutenaren gaineko azalpen orokorra eskaini zuten. Feminismoaren kontzeptua aztertu zuten eta genero ikuspegi kulturalik ez dagoela jabetu ziren. Erasoak sexistak jasaten dituztenen biktimizazioa izan zuten hizpide, besteak beste.



Iaz, Sorginak taldekoak taloak egiten. GOIENA

Sanmilixenetan postua jartzeko baldintzak jendaurrean daude

Artisau azokan postua jarri nahi duenak urriaren 26a baino lehen bidali beharko du dokumentazio guztia

Imanol Beloki LEINTZ GATZAGA

Azaroaren 11n izango da San Milixan eguneko artisau azoka Leintz Gatzagan. Aurtengoa 26. eskulangintza azoka izango da, eta, urtero moduan, frontoian jarriko dituzte postuak bertara datozen artisauak.

10:00etatik 14:30era iraungo du azokak, eta muntaia egiten 09:00etan hasiko dira. Standaren neurriek, berriz, honako hauek izan beharko dute: 2x3 metro, standaren hormetan ezin izango da ezer josi, 2x0,7 metroko mahaia, eta bi aulki. Hori horrela, postua jarri nahi duenak oinarri orokor batzuk ere bete beharko ditu.

Bete beharreko oinarri orokorrak

Erakusgai edo salgai egongo diren produktuen egilea izatea derrigorrezkoa izango da, bai eta azoka egunean langintzaren erakustaldia egitea. Artisauak

berak landu ez dituen produktuak ez dira onartuko. Horrez gainera, hainbat dokumentu eraman beharko ditu artisauak: parte hartzeko eskaera behar bezala beteta, erakusgai izango diren produktuen bi argazki, eta abar. Dokumentazio guztia Leintzgatzaga.eus webgunean dago ikusgai.

Artisau azokaz gain, artisautzako tailer herrikoia prestatzeko aukera ere izango da. Haur, gazte eta helduei zuzenduta dago, eta 10-15 pertsonako taldeak izango dira.

Eskaera aurkezteko

Eskaerak aurkezteko epea urriaren 26an itxiko da, eta aukeratuak artisauak urriaren bukaeran jakinaraziko zaie. Eskaerak ondorengo helbidera bidaliko dira: Leintz Gatzagako Udala; San Migel plaza 2, 20530, Leintz Gatzaga (Gipuzkoa).



AITOR AGIRIANO

Garun Paralisiaren Eguna

Garun Paralisiaren Nazioarteko Eguna ospatu zuten eguaztenez Luis Ezeiza Herri Eskolakoek. Herri eskolan Tximeleta Gela dago; Apaceko gela egonkor bat da, eta bertan, garun paralisia edo antzeko alterazioren bat duten ikasleak daude.

Hala, Tximeleta gelako ikasle guztiak Haur Hezkuntzako eraikinean batu ziren eguna ospatzeko. *Ez begiratu beste aldera* lelopean jolasak egin zituzten, pankarta bat marraztu, eta argazkiak atera, besteak beste.

Begiralea behar dute Leintz Gatzagako ludotekarako

Leintz Gatzagako Gurel guraso elkarteko kideak ludotekarako begirale bila ari dira. Hain zuzen ere, lana azaroaren 1etik ekainaren 1era arte da eta ordutegia, berriz, honako hau: martitzenetan, 17:30etik 19:30era; eguaztenez, ordutegi berean; eta hilean behin, berriz, egubakoitz bat, hiru orduko lana egiteko.

Hainbat ezaugarri baloratuko dituzte, eta kontuan hartuko dute umeekin esperientzia izandakoa izatea.

Urtero 10 bat umek ematen dute izena gune hau aprobetxatzeko, eta, umeei beraiei hitza emanda, mota ezberdinetako jolasak antolatu beharko ditu begiraleak, herrira begirakoak izango direnak. Hala, interesa dutenek Gatzakogurel@gmail.com helbidera bidali beharko dute curriculum urriaren 20a baino lehen.



Lierni Altuna, Manex Agirre, Ane Zuazubiskar eta Xabi Igoa, txapelketako kartelarekin. ARAMAIOKO BERTSO ESKOLA

Aramaioko lehen kopia txapelketa, urriaren 19an

Bertsos Eskolak antolatuta, hamabi bertsolarik parte hartuko dute; arratsaldean jokatuko dira bi finalerdiak, eta sei bertsolari onenek lortuko dute finalerako sailkatzea. Finala Iturrieta sagardotegian izango da, afa-lostean, musikaz lagunduta

Julen Iriondo ARAMAIO

Azken urteetan herrira bi bertsolari gonbidatuta hasi izan du Aramaio Bertsos Eskolak ikasturtea, baina aurten "zerbait desberdina" prestatu nahi izan dute, eta kopia txapelketa izango da hori, "kurtsoa indarberrituta hasteko modu bat", Xabi Igoaren arabera: "Badaramatzagu urte batzuk herriko bertsobizitza astintzen. Urtero ditugu hainbat hitzordu finko –Gabonetako saioa, Santa Ageda batzea...–, baina gustatzen zaigu gauza bereziak antolatzea ere".

Hamabi bertsolarik hartuko dute parte txapelketan, herrikoek eta Aramaioarekin muga egiten duten udalerrietakoek: Paula Amilburu, Peru Abarrategi, Martin Abarrategi, Aitor Ugarte eta Andere Arriolabengoa, batetik; Otxandioko Aitor Esteban, Abadiñoko Txaber Altube, Arrasateko Jokin Labaien eta Ane Zuazubiskar, Aretxabale-tako Martin Berrizbeitia, Eskoriatzako Haizea Arana eta Oña-

tiko Mainer Arregi –muga kon-tuei dagokienez, salbuespena–, bestetik.

18:30ean Goiko taberna parean eta 19:30ean plazan izango dira finalerdiak –sei bertsolari batean eta sei bestean–. Bikoteka ofizio bat egingo du bakoitzak, eta ariketako onena pasako da finalera. Finala Iturrietan izango da. 21:00etan, afa-ria –izena ema-

teko azken eguna, urriaren 15a; 615 73 92 55, Manex–, eta gero, saioa. Bi ofiziotan jardungo du bertsolari bakoitzak, eta buruz burukoa egingo dute bi onenek. Musikaz lagundutakoa izango da finala: Jon Aranburu mandolinarekin, Ekaitz Aranberri gitarrarekin, Maialen Ballina panderoarekin eta Amaia Arregi trikitiarekin izango dira.

Lau talde Bertso Eskolan

Nagusien taldea eta beste hiru izango ditu aurten Aramaio Bertsos Eskolak. Nagusiena autodidakta da, eta, besteei dagokienez, bitan Peru Abarrategi izango da irakasle eta bestean Martin Abarrategi eta Aitor Ugarte. Gaztetxoan taldeak antolatzerakoan, duten maila da irizpidea, adina baino gehiago. Nagusien taldea dozena inguru lagunek osatzen dute; herrikoak dira gehienak, baina bada Arrasateko, Aretxabale-tako eta Otxandioko jendea ere. Denera, 25-30 lagun batuko dira aurten Aramaio eskolen bueltan –oraindik eman daiteke izena–. "Baina inguruan dagoen jendea ere garrantzitsua da: gai jartzaile, antolatzaile, epaile... 40 bat izango gara", dio Xabi Igoak. Kopia txapelketa hasi aurretioxan egingo dute Bertso Eskolaren aurkezpena ere.



Umeak ur parkean jolasten. XABI GOROSTIDI

Neska-mutikoek oso harrera ona egin diote ur-parkeari

Aurreko barikuan inauguratu zuten, eta, eguraldia lagun, egun batzuk, behintzat, izan dituzte gozatzeko

J.I. ARAMAIO

Barikua, 16:15; neska mutikoak irrikaz, bainujantzia soinean, hesien atzean, ur-parkera sartzeko baimena noiz jasoko. Ireki dute, eta umeak korrika jolasetara. Itxaronaldia luze egingo zitzaien, baina eguraldiak

egun batzuetan, behintzat, azpiegitura berriarekin gozatzeko aukera eman die, zorionez.

"Eskerrak udazkena bero hasi dela, egun batzuk baditugu ibiltzeko; pozik ikusten dira umeak, ea funtzionatzen duen eta erabiltzen den", zioen alkateak.



LEXURI KORTABARRIA
ERABILTZAILEA

"Oso ondo dago parkea. Lehen, erre-kara joaten ginen bero zegoenean, eta orain, hau ere badugu. Baina hara ere joango gara, karramarrotara".



HEGOI AZKARATE
ERABILTZAILEA

"Txokolate-jana dugu eta bertan egingo dugu. Gero sartuko naiz, noski. Lehen, erre-kara eta Otxandioko igerilekura joaten ginen beroarekin; orain, hona".

Kaleko margo lehiaketaren 27.a, hurrengo barikuan

Lanak Aramaio udalerrian egin beharko dira, egunean bertan. Euskarriak Sastiñan zigitlatuko dituzte, 09:00ak eta 11:00ak artean, eta margolanak han bertan aurkeztu beharko dira 14:00ak aurretik. Sariak izango dira 700, 500 eta 400 euro helduetan –aramaioar onenari 150–, eta 16 urtera artekoetan 150, 100 eta 50 euroko bonuak.

OHARRAK

Arabako erretiratuak

Euren eguna ospatuko dute urriaren 20an, Guardian. Bisita gidatua eta bazkaria izango dira. Izena emateko, sartu 33 euro Laboral Kutxan, urriaren 12a baino lehen.

Erretiratuen Eguna

Urriaren 27an izango da, eta azokan postua jarri nahi dutenek hilaren 15a bitartean eman dezakete izena.

GOIENA TELEBISTA

UDAZKENEKO PROGRAMAZIO BERRIA

Eneko Azkarate ARRASATE

Asko aldatu da azkeneko urteotan, teknologiarri esker, telebista kontsumitzeko modua. Gaur egun, gailu askotan ikus daitezke bideoak. Ez bakarrik telebista pantailan. Eta hauek geroago eta ugariagoak dira etxeetan.

Goiena ere modu, toki eta gailu askotan ikus daiteke: ohiko telebista bidez, seinalea antenaz, satelitez zein Internetez jasotzen da; edo ordenagailuan, eskuko telefono adimendunean zein tabletan. Azken bi hauetan ikusteko atera da *Goiena nahieran* aplikazioa. Android zein iOS sistema eragileak darabilten gailuetara egokituta, Google Play zein App Store dendetan eskura daiteke. Eta doan da.

Telebistako saioak edozein modu zein tokitan ikusteko au-

Goienako saioak nahieran ikusten

Mugikorretan eta tabletetan ikusi eta entzuteko aplikazioa da 'Goiena nahieran'. Euskal Herriko toki telebista-izan euskarazko, gaztelaniazko zein frantseseko-bakarra da Goiena edukiak gisa honetara eskaintzen dituen

kera eskaintzen du. Baldintza bakarra da Interneteko konexioa edukitzea.

Saioka sailkatuta, Goienaren eskaintza osoa dago *Goiena*

nahieran aplikazioan. 17 saio ezberdin eta saio bakoitzeko azkeneko atalak. Era berean, saioen artetik, ikusienak ere kontsulta daitezke.

Edukian ere berritasunak


Bestetik, edukiari dagokionez ere berritasunak dakartza udazkenean Goiena telebistak. *Euskaraldia* eta *Elkarrizketa* dira

horietako bi. Lehenengoan, Julen Iriondok eta Izaro Insaustik Gipuzkoako eskualde ezberdinetako *ahobizi* eta *belarripres-ta*-k aurkeztuko dituzte; *Elkarrizketa* saioan, bestalde, *Ttap* agerkari digital multimedien argitaratutako elkarrizketak ikusteko aukera izango da.

Harira ere berritasunekin dator. Batetik, Debagoieneko alkateak ez ezik, zinegotziak ere pasako dira Goiena telebistako platotik. Bestetik, *Harira* eztabaida saioan, ordezkeri politikoei mahai-inguruak egingo dira. Gaurkotasuna aztertuko da horietan, Goiatz Aranek gidatuta.

Azkenik, *Hautsi bolumena* musika saioa. Musikariei elkarrizketak egingo dizkie Amaia Txintxurretak on line.

'Goiena nahieran' aplikazioa deskargatu pausoz pauso



'APP' DENDETAN AUKERATU

Android zein iOS sistema eragileetan erabiltzeko moduko aplikazioa da *Goiena nahieran*. Tabletetarako zein eskuko telefonoetarako. Hortaz, Google Play zein App Store dendetan deskarga daiteke, doan.



'GOIENA NAHIERAN' BILATU

Google Play zein App Store dendetan bilatzaileak erabilia, bilatu *Goiena nahieran*. Aplikazio asko eta askotarikoak daude aukeran, baina bakarra Debagoieneko euskarazko ikus-entzunezkoak batzen dituen: *Goiena nahieran*.




DESKARGATU

Google Play izan edo App Store izan, eta behin *Goiena nahieran* aplikazioa aukeratuta, hura deskargatu. Doan da. Deskarga hobeto egiteko, wifi sareari lotzea komeni da, nahiz eta ez izan ezinbestekoa.



TOKI NAGUSIAN KOKATU

Behin deskargatuta, *Goiena nahieran* aplikazioa goiko irudian ikusten den moduan azalduko da telefono adimendunean edo tabletan. Toki nagusian jarriz gero, erabilgarriago, bideoetara azkarrago heltzeko.



SAIO GUZTIAK KLIK BATEAN

Goiena nahieran aplikazioan, Goiena telebistako ikus-entzunezko guztiak daude, saioka antolatuta, behar den hori erraz aurkitzeko; menu samur eta intuitiboa du. Goiena telebista zuzenean ikusteko aukera eta guzti.

Goiena, saioz saio: denetik eta bertatik

Era askotako saioz osatuta dator Goiena telebistako udazkeneko programazio berritua. Ohiko 'Hemen Debagoiena' eta 'Harmailatik' saioez gain, berriak ere badira: 'Euskaraldia' eta 'Elkarrizkettap' dira horietako bi. Baina badira berritasun gehiago



ALBISTEAK

Eguneko albistegia. Unean uneko albisteak, egunekoak, azkar eta arin emanak. Lekukoen edo protagonisten testigantzekin. Astelehenetik egubakoitzera bitartean; asteburuan, asteko albisteen errepasoa.

- Egunero
- 14:30/16:15/17:00/17:45



HARMAILATIK

Debagoieneko kirola eta kirolariak protagonista dituen saioa. Aste bukaerako kirol kronikak, elkarrizketak, erreportajeak, eta abar, protagonisten ahotan. Eskualdeko kirola, sakon aztertuta.

- Astelehena
- 21:30 eta 23:30
- Aurkezlea: Xabier Urzelai



HEMEN DEBAGOIENA

Goienaren magazina. Debagoieneko gertaerak, tokiak, jarduerak, berriak eta pertsonak protagonista dituen saioa. Kanpoko erreportajeak, platoko elkarrizketak eta solasaldiak batzen ditu. Goiena telebistaren programazioaren zutarrria da, eguneroko saio bakarra, *Albisteak* saioarekin batera.

Ordubeteko saioa da eta Txomin Madinak aurkezten du, baina Goienako kazetariak ere magazineko aurpegi ohikoak dira.

Astelehenetan, asteburuko gertaeren berri ematen da. Eta Xabi Urzelaik *Harmailatik* saioaren aurrerapena egiteaz gain, kirolak asteburuan eman duena kontatzen du. Martitzenetan, Itziar Larrañagak sare sozialetako joera eta bitxikeriak kontatzen ditu; eguaztenetan, Monika Belastegik *Puntua* aldizkariko asteko gai nagusiak dakartza; eguaztenetan, Mireia Bikuñak asteburuko agendako hitzordu garrantzitsuenak aurreratzen ditu; egubakoitzetan, Eneko Azkaratek *Goiena* aldizkariaren errepasoa egiten du eta Xabi Urzelaik asteburuan kirolak ekarriko duenaren gaineko azalpenak ematen ditu. Era berean, Olgeta jolaserako baliabide zerbitzuko Itsaso Pagoagak familian aritzeko jolasen berri ematen du. Horretaz aparte, Goienako herrietako berriemaileak egunero sartzen dira platoon eta egunero dago elkarrizketatu bat, eta baita kanpoan grabatutako erreportajeak ere.

- Egunero
- 18:00 eta 20:00 eta 22:00
- Aurkezlea: Txomin Madina

HAUTSI BOLUMENA!

Musika saioa. Ikus-entzule gazteenekin komunitatea osatuz, gazteek eurek eskatutako bideoklipak aurkezten ditu saioak. Ikus-entzuleak ere har dezake parte, sare sozialen bidez gustuko musika eskatuz. Gainera, denboraldi berrian, musikariek elkarrizketak.

- Egubakoitza
- 21:00 eta 23:00
- Aurkezlea: Amaia Txintxurreta



EUSKARALDIA

Euskaraldia ekimena aitzakia hartuta, Gipuzkoako herrietako hamaikakoetako hainbat protagonista aurkeztuko dituzte Julen Iriondok eta Izaro Insaustik. Saio hau Gipuzkoako euskarazko toki telebistek elkarlanean ekoiztutakoa da: Goierrri telebistak, Erlo telebistak, 28. kanalak eta Goiena telebistak. Gipuzkoako eskualde guztietako herritarrek agertuko dira saio honetan.

Eskualdez eskualde, *ahobizi*-ak eta *belarriprest*-ak ezagutzera emango dituzte astero. Eta saiatuko dira adierazten zer den Euskaraldia eta zer diren horren baitako bi pertsonaia edo rol nagusiak. Era berean, *ahobizi* edo *belarriprest* izateko aukeratuak izan direnen eta izena eman dutenen esperientziak jasoko dituzte; betiere, umoreari uko egin barik.

Ekimen berritzailea da Euskaraldia, gizarte eragileetatik eta erakundeetatik bultzatutakoa. Ohitura eta jokabide aldaketan lagundu nahi du euskararen erabilerari dagokionez. Euskaraz adierazteko gai den oro euskara ulertzeko kapaz den guztiari euskaraz zuzen dakion lortu nahi du, eta euskaraz ulertzeko kapaz den oro animatu jendeak euskaraz egin diezaion eskatzeko.

Horretarako, garrantzitsua da ohiturak aldatzea, kontzientzia hartzea, lotsak gainditzea, aurreiritziak albo batera uztea, ahaleginean ari denarekin ulerkor izatea, lehen hitza euskaraz egitea, elkarrizketa elebidunak aukera moduan kontenplatzea... Eta gai hauek guztiak jorratuko ditu Euskaraldiari buruzko saioak Gipuzkoako eskualde guztietako *ahobizi* eta *belarriprest*-ekin.


- Eguaztena
- 21:00 eta 23:00
- Aurkezleak: Julen Iriondo eta Izaro Insausti



BARRU

Kirol erreportaje saioa. Kirolari debagoiendarrak gertutik ezagutzeko aukera eskaintzen du Xabi Urzelai kazetariak. Surfari eskeinitako saioa ekoiztuko du; asko dira kirol hau maite duten debagoiendarrak. Zarautzen elkartua da horiekin.

- Eguena
- 21:30 eta 23:30



OSOKO BILKURAK

Arrasate, Bergara eta Oñatiko udalbatzen ohiko osoko bilkurak, oso-osorik. Hilean behin izan ohi dira herrietako ohiko osoko bilkurak. Eskualdeko herri nagusietakoak osorik grabatu eta emititzen dira Goienan.

- Eguna: Zapatua eta domeka
- Ordua: 19:00 eta 22:00
- Aurkezleak: Arrasate, Bergara eta Oñatiko berriemaileak



ELKARRIZKETTAP

Euskal Herriko pertsona ezagunei elkarrizketak. Astero bi saio estreinatuko dira: eguaztenetan gipuzkoarra izango da elkarrizketatua eta egubakoitzetan, bizkaitarra.

Sara Gandara, Jon Gomez, Maite Goñi, Amane Ibañez, Juan Kruz Lakasta, Leire Palacios, Miren Arregi, Xabi Paya eta Joni Ubeda dira elkarrizketagileak. Eta elkarrizketatuak, berriz, kultura, kirol eta gizarte alorretako euskal pertsonaia ezagunak. Horieta batzuk: Maialen Chourraut palista, Iker Galartza aktorea, Itziar Ituño aktorea, Eneko Atxa sukaldaria... Elkarrizketak Euskal Herriko toki zaindu eta esanguratsuetan eginak dira.

Elkarrizketek ordu erdi inguru iraungo dute eta elkarrizketatua bere ohiko zereginetik harago ezagutzeko aukera eskainiko dute. Grabaketak egiteko aukeraturako lekuak, bestalde, Euskal Herriko areto dotore eta esanguratsuak dira, hala nola Bilboko Euskalduna jauregia, Foru Liburutegia eta Rekalde aretoa; Donostiako Keler aretoa; eta Iruñeko Zentral aretoa.

Datorren eguaztenean, hilak 10, Iker Lauroba musikaria elkarrizketatuko du Maite Goñik. Egubakoitzean, berriz, Eider Merino txirrindulariarekin jardungo du solasean Amane Ibañezek.

- Eguaztena eta egubakoitza
- 21:30 eta 23:30

HARIRA

Harira saioak bi formatu eskainiko ditu denboraldi honetan. Batetik, elkarrizketa saioa Debagoieneko herri ordezkariekin. Gori-gori dauden kontuak, herritarrei zuzenean eragiten dietenak. Oraingo denboraldian berritasuna da alkateak ez ezik, zinegotziak ere elkarrizketatuko dituztela. Herri guztietakoak.

Bestetik, eztabaida edo mahai-inguru formatuan, hamabostean behin elkartuko ditu politikariak Goiatz Aranak gaurkotasunaz eztabaidatzeko. EAJ, EH Bildu, PSE-EE, Irabazi eta Ahal Duguko ordezkariak izango dira mahaiaren bueltan.

- Martitzena / Eguena
- 21:30 eta 23:30 / 21:00 eta 23:00
- Aurkezleak: Eneko Azkarate eta Goiatz Arana



JAIK

Debagoieneko jaiei eskainitako saioa. Datorren asteko eguenean, hilak 11, Oñatiko jaiei eta Maritxu Kajoiri eskainitakoa ikus ahal izango da.

- Eguena
- 21:00
- Aurkezlea: Aitor Agiriano.



ERREPORTAJEA

Debagoienean kokatutako erreportaje bereziak, sakon landuta. Gertuko gaiak hainbat protagonistaren ahotik. Denboraldi berrian, honako hauen gainekoak ikus ahaliko dira:

Elgetako frontea, Larraitz Zeberioek egina. Erreportajea, gerra bizi izandako gizon-emakumeen testigantzak jasotzen dira. Elgeta inguruko familia askok etxe atarian izan zuten frontea zazpi hilabetez eta hara eta hona ihes egin behar izan zuten 1936ko udazkenean. Bueltan, suntsitutako herria eta apurtutako etxeak aurkitu zituzten. Egoera hura eta gerra ostean etorri zen errepresioa nola bizi izan zituzten kontatuko da *Gerra etxe atarian* izeneko dokumentalean.

Euskaltzaindiaren mendeurrena, Miren Arregiren eskutik. 2018tik 2019ra bitartean betetzen da euskarazko akademiaren mendeurrena eta, era berean, 50 urte, euskara batuaren oinarriak finkatu zituen 1968ko Arantzazuko Biltzar hartatik. Euskaltzaindiak gure bailararekin eta, bereziki, Arantzazurekin duen loturatik abiatuta, erreportajea landuko da. Zer eman dio Euskaltzaindiak euskal gizarteari, sortu zenetik gaur arte? Zein izan da Arantzazuko Biltzarretik gaur egunera euskara batuak egin duen bidea? Zeintzuk etorkizuneko erronkak?...

Arrasateko Goi Eskola Politeknikoaren 75. urteurrena eta Bergarako Miguel Altuna Lanbide Heziketa Eskolaren 90. urteurrena, Julen Iriondorekin. Erreportajeak aztertuko ditu eskola bien iragana, oraina eta etorkizuna, Debagoiena eskualdearen izaera industrialaren testuinguruan eta hezkuntzaren eta enpresa arloaren arteko lotura estua eta harremanak ardatz hartuta.

- Eguena
- 21:00 eta 23:00

HUHEZINEMA

Huhezinema film laburren jaialdira aurkeztutako ekoizpenak erakutsiko dira saio honetan. Sortzaileak gertutik ezagutuko ditugu, eta dagokion film laburra ere eskainiko du saioak.

- Egubakoitza
- 21:30 eta 23:00
- Aurkezlea: Aitor Agiriano.



"Hitanoa 'label' markaz lotzen dute gazteek"

ONINTZA LEGORBURU IKERTZAILEA

Gizonezkoen eta emakumezkoen arteko hitanoaren erabilera aztertu du Onintza Legorburu antzuolarrak. 18-20 urte arteko gazteek hika balioan jartzen hasiak dira

Maidar Arregi ANTZUOLA

Onintza Legorburu ikertzaile antzuolarrak hitanoaren erabilera aztertu du Antzuolan. Tokaren –gizonezkoei egiten zaien hika-modua– eta nokaren –emakumei egiten zaiena– arteko ezberdintasunak aztertu ditu Unibertsitateko master bukaerako lanean. **Behaketaren eta elkarrizketaren metodologia erabilia egin duzu hitanoaren azterketa.**

Bai; metodologia kualitatiborako bi teknika erabili ditut: batetik, herriko tabernetan eta kalean egin ditut behaketak; bestetik, 12 elkarrizketa sakon egin ditut. **Genero ikuspegitik aztertu duzu. Ondorioetako bat da gizonezkoen artean hitz egiten dela nagusiki.**

Nire adineko mutilek toka hitz egiten zutela ohartu nintzen. Eta nik etxetik jaso arren eta ezagutza osoa izan arren, ez nuela erabiltzen konturatu nintzen. Eta bai, ikusi dut generoaren rola pisu nabarmena izan dela emakumeak hitanotik aldentzeko eta toka mantentzeko.

Tesian diozu sozializatzeko modu ezberdinen ondorioa dela.

Emakumeak eremu pribatuan, etxean egon gara historikoki. Gizonezkoen toka kalean mantendu egin da, ordea. Hiru eremutan, nagusiki: lantokietan, tabernetan eta eskolan. Eskola ez ezik, beste bi esparruak gizonezkoen guneak izan dira historikoki.

Zein adin tartetan erabiltzen da?

Egun, 18-20 urterekin gertatzen da hitanorako mudantza gizonezkoetan. 50-55 urtera arte, toka da nagusi. 55-60 urtetik gora, toka eta noka bizirik mantentzen dira, ordea. Emakumeek noka gainera, gehiago erabiltzen dute adin tarte horretan.

Debagoien mailan joera berbera mantentzen da?

Elkarrizketatuetako bat Juan Martin Elexpuru da, Uberakoa. Berak bailarako hitanoaren erradiografia orokor bat egin du eta dio Antzuola eta Oñati



Onintza Legorburu, Goiena telebistako platoon. MAIDER ARREGI

"HITANOA –NOKA– FEMINISMOTIK SUSPERTU DAITEKEELA ERE ONDORIOZTATU DUT"

toka bizen mantentzen diren herriak direla.

Belaunaldien arteko transmisioa nola egiten da?

Sasoi batean, etxetik jasotzen zen hitanoa. Egungo errealitatea, ordea, aldatu egin da. Mutilen artean toka hitz egiten da kalean eta berdinen artean. Hitanorako saltoak bizitzan gertatzen diren beste aldaketa batzuekin dauka zerikusia.

Identitatearen eraketarekin du zerikusia?

Bai. Izan ere, Antzuolan giro jakin batzuetan prestigioa duen hizkuntza toka da. Eta identitate maskulinoarekin lotuta dagoela ikusi dut.

Kalitateari dagokionez, ondo, zuzen hitz egiten da hitanoa?

Ez. Herri askotan gertatzen den hiper-hiketa dago. Hau da, hiketa behar ez den lekuan erabiltzen da. Aditzak ez dira zuzen

erabiltzen, alegia. Eta erabili egiten da, baina ez da zuzena hikaren erabilera.

Hitanoaren erabilera arauak ere hautsi egin dira?

Arau apurketak ere jaso ditut, bai. Batez ere, lan munduan. Lantegietan zaharragoi hika egiten zaiela ikusi dut. Baita etxean gurasoei ere.

Emakumeen artean, badirudi susperraldia bizi duela nokak.

Bi neskak hitanorako eman duten jauzia aztertu dut. Lotsak gaingitu eta gizontasuna dagoen esparruan sartu dira. Ondorioz-tatu dudana da hitanoa feminis-motik suspertu daitekeela. Ahal-duntzearekin harremana ere badaukala uste dut.

Askorentzat, marka pertsonala da?

Nortasunarekin, *labeltasunarekin*, lotu dute gazteek: autentikotasunarekin. Balio erantsizat dute askok hitanoaren erabilera. Euskararen ohorezko matrikula gisa ere definitu izan dit bakarren batek.

Hitanoa berreskuratzeko ekimenik sustatuko duzue?

Oraingoz, ez dago ezer zehaztuta, baina nik neuk nokaren berreskurapenerako lan egitea badaukat buruan.



Kortabarria, Antzuolan jokatu zen Lehendakari lasterketako podiumean. A.K.

Onenen artean amaitu du Aritz Kortabarriak denboraldia

Eulen taldearekin laugarren denboraldia egingo du eta "aurrean jarraitzeko lanean" segituko duela dio

Maidar Arregi ANTZUOLA

Amaitu da errepideko txirrindulariendako denboraldia. Eta Aritz Kortabarria antzuolar gazteak ez du edonolako denboraldia egin. Onenen artean, podiumera igo da. Euskaldun Torneoan hirugarren postua eskuratu du. "Denboraldi hasieran taldearendako lan egin dut; erditik aurrera, postu ona egiteko aukera nuela ikusi nuen eta pozik nago. Azkenean, hirugarren postua lortu dut Euskaldun Torneoan. Lehendakari proban ere sekulako maila egon da", kontatu du. Azpimarratu behar da

lehen euskal ziklista izan dela elite mailako txirrindularien proban. Lehen postua Marti Marquez katalanak eskuratu du eta bigarrena, Albert Muelak –Kortabarriaren taldekidea–.

Eulen taldean laugarrenez

Bi astez atsedenaldira hartuko du Kortabarriak: "Azaro erdian hasiko ditut berriro entrenamenduak eta Eulen taldearekin jarraituko dut denboraldi berrian ere, laugarrenez. Aurrean jarraitzeko gogoz nago eta ea beste urrats bat egiteko aukera daukadan".

GORA ETA BEHERA



GOIENA

Hondakinen kudeaketa egokia

Antzuolako autobioiako eta Abiadura Handiko Treneko obretan lanean ari diren langileek hondakinak gaika sailkatzeko eta kudeatzeko ardura dutela txalotu gura izan du herritar batek.

"Informaziorik eza" Zubietako obran

Zubietako zubi zaharra birgaitzeko lanen aurrean haserre agertu dira bizilagun batzuk; diotenez, informaziorik ez zutelako eta lau hilez oinezkoendako itxita egongo delako; Udala aztertzen ari da, besteak beste, Bolurako zirkulazioa lbargarai edota Artekaletik bideratzea

Jokin Bereziartua BERGARA

Zubieta kaleko zubiko obra zeresana ematen ari da azken egunotan. Bizilagun batzuek, obraren hasierarekin haserre, obra geldiarazi eta alkatearekin bilera urgente bat eskatu zuten. Eguenean bertan protesta egin zuten zubi ondoan eta astelehenean, urriak 1, aldarrikapena San Martin plazara eraman zuten; *Bide alternatibo bat behar dugu ya! Zubia gure bidea* leloa zuen pankarta baten atzean jarri ziren. Udalaren partetik "behar den moduan" informatu ez izana salatzen dute.

Lete: "Proiektua ezaguna zen"

Elena Lete alkatea birritan elkartu da bizilagunekin. "Exekuzioaren aurretik gorabeherak izan dira; akaso, horren inguruan gehiago informatu genezakeen, baina proiektuaren gaineko ezagutza bazegoen. Esan genuen zubia berreskuratzeko eta argiteria, irisgarritasuna eta segurtasuna hobetzeko zela". Udalaren arabera, Zubietarako proiektua idatzita dago eta lanak faseka egingo dira: "Zubiarekin hasi behar da, lehentasuneko da".

Bestalde, bizilagunek eskatzen duten oinezkoendako pasabide horren inguruan, Letek dio Ura agentziak ez duela pasabide hori egitea ahalbidetzen: "Uholde arriskua dela-eta Ura agentziak dio bertan ezin dela egiturarik jarri, eta, beraz, eskari horrek ez dauka ibilbiderik". Afekzioei dagokienez, alkateak pazientzia eskatu du eta gaineratu du eragozpen batzuk eragitea saihes-tezina dela: "Irala kalean obra egin zenean, terrazak, komertzioak eta etxebizitzak zeuden eta denek jasan zituzten zailtasun eta oztopo batzuk. Orduan ulertu genuen obrarekin egoera asko hobetzen zela; bada, obra honekin gauza bera gertatuko da".



Zubietako zubi zaharra birgaitzeko lanak martxan, eguaztenean. SOFIA GIMBERT

EH Bildu: "Ez da ondo informatu"

EH Bilduk begi onez ikusten du zubia birgaitzeko proiektua: "Zubiaren irisgarritasuna hobetu eta zubiaren izaera historikoa indartzeko balioko du eta auzoarentzat ona izango da. Kontrara, auzotarrak ez dituzte ondo informatu. Ez zaie azaldu zergatik parte hartze prozesu batetik atera ziren beharrei lehentasuna eman beharrean, zubiaren eraberritzea lehenesten den; gainera, obrek iraun artean izango duen afekzioari ez zaio irtenbiderik eskaini".

ELENA LETE: "UHOLDE ARRISKUAGATIK URA AGENTZIAK DIO ZUBI HORRETAN EZIN DELA EGITURARIK EGOKITU"

Atzerapen nabaria izan duen obra

Zubiko lanek atzerapen nabaria izan dute. Enpresa adjudikatua lan karga handia zuelako eta ezin lanak hasi zebilela, azkenean, kontratua eten zuten; lanak udaberriaren hasiera aurreratu zuten. Kontratu etetearen ondorioz, berriro egin zen esleipen-deialdia, eta Goitu Eraikuntzak enpresa ari da lanok gauzatzen. Lanek 313.864 euroko aurrekontua dute—BEZA barne— eta lau hilabeteko iraupena izatea onartu zen adjudikazio-pleguetan.

Aurrekontuaren %73 diru laguntzetatik etorriko da, eta, horregatik —eta orain bertan uraren maila baxua dela ere aprobeztatuta—, Udalak lehentasuna eman dio zubiaren obra ahalik eta lasterren gauzatzeari.

"Haserre gaude, ez gaituztelako behar den moduan informatu"

SOFIA GIMBERT ZUBIETAKO BIZILAGUNEN BOZERAMAILEA

Zubiaren gainean bizi den Sofia Gimbertek modu inprobisatuan hartu ditu eleduen lanak: "Bide alternatibo bat eskatzen dugu". **Zergatik zaudete haserre? Zer eskatzen duzue?**

Haserre gaude, ez gaituztelako behar den moduan informatu. Gehienok ez genekien obra noiz hasiko zen, proiektua ez genuen ezagutzen. Are gehiago, udaletxeko bileretan egon ziren bizilagunek ez zekiten zubia itxita egongo zela obrek iraun artean. Oinezkoendako bide alternatibo bat behar dugu eguneroko bizitzarekin jarrai dezagun, eta hori eskatzen dugu. Bere garaian, osoko bilkuretan-eta udaletxeari eskatu izan diogu hainbat alditan auzoko espaloiak zabaldu eta, oro har, egoera hobetu dezala; gaur egun, gupil aukiekin edo ume-kotxeekin ibiltzea ia



J.B.

ezezkoa da. Zubiko lanekin hasi dira, premia handiago batzuei heldu beharrean.

Zein erantzun jaso duzue alkatearen partetik?

Birritan elkartu gara eta esan digu oinezkoendako pasabide hori jartzea ezinezkoa dela, Ura agentziak ez duela uzten. Deitu dugu Urara; esan digute aurrez abisatuko balitz, akaso, salbuespeneko interbentzio bat egin ahalko litzatekeela oinez beste aldera pasatu ahal izateko.



Zubieta kaleko bizilagun batzuen protesta plazan, astelehenean. J. BEREZIARTUA

Protesta udaletxe aurrean ere bai

Irailaren 27rako, bizilagunek obra geldiarazi eta protesta deitu zuten zubian. Urriaren 1ean, alkatearekin batzartu ostean ere, San Martin plazara eroan zuten protesta. Bide alternatibo bat eskatzen dute, "euren egunerokoarekin jarraitu ahal izateko". Bizilagunen arabera, obrak hasi direnetik "hainbat intzidentzia" izan dira eta "neurriak hartzea" eskatzen dute. Udalak "jarraipen zehatza" egingo dio obrari eta behar handiena duten bizilagunei herri-bus eta taxi-bus zerbitzuak erabiltzea erraztuko die. Obrak baimentzen ez duen bitartean, zubitik ezingo da oinezkorik igaro eta, espalo berria egin arte eta obraren arabera, noranzko bakarra jarriko da paso alternatiboarekin; edo bi noranzkoak erabili ahalko dira. Bolura igotzeko lbargarai edota behar balitz Artekaletik erabiltzea berraztertuko da. Amaitzeko, bost aparkaleku kentzea "ezinbestekoa" izango da obraren garapenerako.

Erakusleihoaren kontra autoa jo osteko lapurreta

Eguazten goizaldean, auto batekin Ibargarai kaleko denda baten erakusleiho bat apurtu eta goi gamako hainbat mugikor eta kutxa gotorra eraman zituzten lapurrek; merkatarien artean kezka eta beldurra piztu ditu gertaerak eta Ertzaintza gertatutakoa aztertzen ari da

Jokin Bereziartua BERGARA

Ezustearekin hasi zuten eguaztena Ibargarai kalean dagoen Movistar saltokian: erakusleihoko dendaren kristala hautsita eta barruan produktuak falta zitzaizkiela. Lapurreta egin zieten, baina ez edozein modutara: auto bat erabili zuten kristala hausteko eta barrura sartzeko. Goizaldeko seiak aldera bertaratu ziren udaltzainak eta ertzainak. "Egundokoa muntatu da, jende asko hurbildu da zer gertatu den jakitera", adierazi zuen lekuko batek.

Goi gamako mugikorrek eta kutxa gotorra eroan zituzten. Dena den, denda zabalik zegoen goizerako. Saltokiko arduradunaren esanetan, iaz ere izan zuten lapurreta bat, baina ez oraingo sistema bera erabilita.

Ez da bailarako lehena izan

Gure bailaran ez da bat ere ohikoa lapurrek modu horretan jokatzeko. Hala ere, ez da lehen aldia gertatu dena; 2002ko urtarilean, Arrasateko Elkorro elektronikak dendan –orduan Seber Altube plazan zegoen– lapurrek auto bat erakusleihoaren kontra jo eta orduko hainbat bideokamera –merkeena 140.000 pezetako– eta bideo-kontsola bat eroan zituzten lapurrek.



Ertzainak Ibargarai kalean, lapurreta gertatu zen dendaren atarian. ANDONI GOITI

Merkatariak, kezkatuta

Herritarren artean denetarik ere erreakzioak izan zituen gertaerak. "Orain arte beste leku batzuetan entzun izan ditugun gauzak, orain, poliki-poliki gurean ere hasi dira gertatzen", zioen herritar batek. Beste herritar bati ez dio kezka berezirik eragiten: "Lehen aldia izan da halakorik Bergaran gertatu dena, eta, beraz, ez gaitzen behar baino gehiago larritu...". Hori bai, Ibargarai hainbat merkatariak kezka adierazi zuten gertatutakoaren aurrean. "Bel-

durra ematen du, hemen hala-koak bizitzera ez gaude ohituta. Alarma badaukat, baina ez dakit pertsiana bat-edo jarriko dudana", zioen arropa denda bateko ugazabak. Bedelkarreko presidente Maitane Azkarate ere bat zetorren: "Halakoak hiriburu-tako albisteetan entzuten dira eta hemen gertatu izana deigarria da. Badirudi ez dutela inongo oztoporik gura dutena eramateko".

Ertzaintzak jakinarazi duenez, ikerketa zabalik dago eta gertatutakoa aztertzen dabilta.



NIRE USTEZ

MARIJE UGALDE

'Billy Elliot' oraindik ere?

Billy Elliot pelikula izugarri gustatu zitzaidan; 1985ean Ingalaterran kokatzen da eta mutiko batek dantza ikasteko dituen zailtasunak ezin hobeto adierazten ditu. Istorioren garaitik 33 urte pasa dira, eta Ingalaterran ez dakit, baina gure herrialdean horrelako arazoek gaur egun jarraitzen dute. Eskolan, nesken egoerak aurrerapauso anitzak eman ditu. Tamalez, mutikoen artean gauzak ez dira horrenbeste aldatu. Kirola egiten ez dutenak seinalatuta daude. Antzerkia, dantza, musika... gustuko dutenak mutil kuadrillatik baztertuak izaten dira. Askotan, onartuak izateko, saiatzeko dira besteekin batera kirolean, baina, gehienetan, saiakerek frustrazioa sorrarazten diete. Beste askotan, mutikoen benetako zaletasunak ezkutatuak dituzte onarpena bilatzeko. Hori dela eta, mutiko batzuentzat, haurtzarora sufrimenduz bizitako etapa bihurtzen da. Zorionez, gehienetan, familien laguntasun eta babesari esker etapa hori gainditzen dute eta indartuta irten, nortasun berezia izaten baitute heldutasunean. Tamalez, beste batzuetan, laguntza ez da nahiko izaten; frustrazioa luzarorako izan daiteke. Berdintasunaren aldarrikapenaren garaian, gai honek ere arreta merezi du.

Espoloko jaietako auzo bazkarirako txartelak, Ogiberrin eta Hamaikan

Gaur eta bihar jaiak ospatuko dituzte Espolokian. Gaur, frontenis eta tenis txapelketak (17:30); pintxo lehiaketa –izena eman behar da Ogiberrin eta Hamaika tabernan–; Kopla Barik bertso eskolako saioa (21:15); eta mus txapelketa –21:30ean izen-ematea, eta hamar euro bikoteko– izango dituzte. Bihar, zapatua, Espolotxoren jaietsiera (12:00); haur jolasak (12:15); Arragoa taldearen kontzertua (13:30); auzo bazkaria –txartelak Ogiberrin eta Hamaika tabernan daude salgai– (15:00); helduendako jolasak (16:30); Mugi Panderoa taldearen kontzertua (18:30); triki-poteoa (20:30) eta Amaia Arriaranen partetik dantza egiteko aukera egongo da.

EUSKARALDIA.

Kike Amonarrizek hitzaldia egingo du hilaren 10ean, Irizarren

Datorren eguaztenean, urriak 10, Kike Amonarrizek hitzaldia egingo du Irizar jauregian (19:00). Euskaraldiaren 11 egun euskaraz ekimenaren baitan eskainiko du hitzaldia eta bertan, bergararrak aktibatzen 365 arrazoi emango ditu: "Ez galdu aukera eta gerturatu hitzaldi interesgarri hau entzuter!", dio Euskaraldiaren herriko batzordeak.

Bestalde, gogorarazi dute Barenkalea 10ean lokala zabalik dutela eta honako hau dela ordutegia: astelehenean egubakoitzera, 17:30etik 19:30era; eta zapatuetan, 11:30etik 13:30era (bergaraeuskaraldia@gmail.com)

disdira

ile-apaindegia
edertze gela

Masterreka 7
BERGARA
Tel.: 943 76 00 55

BERGARA
MARMOLERIA
PEDRO SALEGI OSA

Sukalde eta bainu enzimarak

Urarte 8 BERGARA
Tel.: 943 76 11 99 / 14 47
Faxa: 943 76 04 77

Sugoi

ERLOJUAK,
ARTIKULU
ELEKTRONIKOAK,
KALKULAGAILUAK...

Fraiskozi plaza 8.
943 76 59 54 BERGARA

UGARTE
AROEZTEGIA - ALTZARIK


ALTZARI DENDA
Ikerleku zeharbidea
Tel.: 943 034630

AROEZTEGIA
San Juan 1a
Tel.: 943 765491

BERGARA
aroztegia@ugartearoztegia.com

Proiektuak - Koltxoiak
Horma-armairuak
Altzariek neurria
Ateak - Eskailerrak -
Leihoak - Tarimak -
Egur lanak

21
K
KALITATA
Enpresa Registrada Nº00205



Laukizuzen itxurakoa eta solairu bakarrean, 86 aparkaleku berri aurreikusten ditu oinarritzko proiektuak. BEB ARKITEKTOAK

Errotazio bidezko 86 leku berri seminario azpirako

2.285 metro koadroko solairu bakarrean, aparkaleku bakoitzak 14 metro koadro izatea aurreikusten du oinarritzko proiektuak eta autoendako sarrera-irteera Ibargaraitik egongo da; lizitazio-prozesua espero moduan joanda, obrak 2019ko udaberrian hasiko dira

Jokin Bereziartua BERGARA

Laukizuzen itxurakoa, solairu bakarrean eta errotazio bidez funtzionatuko duten 86 aparkaleku berrirekin –horietatik hiru mugikortasun mugak dituztenentzat eta beste lau ibilgailu elektrikoentzat–. Halakoxea izango da seminario azpian erakiko den parking berria. Sarrera eta irteera Ibargarai kaletik izango du, zehazki, Justo Garate plazaren azpian dagoen aparkalekuko sarrerari paralelo, eta bi sarrera-irteerak errazteko biribilgune erdi bat egitea proposatzen du Udalak.

Oinezkoendako bi sarrera aurreikusten dira, bakoitza mutur batean kokatuta: bata Ibargarai kaletik eta bestea, eskailerez gain igogailua izatea aurreikusten dena, Herri Lagunak kalera ematen duen plazatzotik.

"Estrategikoa" herriarentzat

Eguaztenean aurkeztu zuten, seminarioko patioan bertan, BEB Arkitektoak estudiokoek

idatzi duten proiektua; Udalak proiektuaren idazketa. "Udalaren 34.425 eurotan adjudikatu zion ustez, estrategikoa da Bergara-



Oinarritzko dokumentua seminarioko patioan aurkeztu zuten. TXOMIN MADINA

Oinarritzko proiektua, ekarpenen zain

Oinarritzko proiektua eginda dago, eta orain, Udalak herritarren ekarpenekin osatu gura du. Elena Lete alkatearen arabera, mahai sektorialak egitea da asmoa: "Oso inportanteak dira ekarpenak, eta abiapuntu edo oinarri sendo batetik abiatu gura genuen".

rentzat erdigunean aparkatzeko aukerak erraztea, bai herritarrontzat zein arrazoi desberdinentzat; beste ate bat zabalik izatea bermatzen du honek. Bergarak hazkundea izaten jarraitzea errazteko eta herriko jarduera indartzeko beste pauso garrantzitsu bat da lur azpiko aparkalekua errealtate bihurtzea", esan zuen Elena Lete alkateak.

"Neurri eskuzabalez" diseinatu

Behin proiektua idatzita, lizitazio faseari ekingo zaio udazkenean. Udalak azkenaldian enpresa eraikitzaileak aurkitzeko arazoak izan baditu ere, espero dute 2019ko otsailerako jakingo dela zein enpresak egingo duen.

2.285 metro koadro izango dituen solairu bakarreko aparkaleku "erosoa" izango da. "Neurri eskuzabalekin diseinatu da, barruko ikusgarritasuna eta maniobrak errazteko". Plaza bakoitzak ia 14 metro koadro izango ditu, bost metro eta 30 zentimetro luzerarekin, bi metro eta 60 zentimetroko zabalarekin eta, gutxienez, bi metro eta 60 zentimetroko altuerarekin.

Exekuzioa, "ahalik eta laburren"

Herri erdi-erdian izanik, obrak eragozpenak eragingo dizkie oinezkoen zein autoen. "Saihestezina izango da gure eguneroko bizitzarako oztupo bat izatea; hala ere, exekuzio-epea ahalik eta gehien laburtzeko, arkitektoek erabaki dute egitura aurrefabrikatua izatea. Diotenez, nabarmen murriztuko da obraren iraupena", aurreratu du alkateak.

Horma botatzea aurreikusten da

Seminarioko patioa urbanizazioari dagokionez, eremu horren eta Ibargarai kalearen arteko horma ezabatu egingo da, eta, ondorioz, Ibargarai kaleko espaloi zabalagoak lotura zuzena izango du seminarioko patioarekin. Hala ere, ume askok erabiltzen duten gunea izanik eta ondoan errepidea dagoela jakinda, segurtasuna bermatzeko hainbat aukera ari da aztertzen Udala.

1.120.000 euroko mailegua

2018ko udal aurrekontuan 1.400.000 euroko partida bideratu zuen Udal Gobernuak proiektu horretarako; horietatik 1.120.000 euro, 15 urtean amortizatzeko mailegu bidez lortuta.

Doako lau tailer interesgarri Jabekuntza Eskolari esker

Urritik abendura arteko egitarau zabala antolatu dute, eta matrikulazioa zabalik dago dagoeneko

J.B. BERGARA

Udaleko Berdintasun Sailak atzo aurkeztu zuen herriko emakumei begira antolatutako Jabekuntza Eskolaren urritik abendura arteko egitaraua. Doako lau ikastaro interesgarri antolatu dituzte, emakumeen parte-hartze soziala eta politikoa sustatzea helburu. "Banakako nahiz taldekako jabekuntza bilatzen dugu, hau da, autokontzientzia hartzea, autoestimua lantzea, gure gaitasun propioak ezagutzea eta emakumeoi dagokigun espazioa berreskuratzea".

Honako hauek izango dira ikastaroak: teoria feministak –urriaren 30etik abenduaren 11ra bitartean, zazpi saio–, sabel dantza –azaroaren 7tik abenduaren 19ra, zazpi saio–, autodefentsa feminista –hiru saio, azaroaren 10ean, 17an eta 24an– eta, azkenik, *clown*-a eta ahalduntzea –lau saio, azaroaren 9an, 16an, 23an eta abenduaren 13an–. Ikastaro guztiak doakoak izango dira eta matrikulatzeko epea irekiko da ikastaro bakoitza hasi baino bost egun lehenago. Izena emateko, udaletxeko Berdintasun Sailera jo daiteke; telefonoz (943 77 91 65) eta posta elektronikoz (berdintasun@bergara.eus) eman daiteke izena.

Bergarako Wikipedia osatzeko beste saio bat urriaren 9an

Euskarazko eta Bergarako Wikipedia osatzeko eta sendotzeko asmoz beste hiru saio antolatu dituzte Udalak eta Jardunek. Hurrengo saioa, lehenengo saio praktikoa, urriaren 9an 18:30ean izango da Miguel Altuna Institutuko informatika gelan. Gaierekin interesa dutenei, lehen aurkezpenean parte hartu edo ez, egin diete gonbidapena.



San Martin plaza agertoki eder bilakatu zen, eta udaletxeko proiektioek are ikusgarriago egin zuten kontzertua. ARGAZKIAK: IMANOL SORIANO

Ikusi, entzun eta sentitu, 750 urteak gogoratzeko

Mila herritar inguru elkartu ziren agertoki eder baten itxura hartu zuen San Martin plazan, 750. urteurrena gogora ekartzeko 350 protagonistak eskainitako kontzertuan; musika eta dantza izan ziren ikuskizuneko zutabe nagusiak, askotariko proiektioekin

Jokin Bereziartua BERGARA

Ikuskizunean zehar izan ziren txalo zaparradek eta, bereziki, amaieran izan zirenek argi utzi zuten 750. urteurrenako kontzertuak arrastoa utzi duela hainbat bergararrengan –azken piezarako, *Bergarako ereserkia*, zutik jarri zen plaza–. Kontzertua ezin hobeto irten zen, testuinguru ezin ederragoan: "Proiektuan aurreikusitako guztia primeran irten da, oso pozik gaude. Hauxe da herrian izan dezakegun aretorik onena, hauxe da gure altxorra: udaletxea, seminarioa, San Pedro dorrea... Horrelako ikuskizun

bat hemen egin ahal izatea benetan ederra da", adierazi zuen ikuskizunaren amaieran, poztarren, eszena zuzendari Valen Moñuxek.

Arlo musikaren zuzendari Alfredo Gonzalez Chirlaque bera ere pozik zegoen: "Aniztasuna nabarmenduko nuke nik. Arlo artistikoari erreparatuta, denetarik egon da. Bergarako aniztasun artistikoa ikusi ahal izan da". Elena Lete alkatea, berriz, hunkituta zegoen emanaldiaren amaieran: "Benetan polita izan da. Jende askok hartu du parte eta jende asko egon da ikusten; antolakuntza

aldetik ere ondo irten da dena. Zoragarria izan da".

Musika, dantza eta proiektioak

Hain zuzen ere, musika eta dantza izan ziren kontzertuaren zutabe nagusiak. Musika Banda eta Orkestra Sinfonikoa gidari, doinu herrikoien eta klasikoaren topagune bihurtu zen San Martin plaza. Udaletxearen fatxadako horma sendoak, oster, herriko historiaren pasarte nabarmenak erakutsi zituen, askotariko proiektioen bidez. Amaieran, suziriak ez ziran falta izan, ezta San Pedro elizako kanpai hotsak ere. Bi ordu inguru iraun



Vivanco eta Alberdi, maitasun-dantza.



Ikurrin dantzarik ez zen falta izan.

zuen emanaldian hainbat une eder bizi izan ziren eta horien artean aipatzekoak dira, besteak beste, Telmo Aierbe triplearen ahots samurra eta Saioa Alberdiren eta Manex Alberdiren arteko maitasun-dantza berezia. Biak ala biak izan ziren une zirraragarriak.

San Martin plazan egon ziren mila herritarrek txalo artean agurtu zituzten ikuskizuneko 350 protagonistak. San Pedro egunean ez zen posible izan eta San Migel bezperan egin behar izan zen.

OHARRAK

Txapa irratirako deia

Denboraldi berrian irratsaio bat egin nahi dutenei dei egin diete; gaur gaztetxean elkartuko dira, 20:00etan.

Beart: arte ikastaroak

Ume eta gaztetxoendako arte ikastaroak antolatu dituzte urritik ekainera. Jokin Oregi –astelehenetan– eta Mayra Jimenez –eguztenetan– izango dira irakasleak. Bigarren umea erdi prezioan egingo dute; izena emateko: beart.elkartea@gmail.com.

Kobranta iragarkiak

Kioskoen, OHZren (IBI) eta taxi tasen; zabor, estolderiaren eta uraren tasen; eta jarduera ekonomikoen gaineko zergaren agiriendako epeak zabalik daude. Argibide gehiagorako, Udalera jo: www.bergara.eus.

San Joxepe: irteera

Urriaren 18an Pasaiara egingo duten irteeran ordu aldaketa egon da: 08:30ean irtengo dira autobus geltokitik.

Nazioarteko Organo Erromantikoaren XIX. zikloa Santa Marinan

Organo Erromantikoaren zikloaren 19. aldiaren barruan kontzertua izango da bihar Santa Marina elizan (19:00), doan. Stanislav Surin organo-jotzailea izango da biharko protagonista, Helmut Hauskellerrekin batera. Urriaren 20an izango da ziklo barruko Bergarako kontzertua; Loreto Aramendi organo-jotzailea izango da protagonista orduan.



7 urteko **garantia**
auto berri guztietan

Debagoieneko kontzesionario ofiziala
Arrasate • San Andres Auzoa 6
943 79 07 44/54 • 670 82 71 86
www.mugarri.eus

"Etorkizuneko erronkak ez dira ondo markatu"

MIKEL LARREA GU GEU ELGETA PLATAFORMA

Agintaldia lasai joan dela eta ez dela eztabaida handirik egon uste du oposizioko bozeramaileak. Plataformak hil amaieran egingo du jarraipenari begirako batzarra

Eneko Azkarate / L.Z. ELGETA

Gu Geu Elgeta plataformako Mikel Larrea *Harira* saioan izan da. Elkarrizketa osorik dago ikusgai *Goiena.eus* atarian.

Nola baloratzen duzue Udal Gobernuaren kudeaketa?

Gauzak ez dira gaizki egin. Egoera ekonomiko larria izanda ere, aurrekontuak bete egin dira, baina uste dugu badaudela aurrekontutik kanpoko egitasmoak ere. Hor eskas ikusi dugu Udal Gobernuan.

Zeintzuk dira egitasmo horiek?

Elgetak agintaldi hasieran zituen arazo berberak ditu gaur egun, oraindik ere. Etorkizuneko erronkak ez dira ondo markatu: herriaren eta industrialdearen sarbideak, herriak zer-nolako garapena izan behar duen... Debatea sortu eta pausoak eman beharko lirake beste erakundeekin batera eta herritarrei galdetuta. Agintaldi hasieran egin zen saiakera bat parte hartze prozesu batekin, baina sakondu egin behar da talde sektorialeki galdetuta.

Laster izango dituzue mahai gainean 2019ko udal zergak eta udal aurrekontua.

Ez dugu aldaketa handirik espero. Ez dago inbertsio handirik egiteko aukerarik eta, azken finean, mantenuarako aurrekontu bat izatea espero dugu.

Jarraitzen duzue etxebizitza hutsei aplikatzen zaien gainordainketa-ekin ados ez egoten?

Bazuen bere helburua, baina ez da zeharo betetzen eta isun moduan ikusten dugu. Ez dugu beharrezko ikusten hutsik dauden etxebizitzak alokairura edo salmentara ateratzea. Merkatua aztertu eta etxebizitza politika beste modu batera bideratu beharko litzateke, jendea zigortu gabe.

Martxan da saiakera berria Espaloian kultura ekintzak antolatuzko.

Aurrera egin behar da edozein aukerarekin, baina hainbeste



Gu Geu Elgetako Mikel Larrea, martitzenean, Goiena telebistan. JAGOBA DOMINGO

"ELGETAK AGINTALDI HASIERAN ZITUEN ARAZO BERBERAK DITU GAUR EGUN ORAINDIK ERE"

saiakeraren ondoren uste dugu hausnarketa egin behar dela, jakiteko esperimuntetan jarraitu behar dugun edo irtenbide iraunkorragoa aurkitu behar dugun.

Baduzue proposamenik?

Proiektu zehatzik ez dugu, baina ideiak bota ditugu. Espazio bat dugu hor eta aztertu behar da lehenagokora bueltatu nahi dugun edo azpiegitura hori elgetarren gauzetarako erabili nahi dugun.

Bergarako Agorrosin ekintza-gunean elgetarrei eta antzuolarrei aplikatzen zaizkizuen prezioak eztabaida iturri dira. Zein iritzi duzue?

Guztiz bat gatz Elgetako eta Antzuolako alkateek egin duten eskaerarekin. Instalazio horiek egiteko diru laguntzak erabakitzera, Diputazioak kontuan hartu zituen bai Elgetako eta bai Antzuolako biztanleak. Plan-

teamendu hori pikutara joan da. Bailara bat gara, baina bakoitzak bere etxera egiten du. Debagoiendar sentimendua da hemen galtzen dena.

Hurrengo hauteskundeei begira plataformaren formula berritzeko asmorik baduzue?

Gure asmoa da hil honen bukaeran hausnarketa egitea, eta uste dut ondorio batzuk aterako direla hortik. Plataformaren formula errepikatuko den edo ez orain jakitea zaila da. Jendeak esango du.

Zuk zeuk zer balorazio egiten duzu?

Ez dugu oposizio bortitzik egin. Oztoporik ipini gabe egiten laga dugu. Gure parte hartzea izan da batzordeetan ideiak eta ekarpenak egitea. Balorazio positiboa egiten dut. Gauzak oposiziotik ikustea ere ondo etortzen da.

Alkategai izango zara, orduan?

Nik ere nire hausnarketa pertsonala egin behar dut. Plataforman sartu nintzen orain dela lau urte, eta jarraitzeko baldintza bat edo beste aldatu beharko dira: proiektua, programa... Baldintza pila bat aztertu behar dira, eta, gaur-gaurkoz, ezin dut esan hemendik zazpi hilabetetara zer gertatuko den.

Lanean, Debagoieneko Eskola Publikoaren jairako

Urriaren 20an Eskoriatzan egitekoa den festan parte hartzeko dei egin du Maala guraso elkarteak

L.Z. ELGETA

Lehenengo aldiz egingo da Debagoieneko ikastetxe publikoen festa, eta egun osoko egitaraua gertatu dute Eskoriatzan hilaren 20rako. Elgetako Herri Eskolak eta Maala guraso elkarteak bat egin dute deialdiarekin, eta elgetarren parte hartzea errazteko antolaketa lanetan dihardute. Kamisetak aterako dituzte, autobusa antolatzeko aukera dago eta bazkarirako izen-emateak jasotzen ari dira. Interesatuek semearen edo alabaren gelako guraso ordezkariarekin jarri behar dute harremanetan.

Kamisetak laranjak

Herri bakoitzak bere kolorea izango du Debagoieneko Eskola Publikoaren jaietan. Elgetako Herri Eskolak kolore laranja aukeratu du eta kamisetak eskatzeko aukera izan da asteon.

Kamisetak iritsitakoan banatuko dituzte, eta orduan egin beharko da ordainketa. Guraso elkarteak jakinarazi du eskolako neska-mutikoei doan jasoko dutela.

Autobusa eta bazkaria

Bazkaria antolatu dute hilaren 20rako, Eskoriatzan. Paella dago menuan eta prezioa zortzi euro da. Komeni da aurrez izena ematea. "Eskaerarik balego, autobusa ipintzeko aukera ere mahai gainean dugu", esan du Elgetako guraso elkarteak. Egunotan emango dute horren inguruko informazioa. "Elgetarrak Debagoieneko Eskola Publikoaren jaietan parte hartzera animatzen ditugu. Ez da Eskoriatzako eskolaren jai. Debagoien osoko eskola publikoak elkartuko gara bertan, eta garrantzitsua da", esan dute.

Diputaziotik ele bitan jasotako hitzarmen batekin kexu Udala

Kiroldegiko aldagelak berritze-ko Gipuzkoako Foru Aldundiarekin sinatutako lankidetzak akordioa dela-eta kexu agertu da Elgetako Udala. Ohar bidez aditzera emandakoaren arabera, Diputaziotik bi hizkuntzatan idatzitako akordio-zirriborroa bidali zuten eta Udalak neurriak hartu zituen prozedura euskara hutsean egin ahal izateko. Hala,

euskara hutsezko bertsioa bidali zuten sinatuta Udalak. Bi hilabetera iritsi da Elgetara Denis Itsaso diputatuak sinatutako hitzarmena, bi hizkuntzatan. "Uste dugu Elgetako Udalak eskubidea duela bere hizkuntza politika zehazteko. Orain artean Gipuzkoako Foru Aldundiarekin izandako harremanetan ez dugu izan inolako arazorik euskaraz jarduteko, ez eta momentu honetan beste departamentu batzuekin ere", jakinarazi dio Udalak Aldundiari idatzi bidez.

OHARRAK

Podologoa

Urriko kontsulta hilaren 18an izango da. Txanda hartzeko, deitu: 943 76 80 77 (Nati).

Berbalagunak

Taldeak osatzeko izen-ematea zabalik da elgetanberbetan@gmail.com helbidean.

Mendi irteera

Kantsatzekek urriaren 21ean egingo du hurrengo irteera.

Egoarbitzako udal lursailaren erabilera esleitzeko prozedura

Udalak esleipen prozedura publikoa zabaldu du eta interesatuek abenduaren 14ra arte dute udaletxean izena emateko. Onuradunak lur eremua animaliak bazkatzeko erabili ahal izango du 2019ko urtarriletik 2020ko abendura bitartean. Udalari ordaindu beharreko gutxieneko kanona, urteko, 90 eurokoa izango da.

EUSKARALDIA, GERTU!

52
EGUN FALTA
DIRA

"Euskara jakin gabe ere lan handia egin daiteke"

Euskaraldia batzordeak gonbidatuta, eguaztenean Elgetan izango da Xabier Paya. Gazteleraz egingo du hitzaldia; izan ere, bada euskara jakin gabe euskararen alde lan handia egin duen gizarte talde bat. Aitortza hori egiteko dagoela uste du Payak

Larraitz Zeberio ELGETA

Nagusiki, euskara ulertzen ez dutenendako egingo du hitzaldia, 19:30ean, Xabier Payak. "Euskalduntzako ere aberasgarria izango da, hizkuntza aniztasunari buruz arituko garelako eta, gehiago edo gutxiago, baina guztiek ditugulako ez euskaldunak gure inguruan", zehaztu du.

Etxeko esperientziatik abiatuta egingo du gogoeta Payak. "Hiru payatar gaude gaur egun euskaraz dakigunak eta ekarpena egiten dugu gure ama ez euskaldunak —aitarekin adostuta, noski— erabaki zuelako guk euskaraz jakitea eta, gainera, bultzatu zuelako guran euskara hizkuntza praktikoa, errealia eta bizia izatea". Euskaraz jakin gabe ere asko egin daiteke euskararen alde eta erabaki horiek hartzea da gakoa, Payaren ustez. "Zergatik erabaki zuen gure amak guk euskaraz ikastea berak jakin gabe? Halakoetan, behetik gora dator hizkuntza, umeek eramaten dutelako euskara etxera. Kasu horietan zein berezitasun gertatzen dira? Hizkuntza nahasketa ona edo txarra da?". Aurreiritzien inguruan ere berba egingo du getxoztarrak, eta, horrekin batera, eleanizta-



Xabier Paya. XABIER PAYA

sun egoerek sortzen dituzten berezitasunei buruz. Saio parte-hartzailea egingo duela esan du, ariketa eta jolas ugariarekin, eta nork bere gogoeta egiteko aukera izango duela. "Eleaniztasunak baditu bere ezaugarriak eta euskal gizartea aldatzen ari da. Migratzaile kopurua handitzen doa eta argi izan behar dugu gure helburua euskarak zentraltasuna duen gizarte eleantza bada, gurera erakarri beharko ditugula hiztun horiek

guztiak, eta irribarre batekin lortzen da hori. Hizkuntzaren kudeaketak baditu bere gorabeherak, eta ez da beste software bat instalatzea bezain erraza".

Euskaraldirako izen-ematea

Zabalik da izena emateko aukera. Etxetik egin daiteke, *Izenematea.euskaraldia.eus* helbide elektronikoa. Udaletxean zein liburutegian ere egongo da fitxa betetzeko aukera, eta Xabier Payaren hitzaldian ere bai.

Antzerkia, Intxortako frontearen 82. urtemuga gogora ekartzeko

Domekarako bisita gidatu antzeztua eta 'Comunicado de muerte' antzezlanaren daude iragarrita Elgetan

L.Z. ELGETA

Nagusienek ondo gogoan dute 1936ko urriaren 4a. Egun hartan iritsi zen gerra Elgetara; izan ere, egun hartan ekin zioten erasoari tropa frankistek. Urtero egiten dituzte urtemuga gogora ekartzeko ekintzak herrian, eta aurten, bisita antzeztua eta *Comunicado de muerte* izeneko antzezlanaren daude iragarrita domekarako.

Bisita gidatua berezia izango da, boluntario talde baten laguntzarekin gerra garaiko hainbat pasarte irudikatuko baitira.

Gidaria 10:00etan elkartuko da bisitariekin Mendizaleen Plazan ibilaldiari hasiera emateko.

'Comunicado de muerte' obra Abadiñoko Banarte antzerki taldeak eskainiko du, 19:00etan, Espaloia kafe antzokian. Bartzelonako Modelo kartzelan preso egondako Salvador Puig Antich militante anarkistaren eta presondegiko funtzionario Jesus Irurreren arteko adiskidetasun harremanean oinarritzen da antzezlanaren. Rafael Hercek idatzia, hainbat sari jaso ditu.

Gazteleku zerbitzua barikuetan ere zabaltzeko aukera, aztergai

Espazioa egokitzeko asmoa ere badago, eta gaur egitekoa den batzar batera deitu dituzte erabiltzaileak

L.Z. ELGETA

Hobekuntzak izango dira ikasurte honetan Elgetako gazteleku zerbitzuan. Zapatuetan eta domeketan ez ezik barikuetan ere zerbitzua zabaltzeko aukera dago aztergai, eta horrekin batera espazioa erabiltzaileen beharretara egokitzeko asmoa.

Gaztelekuak gaur zabalduko ditu ateak, eta ate irekiak izango dira, 17:00etan. Anabel Fabra izango da aurten zerbitzuko arduraduna. Ludotekako arduradun Nerea Villarekin batera gidatuko du gaurko saio irekia.

"Lehenengo hiruhileko egitaraua aurkeztuko dugu, eta ondoren, esku artean ditugun aldaketen berri emango dugu. Erabilera egonkortzen bada, barikuetan ere zerbitzua zabaltzeko aukera izango dugu, eta espazioa berriz diseinatzeko eta gazteen beharretara egokitzeko aukera egongo da", azaldu dute.

Ludoteka zerbitzua

Ludoteka martxan da. Hura eza-gutzerara emateko, martitzenean, ateak irekitzeko eguna egingo dute, 2 urteko gelako umeendako.

Euskaraldiaren horma-irudia Torrealdean

Udalaren enkarguz horma-irudia egin dute Torrealdean Arrasateko Muralart taldeko kideek. Astelehenean ekin zioten lanari, eta ahodun loreen eta belarridun tximeleten artean nabarmentzen dira *Ahobizi* eta *Belarriprest* hitzak. Horma-irudiaren bitartez elgetarrak ere gonbidatuta daude rola aukeratzera eta Euskaraldian izena ematera.



Arrasateko Muralart taldeko kideak horma-irudia margotzen. L.Z.

Literatura ginkana eta ipuin saio bereziak, liburutegian

Urriaren 24an ospatzen da Liburutegiaren Eguna, eta aurten ere hainbat ekintza antolatuta ditu Elgetako liburutegiak. Hilaren 15etik aurrera martxan izango da literatura ginkana. 2010. urtetik aurrera jaiotako elgetar guztiei irekia den lehia-keta da eta proba desberdinak proposatuko ditu hilaren 24ra bitartean. Puntu gehien lortzen

dituenak liburu dendarako 60 euroko erosketa-bonua irabaziko du.

Ipuin saioak ere iragarri ditu liburutegiak. Hilaren 19an, yoga ipuinak egingo dituzte Geaxi Ezpeletak eta Alazne Azkaratek. 5 urtetik gorakoendako saioa izango da, 17:00etan.

Liburutegiaren Egunean, berriro, *Mozorro ipuin festa* izeneko saioa egingo dute Apika taldeko kideek. Saio hori adin guztietako publikoarendako izango da, 17:30ean.



Akizu, Osinaga, Zubia, Ibarrondo, Andres, Zubia eta Moiu, eguazten arratsaldean egindako aurkezpenean. O.E.

LH-1eko eta LH-2ko herri materiala erabilgai dago

Urriaren 19an Hurretik gala egingo dute Santa Ana antzokian, 22:00etan. Umorezkoa izango da eta proiektuan parte hartu duten herritarrekin egindako bideoak eskainiko dituzte. Gonbidapenak Txokolateixian edo udaletxean jaso daitezke

Oihana Elortza OÑATI

Herri ondarearen transmisioan ditu sustraiak Hurretik egitasmoak. Hori herri curriculumean sartzea da helburuetako bat eta horretan lan egin du bi urtez, elkarlanean, herriko hiru ikastetxeetako eta Udaleko ordezkari osatutako talde batek Topaguneko koordinatzaile batekin batera. LH-1 eta LH-2 mailetakiko ikasleendako materiala prestatzen ibili dira, eta egin dute. Ikasturte honetan, sarean sartu duten informazioa erabiliko dute ikastetxeetan maila horietako ikasleekin lantzen dituzten proiektuetan.

Blog bat

Blog batean sartu dute bildutako eta landutako informazioa. Lehen Gizakia eta Erdi Aroa izango dira gai nagusiak eta horiei buruzko zortzi atal didaktiko egin dituzte. "Euskarri digitalaren alde egitea hasieratik ikusten genuen argi. Era-kargarriagoa da, baina hor ja-

sotako informazioa etengabe gehitu, osatu edo aldatu daiteke", adierazi du Hezkuntza zinegotziak, Nerea Zubiak.

Blogak atal ezberdinak dituela azaldu du lana koordinatzen ibili den Josu Zubiak: "Abestiak, jolasak eta bideoak ditu, adibidez. Eta horien bitartez Lehen Gizakiaren eta Erdi Aroaren garaiko Oñati ezagutzeko edo irudikatze modua izango dute ikasleek".

Ikastetxeetako irakasleek prest dute materiala ikasturte honetan erabiltzen hasteko. "Bi urtez ibili gara lanean. Denbora luzea da, baina eskatzen zuen; gauzak lortzeko denbora behar da", dio Txantxiku Ikastolako irakasle Aitziber Osinagak. Elkar Hezi-

IKASTETXEETAN LANTZEKO SORTU ARREN, EDONOR SAR DAITEKE BLOGEAN: 'WWW.HURRETIK.EUS'

ko Elena Ibarrondori ere gustatu zaio emaitza: "Uste dut ikasleendako erakargarria izango dela, eta irakasleendako ere oso baliagarria da. Lehen, informazio bila aritzen ginen, eta orain, eskura dugu dena". Urgain Errekaldeko Nagore Moiuak hauxe gehitu du: "Eskuragarri dugu informazioa, eta orain, eskolan ikasleekin lantzen ditugun proiektuetan txertatu dugu".

Ikasturte honetan, LH-1 eta LH-2 mailetakiko ikasleendako materiala estreinatuko dute, baina asmoa da Lehen Hezkuntza osora heltzea Hurretik. Izango duen hezurdura definituta dute.

Gala

Urriaren 19an, Hurretik gala egingo dute Santa Anan. Potx eta Lotx pailazoek aurkeztuko dute eta umorezkoa izango da. Herritarrekin egindako bideoak eskainiko dituzte. "Oñatiar sentimendua ospatzeko festa izango da", dio Iñaki Akizuk, Hezkuntza teknikariak.



Iraileko lehen zapatuan egindako azoka eguna. IMANOL SORIANO

Kultur ekintzak eta zozketak egingo dituzte berdura plazan

Zapatu goizetan egiten den berdura azoka biziberritu egin gura dute eta izen eta logo berria sortu dituzte

O.E. OÑATI

Zapatuetan egiten den berdura azoka biziberritzeko beharra ikusi dute bertan egoten diren saltzaileek. Udalarari horren berri eman, eta bilerak egiten hasi ziren. "Azokan egoten diren ekoizle oñatiarrekin badugu harremana. Urte hasieran hasi ginen azoka indartzeko egitasmoa lantzen", dio Irati Etxeberria zinegotziak.

Irudia

Zapatuetako azokak logo koloretu bat izango du aurrerantzean eta izena ere beste bat izango

da: Berdura Plazia. Lehengo izena berreskuratu gura izan dute. Logo berriaz gain, tarteka kultur ekintzak egingo dituztela ere adostu dute, eta baita zozketak ere. "Erosketa poltsen barruan sartzeko beste poltsa txiki batzuk oparitutako dira bezeroen artean; irudi berria izango dute poltsa horiek. Eta zozketatuko dena erosketa-orga bat izango da", zehaztu du Etxeberriak. Datozen asteetan hasiko dira zozketak egiten.

Bestalde, azokara joaten diren erabiltzaileen artean inkesta bat egingo dute.

GORA ETA BEHERA



GOIENA

Azken metroak ez dituzte garbitu

Elorregi eta Zubillaga arteko bidegorria bidegorriaren markak dauden tokiraino garbitu dute. Azken 150 metroak zergatik ez dituzten garbitu galdetzen du irakurle batek.


EZER TXALOTU EDO SALATU NAHI? berriak@goiena.eus edo 688 69 00 07.



Kintoak dantzan nagusien danborradan. AITOR AGIRIANO



Bederatzi bikotek hartu dute parte berakatz-zopa lehiaketan. AITOR AGIRIANO



Akrobaziak bizikletekin. IMANOL SORIANO



Udal musika bandak Lazarraga lorategian egindako emanaldia. JAGOBA DOMINGO



Abentura parkean. AITOR AGIRIANO



Magia trukoei adi. AITOR AGIRIANO

Errosarioko jaiak ere disfrutatzeko izango dira

Sanmigelak jendetsuak izan dira eta horrelakoak izateko osagaiak ditu Errosarioko asteburuak ere. Herri Eguna eta Errosario Biharamun eguna izaten dira herritarren egun kutunenekoak, baina gaur eta domekan kalean ibiltzeko aitzakiarik ez da falta

Oihana Elortza OÑATI

"Onak, eta egunez zein gauze jendetsuak" izan dira sanmigelak, Kultura zinegotziaren esanetan, eta bigarren asteburua ere horrelakoa izatea gura du. "Antolatutako ekitaldi guztiak egin ziren. Ez zen gertaera larrik izan eta uste dut herritarrek disfrutatu egin zutela.

Datorren asteburu honetarako prestatu diren ekintza guztiak aurrera doaz, ez da aldaketarik egon", adierazi du Nerea Zubiak.

Gaurko bertso saioa izango da asteburuko hitzordu garrantzitsuenetako bat eta biharko Herri Eguna eta asteleheneko Errosario Biharamun eguna beste bi. Astelehenean karrozak

uzteko tokia egokituko dute aurten ere agustindarren ondoan.

Egunotan, herribusak Arantzazuko zerbitzua bakarrik egingo du eta hondakinen bilketa berezia izango da zapatuan. Udal zerbitzuak itxita egongo dira martitzen goizera arte; kiroldegia eta gaztelekua martitzen arratsaldean zabalduko dituzte.



Foruen plaza lepo bete zen Gatiburen kontzertuan. IMANOL SORIANO



NIRE USTEZ

JOSE LUIS MADINAGOITIA

Herriko jaietan, ondo pasa

Garai baten eta nonbaiten, bateren batzuek asmatu zituzten "herriko jaixak". Antropologian adituek diote herriaren identitatea indartu egiten duten jaiak direla Euskal Herrikoak. Gogoratu behar dugu XVIII.ean Voltaire jaunak euskaldunak definitzeko erabili zuen esaldi hau: "Pirinioetako bi aldeetara kantu eta dantza egiten duen herria". Eta gaurko egunez ere

kantuak eta dantzak presentzia handia dute gure jaietan. A ze asmakizuna, denon parte hartzearekin egun alai batzuk antolatzea, kultura, musika, ikuskizunak, jolasak, txapelketak, barrakak, txorimalo eta erraldoiak, txarangak... Adin ezberdinetako pertsonen era ezberdinetan gozatzeko aukera izaten dute. Gogoratzen dut 18 urterekin izaten nuen poz eta ilusioa

herriko jaietarako, parranda bat edo beste, gaueko orduak nola geuretzako hartu saiatzen, gurasoen nahiaren kontra. Urteak pasatu ahala, parranda indarrak jaisten joan dira, baina beti eduki izan dut jaietarako ilusioa eta uste dut herri batek beharrezkoak dituela jaiak. Sanmigelak pasa dira eta Errosarioak datoz orain. Ondo pasa, negu luze, hotz eta iluna dator eta.

Euskaraldiko herri bazkaria izango da astelehenean

Euskaraldiko herri bazkaria egingo da astelehenean, urriak 8. Txosnagunean egingo da eta txartelak txosnetan eta Arrano eta Ongi tabernetan daude salgai; langileendako 12 eurotan eta ikasleendako 10 eurotan. Bestalde, gaurko bertso saioan eta biharko herri bazkarian, Euskaraldiarekin bat egiteko eskuorrak egingo dira sinatzeko.



Eskola kirola ekimeneko aurkezpenean, udal ordezkariak, Aldundiko ordezkariak eta enpresetako ordezkariak. OIHANA ELORZA

Eskola kiroleko saioak bi aste barru hasiko dituzte

Eguaztenean aurkeztu zuten Eskola Kirola eta Hezkuntza Elkartea. Hiru ikastetxeek elkarlanean sustatutako proiektua da, beste hainbat eragilerekin elkarlanean. 18/19 ikasturterako 491 neska-mutikok eman dute izena kirol ekintzetan parte hartzeko

Arantzazu Ezkibel Galdos OÑATI
Oñatiko Eskola Kirola elkarte buru-belarri ibili da proiektu berriaren norabidea zehazten; hala, lan horiek eginda, 18/19 ikasturtea martxan jartzeko ordua iritsi da. Urriaren 15ean hasiko dituzte saioak.

Eskola kiroleko koordinatzaile Rosa Mondragonek azaldu du gaztetxoek 27 entrenamendu saioa izango dituztela, 12 lehiaketa jardunaldi eta 15 topaketa. "Oso pozik gaude matrikulazio kopuruarekin: 491 gaztetxok eman dute izena. Nabarmen zena da LH-3 mailatik LH-6 mailara arteko ikasleen %74k eman dutela izena eskola kirolean", azaldu du proiektuaren aurkezpenean. Datu hori "altua" dela nabarmendu du Diputazioko Kirol Zerbitzuko buru Iñaki Iturriotzek.

Jarraipena Aloña Mendin

Eskola kiroleko kirol eskaintza zehazteko orduan, kontuan izan dute eskaintzak lotura zuzena

izatea kirol elkarteekin. Modu horretan, gaztetxoek euren gus-tuko kirolean jarraitzeko aukera izango dute, Aloña Mendi elkartearen edo beste elkarteren batean.

18/19 ikasturteko aurrekontua 99.287,37 euro izango da. Udalak %46,57 jarriko du, izen-emateetan %27,53 lortu da, diru pribatua %14,28 izango da, Aldundiak %11,01 jarriko du eta gainerako %0,61a federazioek jarriko dute.

Balioetan oinarrituta

Eguaztenean egindako aurkezpenean, Mikel Biain alkateak nabarmendu zuen poztekoa dela horrelako proiektu batean "hain izaera ezberdinetako" eragileak ikustea. Elkarlearen atzean he-

HERRIKO HIRU IKASTETXEEK PARTE HARTU DUTE ESKOLA KIROLEKO PROIEKTU HORRETAN

rriko hiru ikastetxeak daude. Iokin Garai elkarteko lehendakariak azaldu zuen: "Ez da lan samurra izan, baina uste dut proiektu polita irten dela. Izen-emateak ikusita, aurrera egiteko esperantza dugu eta gogoarekin gaude".

Aldundiko ordezkari Iturriotzek esan zuen ez dela ohikoa eskola kirolean ikastetxeak eta herriko beste eragile batzuk nahastea; horregatik, "hezkuntza mundua ondoan izatea" garrantzitsua dela nabarmendu zuen.

Proiektua babestu dute Ulmak, Lanak, Natrak eta Fagor Industrialek. Natrako ordezkari Esther Carrilok azaldu zuen Natraren izaeran "talde lana" dagoela, eta horregatik babestu dutela proiektua. Lanako Mirari Zilaurrenek, Ulmako Raul Garciak eta Fagorreko Jone Urzelaik "pertsonak balioetan hezten" duen proiektua dela nabarmendu dute. Kooperatiben asmo eta balioekin bat datorren proiektua dela gaineratu dute.

Gizon-proban 715 kiloko harria mugitu beharko dute

Gaur izango da proba, Olaiturrin, 20:00etan; oñatiarrak eta lezoarrak izango dira nor baino nor gehiago

A.E. OÑATI

Gizon-proba erakustaldia egingo dute gaur, 20:00etan, Olaiturrin kantuan; Oñatiko zortzi gazte eta Lezoko beste horrenbeste mugituko dira. Zein izango da proba? 715 kiloko harria mugitzea. "20 minutu izango ditugu harria mugitzeko. Ez da araurik egongo; nahi beste denbora hartu dezakegu deskantsatzeko. Lehia irabaziko du harria tarte luzeenean mugitzen duenak", azaldu dute erakustaldian parte hartuko duten gazteek. Erakustaldi erakoa izango da

proba; izan ere, ez dute ezer jokoan: "Proba amaitutakoan denok batera afaltzera joango gara, baina ez dugu apusturik egin", diote.

Oñatiarrek azaldu dute azkeneko hilabetean entrenatu direla: "Fisikoki ez dugu ezer berezirik egin, entrenamendua izan da harria mugitzea".

Proba egiteko ideia bi lehen-gusuen arteko "piketrik" sortu zen. Oñatiko erakustaldiaren ondoren asmoa da beste erakustaldi bat egitea Lezon. Harria Legazpitik ekarri dute.

Domekan jokatuko dituzte San Migel txapelketako finalak

Etzi, domeka, amaituko dute 36. San Migel pilota txapelketa. Zubikoa pilotalekuan jokatuko dituzte finalak, 17:00etan.

Txapelketan zehar hiru kategoriatoko pilotariak lehiatu dira; hori horrela, domekan hiru final ikusteko aukera egongo da. Kadete mailako finala hau izango da: Igoa eta Arandia, Amianoren eta Az-

pirozen aurka. Ondoren, gazte mailako txanda izango da: Larrazabal eta Markaida Alberdiren eta Gonzalezen aurka lehiatuko dira.

Azkeneko partidua promes mailako finala izango da: Murua eta Gaskue Agirre-malloaren eta Cordonen aurka lehiatuko dira.

Zubikoa pilotalekuan Euskal Herriko pilotari hoberenetakoak ikusteko aukera egongo da. Finalak jokatu ostean sariak banatuko dizkiete txapel-dunordei.



ARATZ LOSADA

Herriko pilotari txapeldunak

Herriko pilota txapelketak badiu irabazleak: emakumezkoetan, Ainhoa Zumalde eta Irati Usandizaga izan dira irabazleak; eta gizonezkoetan, Aitor Anduaga eta Eneko Arabaolaza. Finalaren aurretik 22 lagun elkartu ziren bazkaritan. Antolatzaileak gustura daude: "Egun borobila izan zen".



Kultura etxeko erakusketa gelan daude pinturak ikusgai. O.E.

Herriko margolarien pinturak ikusgai daude

Oñatiko Margo Taldeak urtero antolatzen duen pintura lehiaketako koadroak eta pintura ikastaroan hainbat artista oñatiarrek egindakoak daude ikusgai kultura etxeko erakusketa gelan: urriaren 21era arte, egunero, 18:00etatik 20:00etara

Oihana Elortza OÑATI

Ikasturte hasieran margo lehiaketa eta erakusketa egiteko ohitura du Oñatiko Margo Taldeak eta aurrean ere horrelaxe izan da. Irailaren 23an egin zuten ageriko pintura lehiaketa, eta orain, erakusketa dute zabalik kultura etxean. Lehiaketan aurkeztu zituzten lanak ez ezik, Oñatiko Margo Taldeko margolarien egindako pinturak ere badaude.

Aldaketa

Guztira, 60 pintura inguru daude erakusketa horretan. "Pintura lehiaketara aurkeztu ziren lanak gelaren sarreran daude jarrita, nagusienak zein gazteenak, eta gureak dira barrurago eskegita daudenak", azaldu du Oñatiko Margo Taldeko kide Bixente Elgerok.

Nagusien kategorian, hamalau lan aurkeztu zituzten kalean egindako pintura lehiaketan eta umeen kategorian, lau. Gazte gehiago aurkezteko ahalegin

berezia egiten dutela dio Elgerok, eta horretan jarraituko dutela. Helburu horrekin, datorren urtean aldaketak egingo dituzte; agian, iraileko pintura lehiaketan. "Gaztetxo asko daude margo ikastaroan, baina lehiaketara ez dira asko aurkezten. Bergaran, adibidez, bi egun ezberdinetan egiten dituzte lehiaketak, nagusien kategoriakoa egun baten eta umeena beste baten, eta hemen baino ume gehiagok ematen dute izena. Oihala erabili beharrean kartoiaren antzeko euskarri baten gainean margotzen dute eta erabiltzen dituzten margoak ere ezberdinak dira. Agian, probatu egin behar ko gure modu horretara edo beste batera egiten lehiaketa.

DATORREN URTEAN LEHIAKETA BESTE MODU BATEAN EGITEA ARI DIRA PENTSATZEN MARGO TALDEKOAK

Ez dakit hurrengo urtean izango den edo ez, baina egia da zer egin pentsatzen ari garela", azaldu du Elgerok. Eta gaineratu du: "Argi duguna da lehiaketa honi eutsi egin behar diogula. Hamaseigarrena izan da aurtengo eta garbi ikusten dugu urtero egin behar dela, taldearen eta Udalaren laguntzarekin".

Ikastaroa

Udalak antolatzen duen pintura ikastaroan egindako koadroak jartzen dituzte ikusgai Oñatiko margolariek. "Bina ekarri ditugu. Nire lanetan, adibidez, baten Urbia ikusten da eta bestean Foruen plaza. Tokiei argazkia atera, argazki hori handitu, eskalan jarri, eta hori aurrean dugula egiten dugu koadroa. Ikastaroko orduetan margotzen dugu. Lehiaketakoak, berriz, ordu gutxitan egindako lanak izaten dira", dio oñatiarrek.

Urriaren 21a bitartean egongo da erakusketa zabalik kultura etxean, 18:00etatik 20:00etara.

Txirrindulariei eskerrak emateko, diskoa egin du Irizarrek

'Pedaleando' du izena musikari oñatiararen azken diskoak eta zapatuan aurkeztuko du Donostian

O.E. OÑATI

Bihar, zapatua, aurkeztuko du Juan Carlos Irizar musikari oñatiarrek bere azken diskoa. *Pedaleando* du izena eta txirrindulariek inspiratutako piezak sartu ditu.

Donostiako Aquariumean egingo du diskoaren aurkezpena Irizarrek zapatu eguerdian eta txirrindulari asko izango ditu ondoan. Horien artean: Marino Lejarreta, Federico Martin Bahamontes, Migel Mari Lasa, Jesus Arantzabal, Abraham Olano eta Haimar Zubeldia. "Beste txirrin-

dulari askok bidalitako mezuak ere irakurriko ditugu. Esaterako, Pantaniren etxekoek bidalitakoa", dio Irizarrek.

Txirrindularitza-zalea da kompositore oñatiarra: "Kirol horrek eman didan gozamina jaso gura izan dut lan honetan. Txirrindularitza da gehien maite dudana kirola. Askok disfrutatzen dut kirol horrekin, eta txirrindulariei eskerrak eman gura dizkiet horregatik. Eskerrak emateko modua da disko hau", dio egileak. Aurkezpenean, pianoa joko du Juan Carlos Irizarrek.

Hirugarren asteburuan ekarriko dute 'Oreinak'

Urriko hirugarren asteburuan, 19tik 22ra, ekarriko dute Koldo Almandozen *Oreinak* filma Oñatiko zinema aretora. Donostia Zinemaldian Irizar saria irabazi duen filma da, Koldo Almandozen bigarren film luzea. Euskal Herriko ekoizpen onenaren saria irabazi du. Zuzendari Berriak sailean estreinatuko zuten Zinemaldian eta Hego Euskal

Herriko hainbat aretotan ikus daiteke astelehenean. Oñatira urriko hirugarren asteburuan ekarriko dute.

Bestalde, hurrengo egunean hasiko du denboraldi berriko ibilbidea zineklubak. David Truebak zuzendutako *Casi 40* filmak estreinatuko du ikasturte honetako zineklub denboraldia. Lucia Jimenez eta Fernando Ramallo dira filmaren protagonistak. Denboraldi berriaren egunen izango dira zineklubeko filmak, 20:00etan.



JOKIN BEREZIARTUA

Txillardegiren plaka Milikuan

Udalbatzak aho batez erabaki zuen Txillardegiren omenezko plaka Milikuako paretan jartzea; haren lana aitortu duen lehen erakunde izan da. Irailaren 27an jarri zuten, eta honela dio: *Hemen ikerketa lanean jardun zen Jose Luis Alvarez Enparantza, Txillardegi, idazlea, irakaslea eta politikaria, oñatiar jatorrizko senitartekoa eta euskara batuaren aita.*



Mikel Linazisoro eskalatzaila, Bergaran. X.U.

Mikel Linazisoro gazteen Olinpiar Jokoetan da

ESKALADA Europako eta Munduko txapelketetan lehiatu da aurten bergararra, baina Mikel Linazisorok (Bergara, 2000) oraingo astean du aspaldiko hitzordurik garrantzitsuena, Argentinan; domina bila joan da gazteen Olinpiar Jokoetara

Xabier Urzelai BERGARA

"Bai, noski! Mikelek dominaren bat janzteko aukerak ditu, gazteen Munduko Txapelketan erakutsi du hor egon daitekeela [podiumera igo da Europako eta Munduko txapelketetan]. Egia da senior mailako eskalatzailak oraindik koska bat gorago daukela; irailean, esaterako, Munduko Txapelketa absolutura

esperientzia hartzera joan zen, baina Buenos Airesen bere adinekoekin lehiatuko da, eta hor aurrean ibil daiteke", dio bergararra ondo ezagutzen duen Josean Mulasek.

Bergarakoa Bilbon izan zen domekan, Bizkaiko hiriburuan antolatutako Psicobloc txapelketan esku hartzen –eskalatzaileek soka barik eskalatu zuten,

igerileku baten ondoan jarrirako horman. Hormatik erortzen zena uretara jausten zen–.

Bada, Olinpiar Jokoak prestatzeko bidean Bilbokoa zen azken geltokia, eta bergararra gustura geratu zen bertan izandako sentsazioekin. Estatu mailako eskalatzaila onenak batzearekin batera, nazioartetik ere puntako eskalatzailak etorri

ziren; besteak beste, munduko txapelduna: "Hirugarren sailkatu zen. Finalerdietan, txanda erabakigarrian heldulekuetako bat bustita zegoen, eta irrist egin zuen. Gero, hirugarren edo laugarren sailkatzeko lehian irabazi egin zuen, eta podiumera igo ahal izan zen. Hortaz, pozik itzuli zen handik, eta astelehenean hartu zuen Madrilerako bidea, handik Buenos Airesera joateko", dio Linazisororen ama Ana Molinak.

Josean Mulasek esandakoarekin bat egiten du Ana Molinak, gauzak dakien moduan egiten baditu aurrean ibil daiteke Linazisoro: "Nahiz eta garbi daukagun dominaren bat lortzea oso-oso zaila dela. Etxean, gozatzeko esan diogu, halako aukerak ez direla egunero izaten eta disfruta dezala. Azken batean,


egun txar bat izatea nahikoa da ordura arteko lana bertan behera geratzeko, eta presioa ere hor dago, lehenengo aldia da eta halako txapelketa handi batean dagoena.

Eskalatzaila osoa izateko lanean Eskalada kirol jarduera olinpiko bilakatuko da Tokion, 2020an, eta Linazisorok Podium izeneko beka bat dauka hitzordu hori prestatu ahal izateko: "Eskalada kirol olinpiko izatera pasa zenean, Mikelek txipa aldatu zuen. Ordura arte sokako eskaladan zen trebea, horretan ibili izan da buru-belarri. Baina Olinpiar Jokoetan hainbat modalitate izango dituzte: abiadura, zailtasuna eta *lead* deritzona. Eta azken urteotan beste modalitateetan trebatzen ibili da, eskalatzaila osoagoa izateko lanean".

Kanporaketa saioa, astelehenean

Bihar, hilak 6, egingo dute, Buenos Airesen, Olinpiar Jokoetako inaugurazio ekitaldia, eta Parque Mujeres Argentinas kirol instalazioak gertu daude eguaztenean, hilak 10, eskaladako finalak hartzeko.

Hor egoteko, baina, Bergarako gazteak asteleheneko kanporaketa saioa gainditu beharko du. 09:00etan hasiko dute txapelketa, abiadura modalitatearekin –bi eskalatzaila aurrez aurre, eta gora lehenago iristen denak egiten du aurrera–. 11:00etan, berriz, *bouldering* modalitatea izango dute –eskalatzailak zailtasunekin osatutako bidea gainditu behar dute ahalik eta huts gutxien eginda– eta 15:00etan *lead* modalitatea izango dute –saiakera bakarrean 15 metroko horma igo behar dute; gehienez, 6 minutu dituzte horretarako–. Hala, kanporaketa saio hori gaindituz gero, 10ean izango du finala.



Linazisoro Munduko Txapelketan.

Oiartzunen bisita izango du Bergarak; UDAk, Hernanirena

FUTBOLA Erregional Preferentean lider dagoen Ilintxa hartuko du Aloña Mendik, zapatuan

X.U. ARRASATE

Ohorezko Erregional Mailako bosgarren jardunaldian, Bergarak eta Aretxabalek etxean jokatu dute eta Mondrak kanpoan. Mahoneroek puntu bakar bat gehiago duen Oiartzunen

bisita izango dute Agorrosinen (zapatua, 16:30), eta Aretxabalek seigarren dagoen Hernani izango du aurrez aurre Ibarren domekan (16:30). Mondrako jokalariek, berriz, Maritxu Kajoi ospatzeko tarte txikia izango

dute gaur, bihar Azkoitian jokatu dute eta (16:15).

Aloñak liderraren bisita, bihar

Erregional Preferentean, berriz, Aloña Mendik liga ondo hasi duen Ilintxaren bisita izango du, baina ezohiko ordutegian jokatu dute, zapatu arratsaldean (15:30). Antzuolak, berriz, Zumarragan jokatu du bihar (16:00), Mondrak Zumaiakoren kontra domekan (18:30) eta Aretxabaleta UDAk Beasainen zapatuan (17:00).



Aloña Mendik eta Lagun Onakek iaz jokatu dute partiduaren une bat. GOIENA



Egibar, Olano, Urrutia, Zupiria, Biain eta Agirrebaltzategi, kongresuaren hasiera-ekitaldian. EUSKALZAINDIA



Miriam Urkia, Dorleta Alberdi eta Miren Azkarate. NEKANE MUÑOZ

Aitziber Aranburuzabala OÑATI

Euskaltzaindia mendeurrena ospatzen ari da. "Euskararekin, euskal kulturarekin eta euskal gizarte osoarekin duen konpromisoa berritzeko" baliatu gura du akademiak mendeurrena; horregatik, "guztiek" ospatu gura dute urteurrena.

Helburu horrekin, bederatzi jardunaldi antolatatu dituzte: Baionan egin zuten, irailean, lehenengo. Ipar Euskal Herriak euskararen batasunari egin dion ekarpena aztertu zuten han, eta atzo, eguena, hasi zuten bigarrena; bihar, zapatua, bitartean egingo duten *Arantzazutik mundu zabalera (1968-2018)* izenekoa. Hain justu, Euskara Batuaren mugarri nagusietako bat izan zen Arantzazuko Biltzarra egin zela 50 urte bete diren honetan.

Datorren urtean egingo dituzte gainontzeko jardunaldiak:

Egindako bidea berreraikitzen

Euskara batuaren iragana, oraina eta etorkizuna aztertzen ari dira Euskaltzaindia, askotariko eragileekin, egiten ari den 'Arantzazutik mundu zabalera (1968-2018)' kongresuan. Bihar, zapatua, euskara batuaren adierazpena aurkeztu eta sinatuko dute

urtarrilean, hizkuntza eskubi-deena, Iruñean; otsailean, ahoskerari buruzkoa, Gasteizen; martxoan, dialektologiarena, Bilbon; maiatzean, literatura gaiak landuko dituzte, Bilbon; ekainean, berriz, onomastika

jardunaldiak egingo dituzte, Gasteizen; gramatikari buruzkoak, Donostian, uztailan; eta irailean egingo dute azken kongresua, teknologia berriak eta euskara gaitzat hartuko dituen, Donostian.

Orain dela 50 urte

Aurretik hainbat ekarpen izan baziren ere, 1968ko Biltzarrean euskara batuaren oinarri nagusiak ezarri zituzten. "Egunotako Biltzar honen bidez, ordutik euskara batuak egin duen bidea

azaldu, egungoaz gogoeta egin, eta eginkizun dagoena" zehaztu nahi direla dio Euskaltzaindiko Komunikazio arduradun Iñaki Mendizabalek.

Garai hartan Euskal Herritik kanpo zeuden Paulo Agirrebaltzategi frantziskotarrak eta Jerardo Elortza filologo eta historialari oñatiarrak, hala ere, gertutik jarraitu zuten Biltzarra. "Egoera gogorra zen, salbuespen egoera zegoen ezarrita", dio garai hartan Erroman Teologia ikasten zegoen Agirrebaltzategik, eta zera gaineratu du: "Aurretik idazleek eta bestelako eragileek landu eta proposatutakoak *ofizializatu* ziren Bitzar hartan. Hala ere, *Jakin* aldizkariaren aldetik erabakia hartuta zegoen askoz lehenagotik, aipatutako bilera haietan erabakitakoak onartzeko eta aplikatzeko aldizkarian".

EUSKARALDIA

GOIENA TELEBISTA, ELGETA ETA LAZKAO

URRIAREN 10EAN, EGUAZTENEAN, 21:00ETAN ETA 23:00ETAN

JULEN IRIONDO ETA IZARO INSAUSTI KAZETARIEK AURKEZTUTA

goiena
Zu hemen zaude.





ARGIA.EUS

1968KO ARANTZAZUKO BILTZARRA 1: Plazido Mujika. 2: Juan Garmendia, *Zeleta*. 3: Pierre Lafitte. 4: Luis Villasante. 5: Imanol Berriatua. 6: Manuel Lekuona. 7: Antonio Maria Labaien. 8: Jose Antonio Arkotxa. 9: Julita Berrojalbiz. 10: Balendin Aurre-Apraiz. 11: Eufronio Agirre. 12: Pedro Mari Iriondo (¿). 13: Koldo Mitxelena. 14: Jose Luis Zurutuza. 15: Karmelo Etxenagusia. 16: Andoni Amutxategi. 17: Anbrozio Zatarain. 18: Aita Julian Igorrekkoa. 19: Balendin Lasuen. 20: Bittor Arozena. 21: Juan Mari Lekuona. 22: Jose Mari Allur. 23: Ibon Sarasola. 24: Mikel Zarate. 25: Julene Azpeitia. 26: Isidro Baztarrika. 27: Patxi Altuna. 28: Basilio Bergara. 29: Pertika (semea). 30: Gabriel Intxaurandieta. 31: Josu Oregi. 32: Jose Basterretxea, *Oskillaso*. 33: Pierre Xarriton. 34: Euxebio Osa. 35: Iñaki Beristain. 36: Joan Mari Torrealdai. 37: Emile Larre. 38: Ramon Saizarbitoria. 39: Rikardo Arregi. 40: Patri Urkizu. 41: Libe Altuna. 42: Juan San Martin. 43: Pedro Berrondo. 44: Miren Goñi.

Elortzak kontatu du Biltzarraren nondik norakoak Alemaniatik jarraitu zituela: "Handik bueltatzeko nahiko gorabehera izan nituen, salbuespen egoeraren eraginez; hala ere, Biltzarrean egun baten egoteko aukera izan nuen. Batasunaren prozesuaren aurrerapausoak gertutik jarraitu nituen, Bilbon ari nintzen ikasten eta harremana nuen Villasante, Aresti eta beste kide batzuekin. 1978an, Bergarako UNEDen egin zen hurrengo Biltzarra, eta ordurako lanean ari nintzen han".

Orain artekoa balioztatzeko

Arantzazu euskararentzako erreferentziala da, eta horren erakusle da egunero 150 pertsona batuko direla kongresuan. "Teknikariak, itzultzaileak, kazetariak eta euskalgintzako jendea da, gehienbat. Hizlarien artean askotarikoak daude; izan ere, akademia batek bakarrik ezin du euskararen pisua eraman, eta, ezinezkoa izateaz gainera, ez da komeni. Euskal eragileekin elkarlanean ari gara aspaldian,

eta horrela jarraituko dugu. Gizartearen alor guztietara heldu nahi dugu, eta horren adibide dira Arantzazun aurkeztu ditugun *Euskara batuaren eskuliburua* eta erakundearen webgune berria", dio Mendizabalek, eta zera gaineratu du Miriam Urkia euskaltzain oso aretxabaletarrak: "Eragin handia izan dute sare sozialek, informazio asko zabaltzen da horien bitartez. Espero dut Euskaltzaindia apur bat gaztetzen eta gehiago ikusarazten joatea hemendik aurrera".

Debagoieneko euskaltzainak

Hiru euskaltzain oso daude ibarrean: Ana Toledo antzuolarra, Patxi Uribarren aramaioarra eta Miriam Urkia aretxabaletarra. Euskal Filologian doktorea

EUSKALTZAINDIK BEHARREZKOA DU EUSKAL GIZARTEA EUSKARAREN GEROA BERMATZEKO

da Ana Toledo, Deustuko Unibertsitateko irakaslea da eta 2005ean izendatu zuten euskaltzain oso. Uribarren karmeldarra Teologian eta Filosofia eta Letretan lizentziaduna da eta 2008an izendatu zuten euskaltzain oso. Miriam Urkia Euskal Filologian doktorea eta UZEIko lexikografia saileko zuzendaria da titulu horrekin berriena: aurtengo otsailen izendatu zuten euskaltzain oso. Hala ere, urteak daroa erakundearekin lanean.


Aipatutakoez gainera, Sabin Salaberri musikari eta konpositore aramaioarra eta Pello Zabala frantziskotarra ere Euskaltzaindiko kide dira. Aurtengo apirilaren 27an ohorezko euskaltzain izendatu zituzten.

Osagarriak ala aurkariak?

Mendizabalen esanetan, "Euskaltzaindia ez dago euskalkien aurka, baina bakoitzak bere tokia behar du", eta zera gaineratu du Urkiak: "Duda barik, osagarriak dira. Gauza formatarako edo komunikabide nazionaletan, adibidez, euskara batua zaindu behar dela uste dut; betiere, baina, euskalkiak edo tokiko esamoldeak aintzat hartuta". Jerardo Elortzaren iritziz: "Euskara batua gipuzkoarregia da. Lan asko egin da, baina badago oraindik egiteko". Eta horrela borobildu du Paulo Agirrebaltzategik: "Euskalkia oso inportantea da, nire ustez: euskara elikatzen du".

Goiena Klubaren txokoa

Goiena Klubeko urriko sariak!



SPC Heaven 10.1 tableta

Parte hartzeko sariaren izena: Tableta



Berri Txarrak
Berri Txarrak taldearen eskutik, Infrasoinuak.
Parte hartzeko sariaren izena: Berri Txarrak



Sarrerak
Arrikutz kobak bisitatzeko, sarrerak.
Parte hartzeko sariaren izena: Arrikutz



Otarrea
Bidezko merkataritzako produktuak.
Parte hartzeko sariaren izena: Otarrea



PARTE HARTZEKO:

Posta elektronikoz: kluba@goiena.eus Whatsapp: KLUBA "sariaren izena" [bazkidearen zenbakia] 688 69 00 07 zenbakira. Parte-hartzaileen artean egingo da zozketa.

Indararen dagoen (LPD 15/1999) legearen arabera, jokoaren diru zere dala, gestiozko Goiena Komunikazio Zentruaren bitartez automatizatu bate sartuko direla. Datu-bileta honen helburu bakarra da indararen dagoen datu gisa gordetzea. Eskubide langa dala, datuak sartzeak, hazi, zuzentze edo ezarritako, helbide honetara bidaltu: kluba@goiena.eus

Irabazi bi lagunendako otordua

ZELAI ZABAL JATETXEARI ESKER

Begiratu Puntua aldizkarian Otorduan etala eta hartu parte!



943 25 05 05



kluba@goiena.eus



KLUBA Jatekera

[bazkidearen zenbakia] 688 69 00 07 zenbakira.



Puntua aldizkaria jasotzeko, zozketetan parte hartzeko eta txartelaren abantailaz gozatzeko...



Bazkidetu zaituz: 2018 (urritik aurrera): 31€.
Deitu: 943 25 05 05. kluba@goiena.eus

goienakluba
Euskara irabazle, denok irabazle!

HILDAKOAK

Pilar Agirre Gonzalez de Mendibil. Aretxabaletan, irailaren 22an. 93 urte.

Blasa Gallego Fernandez. Arrasaten, irailaren 23an. 84 urte.

Ilu Tena Sopo. Oñatin, irailaren 23an. 54 urte.

Consu Escudero Picazo. Arrasaten, irailaren 26an. 70 urte.

Antonio Vazquez Olivenza. Arrasaten, irailaren 26an. 70 urte.

Feliciano Rubio Abad. Arrasaten, irailaren 28an. 83 urte.

Maria Aranburuzabala Uriarte. Aretxabaletan, 28an. 86 urte.

Mari Luz Mendizabal Ezpeleta. Arrasaten, 29an. 81 urte.

Maritxu Eguren Uriarte. Bergaran, irailaren 29an.

Candida Umerez Oianguren. Oñatin irailaren 29an. 93 urte.

Fernando Olaortua Ormaetxea. Elgetan, 29an. 58 urte.

M. Mercedes Arrasate Landa. Arrasaten, 29an. 74 urte.

Lorea Arrieta Lizaso. Bergaran, irailaren 29an. 83 urte.

Eudoxia Rey Delgado. Arrasaten, irailaren 30ean. 87 urte.

ESKER ONA



Maritxu Eguren Uriarte



2018ko irailaren 29an hil zen.

Hileta-elizkizunetara etorritakoei eta samin-agurrak bidali zenizkigutenoi eskerrik asko, sendikoen izenean.

Bergaran, 2018ko urriaren 5ean.

OROIGARRIA



Consu Escudero Picazo
Antonio Vazquez Olivenza



2018ko irailaren 26an hil ziren.

Eskerrik asko gure bizitzako zati garrantzitsu bat izateagatik. Betirako gure bihotzetan.

Beñat, Iraia, Maite, Nagore, Kepa eta Elene. Arrasaten, 2018ko urriaren 5ean.

GUARDIAKO FARMAZIAK

ARRASATE EGUNEZ

Egubakoitza, 5 ALBERTO AZKOAGA: Ferrerías kalea 1 / 943 79 15 15
Zapatua, 6 M. FCA. AZKOAGA: Iturriotz 17 / 943 79 79 99
Domeka, 7 FERNANDEZ: Musakola, 11 / 943 79 22 26
Astelehena, 8 IRIZAR: Erquin 11 / 943 79 12 39
Martitzena, 9 SANCHEZ ALVAREZ: Santa Marina 32 / 943 79 09 74
Eguaztena, 10 ESPAÑOL MORALES: Araba etorbidea 14 / 943 79 18 65
Eguena, 11 RUIZ: Nafarroa etorbidea 1 / 943 79 14 09

BERGARA EGUNEZ

Egubakoitza, 5 URRITIKOETXEA: Orixondo plaza 4 / 943 76 11 74
Zapatua, 6 ZABALA: Barrenkalea 25 / 943 76 16 87
Domeka, 7 ZABALA: Barrenkalea 25 / 943 76 16 87
Astelehena, 8 OIARBIDE: San Antonio 5 / 943 76 11 05
Martitzena, 9 ESTELLA: Matxiategi 5 / 943 76 19 63
Eguaztena, 10 MOZOS: Iparragirre 2 / 943 76 12 15
Eguena, 11 URRITIKOETXEA: Orixondo plaza 4 / 943 76 11 7

OÑATI EGUNEZ BAKARRIK

Egubakoitza, 5 JULDAIN: Kale Barria 6 / 943 78 11 28
Zapatua, 6 ANDUAGA: San Lorentzo 3 / 943 78 21 16
Domeka, 7 ANDUAGA: San Lorentzo 3 / 943 78 21 16
Astelehena, 8 ANDUAGA: San Lorentzo 3 / 943 78 21 16
Martitzena, 9 ANDUAGA: San Lorentzo 3 / 943 78 21 16
Eguaztena, 10 IGARTUA: Kale Zaharra 1 / 943 78 01 22
Eguena, 11 IGARTUA: Kale Zaharra 1 / 943 78 01 22

ARRASATE GAUEZ EGUNERO

(22:00etatik 09:00etara)
2018ko abenduaren 31ra arte:
IRIZAR: Erquin 11 / 943 79 12 39

BERGARA GAUEZ EGUNERO

(22:00etatik 09:00etara)
2018 osoan:
MOZOS: Iparragirre 2
943 76 12 15

Gipuzkoako farmazien egutegia eskura izateko:
COF Gipuzkoa aplikazioa deskargatu Google Play eta App Store dendetan.

OROILORE

Maitasunez bizi, maitasunez agurtu



Jakin ezazu nahiz eta heriotz aseguria izan, zuek nahi duzuen hileta-zerbitzua aukeratzeko eskubide osoa duzuela.

Lasaitasuna, maitasuna eta laguntza dut beti zuentzako.

Maribi • Tel.: 617 44 21 55 • BERGARA

ESKELAK JARTZEKO: 943 25 05 05

edo eskelak@goiena.eus

► Hileta egunean eskela Goiena.eus-en + Oroigarría edo Esker ona Goiena

Paperean eta Goiena.eus-en: 176 € /

Goiena Klubeko bazkideendako 156 €

► Eskela mota guztiak Goiena Paperean + Goiena.eus-en:

155 € / Goiena Klubeko bazkideendako 137 €

Goiena: irakurriena Debagoiengan.

ASTE BARRUAN, BAITA ERE:

ARRASATE Goiena: Otalora Lizentziaduna 31. 943 25 05 05.

BERGARA Jardun: Errotalde (kultura etxean). 943 76 08 19.


OÑATI Biklon publizitate agentzia: Olakua 9. 943 78 10 65.

ELGETA Ugari: Andra Mari plaza 2. 943 76 80 98.

ANTZUOLA Itzar liburu-denda: Kalebarren 1. 943 76 60 62.



TXUTXU-MUTXUAK



Kontatu, kontatu!

Badaukazu ezkontzaren baten berririk? Edo eztei-ospakizunen batenik? Kintada egin duzue eta argazkia erakutsi nahi zenukete? Ibilaldi politen bat erakusteko baduzu? Bestelako ospakizunen bat? Kontaiguzu eta bidalguzu argazkia!

Posta elektronikoa

Mezua bidali berriak@goiena.eus helbidera, eta idatzi nortzuek, non, noiz, zergatik eta zer ospatu edo egin duzuen.

Ordezkaritzak

Zatoz Goienaren ordezkarietara (Otalora 31, Arrasate) edo deitu 943 25 05 05 telefonora.

Eguazteneko 12:00ak arte jasotakoak bakarrik iragarriko ditugu. Hortik aurrera jasotakoak hurrengo astean argitaratuko ditugu.

1. Atletismoan ibilitakoak elkarrekin
Bergaran azken 50 urteetan atletismoan ibili direnak elkartu ziren aurreko zapatuan, Pili Arinen eskutik. Debagoienetik kanpo bizi direnak ere egon ziren ospakizunean.

3. Gipuzkoako txapelkun (1988/05/21)
Pelloren *umeek* orain dela 30 urte irabazi zuten saskibaloiko Gipuzkoako Txapelketa. Buzkantz-afaria egiten dute urtero sanmigeletan; aurten, Arteagan batu dira.

5. Arrolakoak, Pirinioetan
Pirinioetan barrena ibili dira Arrola taldeko mendizaleak: Leskunetik Zurizara eta Zurizatik Etxoko haranean barrena, hain justu ere. Paraje ederretan ibili ziren.

2. 48 urte ezkontuta
Jose Luis Azkarate eta Milagros Beitia arrasatearrak orain dela 48 urte ezkontu ziren. "Zorionak, aitaita eta amama! Oihan, Lide, Hegoi eta Garazi biloben partetik".

4. Bergarako bira
Hilaren 23an eta 30ean, laugarren eta bosgarren etapak egin zituzten Pol-Poleko lagunek. Elosua-Bergara eta Bergara-Elorregi, hain zuzen ere. Ederto ibili ziren.

6. 56 urte ezkontuta
Pedro Garitano eta Rosa Mari Larrañaga bergarrek 56 urte bete dituzte ezkontuta. Bizipozean, euren familia handiarekin batera ospatu dute. Zorionak!

7. Musakolakoak, Irlandan
Musakolako kuadrillako lagunek astebete egin dute Irlanda aldean. Dublin, Belfast, Donegal, Connemara eta Galway bisitatu zituzten, besteak beste.

ZORION AGURRAK



BERGARA
Izaro Esnaola Tello
Urriaren 10ean, 5 urte.
Zorionak, gure
printzesa politt hori!
Egun bikaina pasa
dezazula etxeko
partetik. Muxutxo pila
zuretzat.



ARAMAIO
Hegoi Azkarate
Arriolabengoa
Urriaren 10ean, 10
urte. Zorionak, laztana!
Amatxoren, aitatxoren,
Oihanen, amamen,
aitaiten, osaba-izeben,
Lideren eta Garaziren
partetik. Ondo pasatu
eguna!



BERGARA
Asier Barbero
Zumarraga
Urriaren 9an, 5 urte.
Anaita Beñaten eta
amama Begoren
partetik, zorionak eta
muxu handi-handi bat.



OÑATI
Danel Amenabarro
Urriaren 8an, 5 urte.
Urte askotarako,
maittia!



OÑATI
Xabi Lukas
Korkostegi
Urriaren 7an, urtebete.
Zorionak, Xabi!
Ondo-ondo pasatu
zure lehenengo
urtebetetze eguna.
Muxu handi bat,
etxeko danon partetik!



OÑATI
Arhane Katarain
Leibar
Urriaren 7an, 4 urte.
Zorionak, maitte! Ondo
pasatu zure eguna eta
patxo handi-handi bat,
etxeko danon partetik.
Jarraitu zarien
bezelakua izaten. Ask
maitte zaitugu!



BERGARA
Intza Goikoetxea
Lopez
Urriaren 7an. Zorionak,
maittia! Etxeko
printzesak lau urte!
Ondo-ondo pasatu
eguna eta muxu potolo
bat, familixako danon
partetik. Bereziki, Iker
anaia. Pa!



ARETXABALETA
Aines Lezeta Izuel
Urriaren 6an, 6 urte.
Zorionak Aines! Ondo
pasatu zure
urtebetetze eguna.
Irribarre eder horrekin
jarrai dezazula urte
askotan. Patxo handi
bat! Zure familiaren
partetik.




ARETXABALETA
Julen Garcia Sanchez
Urriaren 5an, 9 urte.
Zorionak, Julen! Heldu
da zure eguna. Muxu
handi bat denok
partetik, laztana. Ask
maite zaitugu. Ondo
pasatu!




BERGARA
Amaia Fernandez
Maiztegi
Urriaren 4an, 19 urte.
Zorionak, Amaia! Patxo
potolo bat, maitte
zaitugonon partetik!



OÑATI
Libe Idigoras Garcia
Urriaren 3an, 6 urte.
Zorionak, politt hori!
Primeran pasatu zure
egunean. Aitatxoren,
amatxoren eta Aniren
partetik, mundiala
zara!



OÑATI
Laia Irizar Palacios
Urriaren 3an, etxeko
printzesak hiru urte!
Zorionak, etxekuen
partetik.



BERGARA
Arhane Elkoro Urzelai
Urriaren 3an, 4 urte.
Zorionak, maittia.
Abenturaz betetako
beste urte eder bat
hasi da. Gozatu eta
ondo pasatu.
Txokolatzeko muxu
erraldoiak zuretako.



ARRASATE
Maria Eugenia Urroz
Arruabarrena
Urriaren 3an, 68 urte.
Zorionak, amama!
Ondo-ondo pasatu
eguna eta muxu handi
bat, familiaren
partetik! Batez ere
Izar, Unax eta Iontxu!



OÑATI
Sara Arenaza
Barriola
Urriaren 3an, 6 urte.
Zorionak, politt hori!
Ondo-ondo ospatu
zure seigarren
urtebetetze eguna.
Patxo handi bat,
etxeko danon partetik.



ARRASATE
Unai Muñoz Sanchez
Urriaren 2an, 7 urte.
Zorionak, Unai! 7 urte!
Ederto pasatu eguna!
Etxekoak, lagunak eta,
batez be, Bittor,
Kenare, Julen, Maren
eta Lur. Mua!



BERRIZ
Zoe Valsera
Urriaren 1ean, 8 urte.
Berrizeko printzesarik
ederrenarentzat,
zorionak eta patxo
handi bat izeba Usua
eta Ketyren partetik!



BERGARA
Naroa Markina
Urizarbarrena
Irailaren 30ean, 3 urte.
Zorionak, maittia!
Ondo-ondo pasatu
zure urtebetetzea!
Muxu handi bat
familixakuen eta, batez
ere, Haizearen
partetik!



OÑATI
Hodei Ruiz Martin
Irailaren 29an, 8 urte.
Zorionak, Hodei,
familia osoaren
partetik! Besarkada
handi bat!



ARRASATE
Aimar Domingos
Garay
Irailaren 24an, 3 urte.
Zorionak, Aimar!
Etxeko txikiak 3 urte
bete ditu. Muxu handi
bat familia osoaren,
eta batez ere,
Nahiaren partetik.

Urte askotarako!

Zorion itzazu lagunak eta senitartekoak;
hiru bide dituzu Goienaren bidez
zoriontzeko:

Internet

Goiena.eus-en erabiltzailea sortu eta
<http://goiena.eus/zorionagurra>
helbidean sartu zorion agurra.
Urtebetetze egunean bertan argitaratuko
da webgunean eta egubakoitzean
Goiena paperean.

Posta elektronikoa

Mezua bidali zorionagurra@goiena.eus
helbidera, eta idatzi: izen-abizenak,
herria, urtebetetze-eguna eta nahi duzun
testua.

Ordezkaritzak

Etor zaitetz Goienaren ordezkariaren
batera edo deitu 943 25 05 05
telefonora.

**Martitzeneko 17:00ak arte
jasotako zorion agurra
bakarrik iragarriko ditugu.**

**Hortik aurrera jasotakoak
hurrengo astean argitaratuko
ditugu.**

AGENDA

EMAIGUZUE ZUEN EKITALDIEN BERRI EGUAZTENENKO EGUERDIA BAINO LEHEN. Tel.: 943 25 05 05 / kultura@goiena.eus

EGUBAKOITZA 5

OÑATI Odol ateratzea
Urriko deialdia egin dute.
Enpresagintzan, 17:00etan.

ARETXABALETA 'Margotutako hormak' erakusketa

Josune Murgoitio arrasatearrak Euskal Herriko hormetan egindako pintaden eta mural aldarrikatzaileen esanahia erakutsi gura du.
Arkupen, 18:30ean.

ELGETA Gaztelekuko erabiltzaileendako batzarra
Zerbitzuari buruzko berrikuntzei buruz jardungo dute. Irekia.
Gaztelekuan, 19:00etan.

ARETXABALETA 'Las chicas del balneario' antzezlan

Ausart taldearen antzezlan.
Sarrerak, lau euro.
Zaraian, 19:00etan.

ARAMAIO Untzillako jaiak
19:00etan, kanpai jotzea eta etxafuego jaurtiketa; eta 21:00etan, bertso afaria elkartean, Jon Maiarekin eta Amets Arzallusekin.
Untzillan.

OÑATI Euskaltzaindiaren XVII. Biltzarra: kontzertua

Mende berri kantuz delako emanaldia egingo du Euskeria Gazte Abesbatzak.
Arantzazuko basilikan, 19:30ean.

OÑATI Giza proba

Oñatiren eta Lezoren arteko erronka, 715 kiloren gainean.
Olaiturrin, 20:00etan.

BERGARA 'Kopla barik, koplatan'

Bi taldetan banatuta –Kioskoa eta Kontxa taldeak– kopla kantari ibiliko dira hainbat lagun, Ibon Leibarrek jarritako gaiak aintzat hartuta.
Espolain, 21:15ean.

OÑATI Bertso jaialdia

Errosario jaietako saioa egingo dute Aitor Mendiluzek, Nerea Ibartzabalek, Andoni Egañak, Sustrai Colinak, Miren Artetxek eta Unai Iturriagak.
Oñatin, 22:30ean.

ZAPATUA 6

BERGARA Erreka garbiketa
Taldea banatuta, txoko ezberdinak garbituko dituzte.
San Martin plazan, 08:30ean.

OÑATI Herri Eguneko azoka

Animalien erakusketak; gazta, fruitu eta barazki lehiaketak; lore eta landare erakusketak; eta artisau salmenta.
Unibertsitate etorbidean, 09:00etan.

OÑATI Sagardo dastatzea

25 sagardotegitako sagardoa probatzeko aukera.
Foruen plazan, 12:00etan.

ARAMAIO Untzillako jaiak

12:00etan, meza; 14:00etan, auzo bazkaria; 16:00etan, mus txapelketa; 17:30ean, Eriz magoa; 18:30ean, txokolate-jana eta dantzaldia Arkaitzekin eta Maddalenekin; iluntzean, parrilada; eta 22:30ean, dantzaldia.
Untzillan.

ESKORIATZA 4X4 ibilgailuen triala

XI. aldiz egingo dute.
Torrebaso poligonoan, 15:00etan.

ESKORIATZA Jolasak

Gaztetxoendako.
Gazteleku pareko kantxan, 17:00etan.

ARETXABALETA Zinema gelako altzariak moldatu

Gaztetxoendako ekintza.
Gaztelekuan, 18:00etan.

BERGARA Udazkeneko eta neguko erakusketa

Bedelkarreko merkatarien eskutik, denboraldi berrirako tendentziak.
San Martin plazan, 18:00etan.

OÑATI Gaitzertidirekin dantzaldia

Errosario jaiak.
Atzeko kalean, 18:30ean.

BERGARA Organo kontzertua

Stanislav Surin organistaren eta *panen* txirula jotzen duen Helmut Hauskellerren emanaldia.
Santa Marinan, 19:00etan.

OÑATI Koban eta Trikimailu taldeak eta DJ Big Mac

Errosario jaiak.
Txosnagunean, 22:00etan

DOMEKA 7

ELGETA Intxortara bisita antzertua

Lubakietara egingo dute bisita. Hainbat puntutan, pertsonaia bereziak egongo dira. Debalde.
Mendizaleen plazatik, 10:00etan

ARAMAIO Untzillako jaiak

10:00etan, mendi irteera; 12:00etan, meza Aramaioko abesbatzarekin; eta 13:00etan, bermuta Arkaitzekin eta Mirenekin.
Untzillan.

BERGARA Domeka Azoka

Elkartrukea, berrerabilera eta artisautza sustatzeko ekimena.
Seminarixoa, 11:00etan.

BERGARA Txistulari Bandaren kontzertua

Kalerik kale ibiliko dira.
Kaleetan, 13:00etan.

ARETXABALETA Antzerkia: 'Tomaxen abenturak, hamar urte'

Tomax pailazoak hamar urte bete ditu, eta lagun guztiak gonbidatu ditu festara. Sarrerak, hiru euro.
Arkupen, 17:00etan.

OÑATI Haurrendako parkea

Errosario jaiak.
Etxaluzen, 17:00etan.

ESKORIATZA Degurixara irteera

Perretxikoak batzera joango dira gaztetxoak.
Gaztelekuan, 17:30ean.

BERGARA 'Galleries Des Corsaires Baiona' erakusketa: azken eguna

Gaur da azken eguna.
Aroztegin, 18:00etan.

ELGETA 'Comunicado de muerte' antzezlan

Frankisten lehenengo erasoaren eta frontea ezarri zeneko 82. urteurrenean, Banarte taldearekin.
Espolain, 19:00etan.



KARKARA

OÑATI Gozategiren kontzertua

Taldearen 25. urteurrena ospatzeko, *G punta* delako diskoa kaleratu zuen. Hori aurkeztuko dute Herri Egunean, eta beraien kanturik esanguratsuenen errepaso egingo dute.
Bihar, zapatua, Foruen plazan, 22:30ean.

OÑATI Blues kontzertua

Noa Volldamn And The Hell Drinkers taldearen kontzertua, Errosario jaietan.
Atzeko kalen, 19:00etan.

OÑATI Tarantella orkestra

Dantzaldia egingo du.
Foruen plazan, 20:00etan eta 23:30ean.

OÑATI Balkoitik balkoira, bertsotan

Iker Zubeldiarekin eta Agin Labururekin.
Foruen plazan, 20:00etan eta 23:30ean.

OÑATI Tarantella orkestra

Dantzaldia egingo du, .
Kale Zaharrea, 20:30ean.

OÑATI Piroteknika ikuskizuna

Argia, musika eta sua protagonistak.
Foruen plazan, 23:00etan.

ASTELEHENA 8

ARETXABALETA Antzerkia: 'Lortegian'

Teatro Paraiso taldeak hiru emanaldi egingo ditu, 4 eta 5 urte arteko umeendako, Antzerkiaren Hilabetearen baitan.
Arkupen, 09:15ean, 10:15ean eta 11:15ean.

OÑATI Sokamuturra

Arno etxeko zezentxoak Foruen plazan ibiliko dira. 16 urtetik

beherakoek debekatuta dute ibilbidean sartzea.
Foruen plazan, 09:30ean.

OÑATI Salda, Pake Lekun

Errosario Bixamon Eguneko ekintza.
Pake Lekun, 11:00etan.

OÑATI Sokamuturra, Arno etxearekin

Zezenak Foruen plazan ibiliko dira. 16 urtetik beherakoendako, sarrera debekatuta.
Foruen plazan, 09:30ean.

ESKORIATZA Jolas kooperatiboak

Mahai-jokoekin jolasten ikasiko dute umeek, bi txandatan: 17:00etan eta 18:15ean.
Ludotekan.

OÑATI Di-bertsioak emanaldia

Herriko musikariaren eskutik.
Txosnagunean, 18:30ean.

ARRASATE 'Arizmendiarieta, el hombre cooperativo' dokumentala

Jose Maria Arizmendiarietaren bizitza errepasatzen duen dokumentala ikusteko aukera. Debalde.
Kulturaten, 19:00etan.

ARETXABALETA 40 urtekoen kinto bazkaria

Kinto bazkaria egingo dute 1978an jaiotakoek, 40 urteak ospatzeko. Aretxabaletan bizi den eta kintoa den edonori dago zabalik gonbidapena. Azaroaren 24an



AZKEN BERBA

ANDER ETXEBERRIA

Jai handia

"Maritxu Kajoi da eusko lur gainean dagoen jairik handiena". Horrela idatzi nien behin kanpoko lagun batzuei jai hori zer den azaltzean. Esajerazioa izango da, agian, baina nolabait egia ez da urrun ibiliko.

Festaren egitarauan datorren ekitaldi kopurua oso txikia da –edozein kaleko jaietako programa baino xumeagoa–; batzen duen jendetza, aldiz, izugarrikoa. Nekez gaindituko du proportzio hori beste edozein festak. Jaia bere esentzian: jendea batzen da jendea dagoen lekuan.

Interesgarria litzateke arrakastaren giltzarriak aztertzea, beste jai batzuk indartzeko balio baitezake. Gakoen artean egongo dira, besteak beste, ondokoak. 1. Egun bakarrekoa da, bizia; aukera bat besterik ez dago festarako. 2. Irudi propioa dauka, berezia, beste inon aurkitu ezin daitekeen multzoa: txikiteroen patroia bezala aurkezten da bere eskapularioaz, nobenarixuz, mirariak... Eta, nola ez, dotorezia da nagusi.

Guztira, parte hartzaileak bere egiten du aparteko jai hori, asteak lehenago darabil buruan eta Maritxu Kajoiko enbaxadore bihurtzen da. Hasierako lerroak bezalakoak idatz ditzake orduan. Ondo pasau!

BUKATZEKO



Valverde, Iñurriategi eta Arregi, Zabala jaietxe aurrean, sari banaketan. LOKATZA



Alejandro Valverde, Munduko Txapelketan urrezko dominarekin. EUROPA PRESS

Labegaraietako probatik, Mundukoa irabaztera

Alejandro Valverde txirrindulari murtziarrak orain dela 22 urte irabazi zuen Bergaran jokaturako Altos Hornoseko lasterketa. Joan den domekan, berriz, Munduko Txapelketan, urrezko domina lortu zuen, Innsbruck-en (Austria), 38 urterekin

Imanol Beloki BERGARA

22 urte bete dira Alejandro Valverde txirrindulari murtziarrak Bergarako Altos Hornoseko lasterketa irabazi zuenetik; gaur egun, Labegaraietako Saria da proba horren izena.

1996ko maiatzaren 1ean lortu zuen garaipena Valverdek, Labegaraieta auzoko jaietan. Garai hartan, harrobiko txirrindularia

zen Valverde, eta, ordurako, *El imbatido* esaten zioten. Gaur egun, berriz, goitizen horrez gainera, *Balaverde* ezizenez ere ezaguna da.

Asteburu-pasa, bi garaipen

Lokatza Ziklismo Eskolako ordezkarien esanetan, Valverde Oñatin zituen ezagun batzuen etxera joan zen asteburu-pasa,

eta, Bergaran izan zen Altos Hornoseko lasterketa irabazteaz gain, hurrengo egunean izan zen Zegamako lasterketa ere irabazi zuen.

Zabala parean, sari banaketan

Argazkian, ezkerretik eskuinera, Alejandro Valverde, Nagore Iñurriategi –auzotarra– eta Gurtz Arregi daude –Bergarako

txirrindulari onenetakoa izandakoa–, Zabala jaietxe aurrean. Edozelan ere, argazki originalean, Antton Blanco ere agertzen da, lasterketaren babeslea izan zena.

Urrezko domina, 38 urterekin

Joan den domekan, irailaren 30ean, lortu zuen Munduko Txapelketako urrezko domina Valverdek, Innsbrucken (Austria), 38 urte ditu murtziarrak, eta ortzadar maillota janztea lortu du, azkenean.

Hainbat bider igo da podiumera Munduko Txapelketan, eta, azkenean, lortu du erretiratzeko moduko garaipena. Gainera, garaipen horrekin, Munduko Txapelketan domina gehien lortu dituen txirrindularia da. Zazpi lortu ditu: brontzezko lau, zilarrezko bi eta urrezko bat, hain zuzen ere.

OÑATIKO JAIK ETA MARITXU KAJOI

GOIENA TELEBISTA

URRIAREN 11N, EGUENEAN, 21:00ETAN ETA 23:00ETAN

goiena
Zu hemen zaude.

